

**LWONGO PI KWAYU
DHANU PA MUNGU**

**PONJI 200 MA JU YUBU PI
KWAN MI SUKURU ENI.**

Edited by Thelma Braun

Translated in Alur by: Africa United for Discipleship and
Missions Ministries, Uganda / Africa

**EVANGELISM RESOURCES
425 Epworth Avenue
Wilmore, Kentucky 40390 (USA)**

Alur Edition 2017

*Ni Willy's mubedu wegu mi
sukuru mi Bibilia mucaku I
Zaire ku wote adek mapigi
tek magi kelo tic eni ku
mutoroikwo mwa man
idhu tic eni I Africa.*

PONJI MU TYE I BUKU ENI

NGEYONGEC	6
BUKU MA NWANGIRE I BIBILIA	7
PONJI MALILI MI BIBILIA	37
BODHO PONJI KU LEMBAYERA	73
KWAYU ROMBE	89
KWO MA LENG	126
RIBRI PA DUL YIC MATUNG TUNG	144
UDA KUM BIBILIA	147

NGEYONGEC MU TYE I BUKU ENI

Buku eni juyube pi dhanu ma akoya, julub pa Yesu Kristo magi winjo lwongo mi timo tic pa Mungu ni dhanu ikind pacu, kudi I adhura madongo ba dhanu magi yenyo Rwoth. Dong I daru koyo iri yenga abora p[I kwan, tic man rwo kara ibeda yika pi tic pa rwoth me telo wi iie. Wun dong utye dhanu makoya ni Mungu.

I buku eni utye Ponji 200 mu maku jukwan pi nindo 40 I ot klasi. Pi sawa abic, abic ku bang ceng. Watemu kethu pi yenga abora no kumae.

8:00 -8:50 Neno I buku mi Bibilia

8:50 – 9:40 Ponji malili mi Bibilia

9:40 – 10:30 Bodho mi Ponji/ Lembayera.

10:30-10:50 yom manok

10:50-11:40 Kwayu rombe pa Mungu

11:40-12:30 Kwo ma Leng.

Kubang retu kud uthyenu jucopu kethu pi kwan, ngio I ponji mukadhu-pire tek iri miketho ponji eni gi I tic matima mi doko jamak dhanu ni Mungu ikind pacu makago ku sukuru eni. eni utye kare ma pire tek I kwan eni.

Cim moko iri nia. Ponji moko copu nen bor iri nyo ke tek mi nyany ii gi pi kare manyanok mi kwan eni, dong jucopu cwalu ponji maeno inindo mulubu ngeye, ento re calu juketho ponji eno gin indo acel acel man pi nindo 40, sawa moko ebibedo tek mi daru ponji negi.

Nindo 40 eni majukoyo athothi pi kwanu kum lembe ma pire tek pa Mungu man yubi pi tic pare mi yung copo bedo iri nindo ma pire tek I kwo peri zo. Dong kwac mwa nia eni bibedo lemadha ikwo peri man yongei daru kwan eni ibiketho gin ceke mi kwanu pi yenga aboea eni zo I tic pa rwoth man ibi copo loko dhanu dupa I yoj both man jumange I tengini mi Tipo pa rwoth.

BUKU MUTYE I BIBILIA

THEKIRI: Yenga abora utye kaer manok magwei mi daru lembe ceke mutye I buku 66majulwongo Bibilia – dok kadi ngati mu rii ingom pi oro mapol de copo ngo ni ngeyo lembe mi buku eni ceke. Ento re mi kare manok mi kwan eni ibibilu midu mi buku enugi kubange kubange, man ebimio iri kare miyenyoye lembene mange piri giri kare ku kare pi kwo peri. Lembagora wace ku rieko kumae, “kwan mi nyuthri ko giri nia in I ngati ma Mungu foyo” (2Tim.2:15) Tek dong ingio kwo peri ku bibilia, eno re dong ma ibimare magwei-ku won buku need ma en e Mungu. Man eni bimedoye iri mugisa mawecerengoye man I ndhu tic pa Mungu mi timo de.

Buku adek ma pigiyu tek ma jutiyu kudu pi yubu kwan eni, “*What the Bible is all about*, by Henrietta C. Mears, *Briefing the Bible*, by J. Vernon McGee, man *The Compact Servey of the Bible*, by John Balchin.

NGETE MIR ACEL – BUKU MI LEMBARIBA MACON

PONJI MIR 1 –NYUTHU WI LEMBE

Bibilia ene dwond Mungu ma jugoro pi dhanu pare. Wi lembe madit ma jugore Bibilia pire ucungu wi Both mani kum. Bibilia utye ku buku 66, ma dhanu 40 re mugore man utingo thekare mi oro 1600 mazo. Lembariba macon jular jugoro masagu ne ku ndhu Juebrenia,man Lembariba manyen ke jugoro ku ndhu Ju Griki. Juru gor ne gibedo Ubimo gi, Ngithi rwothi, Juwer man Jurieko, Jubila man Jutela mi ngom. Jugor eni jumange gibedo jumu somo lee, jumange ke gisomo ungo, gibedo ju cik rec. Pi dwi acel eni wabi caku kuneno I buku mi Lembariba macon, ma etye ku buku 39.

5 - Buku mi cik

12- Buku mir uda

5- Buku mi Wer.

17- Buku mi lembila (5 madongo,12 Ma thindho)

Bibilia ene buku ma pire tek mu tye ikind dhanu I ngom eni, umaku ju kwane, jungi iye, man ju yiye ku wore de.

PONJI MIR 2 THANGAMBERE

Buku abic mucaku I Bibilia Musa ugoro gi en majulwongo gi nia(Pentateuch) thelembe nia Abic. Thangambere thelembe nia Acaki mi mi piny. Thangambere ene buku mir acaki – acaki mi ngom, (1:1-25) Acaki pa dhanu (1:26-27), acaki mi mondo pa dubu ingom (3:1-7),lembagola pi lar (3:8-24) acaki mi pacu (4:16-9:29), Acaki mi thek zo mi ngom(10,11), man acaki mi thek pa juebrenia (12-50). Thangambere uynuthu pi podho pa dhanu. Ecaku ku “Mungu” man edar ku sondu yik (coffin) Thangambere ju poko iye I ungu aryo madongo kumae:-

1. Mondo pa dubu I ngom, 1-11.

1. Cwic pa ngom chs 1,2.
2. Podho pa dhanu I dubu chs 3,4.
3. Pii mupongo ngom chs 5-9.
4. Gomo ot mawiu man ku loko dhok chs 10,11.

11. Yub pi bino pa Jalar, chs 12-50.

1. Ibrahim, dhanu mawon yioyic, chs 12-23.
2. Isak, wod mir amara, chs 24-26.
3. Yakobo, Rwoth umare man uponje, chs 27-36.
4. Yusuf musendre ento re ebedo mandha ku Mungu, chs 37-50.

PONJI MIR 3 AI

Ai thelembe nia “wok”

Ubedu dhanu pier abiro kende mulor piny I ngom mir Egypt, ento mapodi giweko ngom mir Egypt ungo, nango dong wel gi romo million adek. Thangambere nyuthu pi podho pa dhanu I dubu, Ai ke nyuthu pi war ma Mungu waru kudu nyithindho mir Isreali kud in Misiri. Buku eni caku I col piny ento ingeye e ryeny, man edar I dwong ku yung.

Ai 12 nyuthu iwa pi kadhu ku wijo, ma nyuthu atira iwa ayi both mi lembariba macon pi ngati acel acel nikum yic I cwir pa rimo pa Rwoth Yesu Kristu. Buku mi Ai jupoko iye kumae:-

1. Mungu yubu Musa, Jalar, chs 1-11.
2. Both, ku rimo man tego, chs 12-14.
3. Woth I kum got Sinai, ponji mi tipu ni dhanu, chs 15-18.
4. Mio Cik Apar, ma en e maraya ma nyuthu dubu pa dhanu, chs 19-24.
5. Kite mumaku ju gom kudu ot Tabenakulu, ma en lanyuth pa Mungu ikind dhanu pare, chs 25-40.

PONJI 4 LEMBE MI JULAWI, WEL KU POI MI CIK

Buku mi Lembe mi Julawi, ene ayi ma Mungu ponjo kudu isreal kite mi wore kudu. Ku ayi ceke mutye I buku ne cimutic pa Yesu Kristu. Nying mange maju lwongo kudu buke eni utye nia, **“Buku mi war”**, Woth maber” mi Giramia. Buku eni nyuthu pi kit giramia abic matung tung: lam mawanga, mi Mogo, mi Kwicwiny, mi dubu ku kadhu kyew. “Gwok maber” mir Ambaza. Man kendo utye kit Ambaza abora, mi Sabbatu, Kadhu ku Wijo, Mi Ceng Pentekote, Mir Agwara, Mir ruc mi dubu, mi Tabenakulu, mi Oro mir Abiro, man ambaza mi oro 50. Lam mawanga nyuthu pi rimo ma bodho jo, Ambaza ke nyuthu pi cam ma gwoko jo.

Wel en buku mu wecu ku kwo ngom langa, kite ma isreal uwotho kudu ikum got Sinai cil I wang kyeu mi ngom Canani, ma e ngom mi lembagola. Jucopu lwongo buku eni de nia buku mi Ngur. Pidoic mapire tek I buku eni utye Woro. Wel nyuthu pi woth mi juyic.

Chs 1-10, Nyuthu pi cik pa Mungu.

Chs 11 -20, Nyuthu pi uda mi podhu pa thek I wang Mungu.

Chs 21-36, Nyuthu kite ma Isreal gidwogo kudu I the kisa pa Yehova man aloci matok cen kadi kud I ngom langa.

Dhanu ma pigi tek I buku eni utye, Musa, Aaron, Miriam, Joshua man Kaleb.

Poi mi cik, eni utye buku mi poi, buku ucoko dhu wec ku wer pa Musa ma emio calu ciku cik pare ni nyithindhu mi Isreal. Buku kendu nyuthu pi mugisa ni juma mol man kwong ni juma mol ungo. Buku eni utingu dwi aryo kende man kun indo pier adek ma ju wagu kudu Musa. Yesu de lembe mapol etingo kudi Poi mi Cik eni. Edwoko lembe ni jok kudi lembagora mi buku eni. Buku mi Poi mi Cik, mio iwa midu mi polo kudi ngom keni.

Wie Wie: I Thangambere, waneno kite ma dhanu nyothre kudu; I Ai, kit ma Mungu laru kudu dhanu, Lembe mi Julawi,

kite ma dhanu caku woro kudu Mungu, I Wel, kit ma dhanu tiomu kudu ni Mungu, Poi mi Cik, dhanu ponjo caku woro Mungu.

PONJI 5- JOCUWA, JUPOK LEMBE MAN RUTH

Buku pa **Jocuwa**, ene acaki pa buku mi lembu uda. Epong ku ponji mi lembe mandha mi tipu, Cuku cwiny ku Rieko, Musa kinde mutho, woth mi ju isreal umaku umedre asu. Jocuwa en re medaru gin ma Musa ucaku. Buku manyuthu pi jatela matek eni upokire Iye aryo kumae:-

1.Maku ngom mi lembagola (kanani) 1-12.

2.Poko ngom mi lembagola (kanani) 13-24.

Jupoklembe, nyuthu pi thekare mi col piny pa nyithindho mir isreal. Kite ma dhanu weku kudu Mungu(2:13) man Mungu de woko gi (2:23) Buku pa Jupok lembe tingo the kare ma ni ai ikum tho pa Jatela migi matek Musa ni tundu I kum idho pa Saulo I wi ker.kinde ma isreal umaku ngom mi kanani, gibedo oro 350, mumbe rwoth I wigi. I thekare enu zo, ngati man timu gin mubedo ber iwange gire I buku eni. Buku eni nyuthu pi weko Mungu kare ku kare man kisa pa Mungu de kare ku kare. Ju copo poko I buku eni kumae:-

Dubu wang Aboru Akaka man weko gi de wang abiru I cing thek dhanu mange man larugi de wang abiru.

Ruth buku eni nyuthu iwa pi Yesu Kristu, Jawar mwa.buku eni de nyuthu iwa ayi maher mi tic pa Jupoklembe marac, kendu ke ayi mer pa Yesu Kristu ku Kanisa . buku eni de nyuthu pi tic mi thekare mi tela pa Gideon nyo ke pa Yephtha. Ruth ubedu wangu madit pa Daudi, ma kwaru madit pa rwoth mwa Yasu Kristu. Buku eni nyuthu

pi acaki mi thek Masiah bi nyolire iie. Ruth ubedo nya suru mi Moab, ma nyikwai Lot, magi thek dhanu mange. Ken en kisa madit pa Mungu, mekelo ko thek dhanu mange I the kwaru pa Kristu.

PONJI 6- SAMUEL MIR 1 KU MIR 2

1 Samuel, ene buku mir acel iknd buku abusiel ikind buku pu Ubimu, gi buku aryo pa Samuel, Ubimu man Lemkei. Lembe mugorire i Samuel mir acel, umaku lembe mi thekare mapi oro 115, nicakire I nyol pa Samuel cil thekare mi masendi pa Saul nitundo i thekare mi camu ker pa Daudi. Buku jucopo poko iie calku there adek mi kwo mi dhanu maegi:-

1. Samuel, Jabila pa Mungu, chs 1-7.
2. Saul, Ubimu maja camco man muweko Mungu 8-15.
3. Daudi, Dhanu pa Mungu, 16-31.

2 Samuel, Samuel mir acel nyuthu pi ubimu Saul ma dhanu ketho re man wek me weko Mungu, 2 Samuel lund nyuthu kite ma Mungu wiru ku Daudi, ubimu ma kacwinye. Man ketho the ot pa Daudi ma Jalar biai kud iie. Daudi ubedi ngati maka cwiny Mungu gire- ungo nia edubu ungo, ento nia ekwayu kisa pio pio kan edubu. Daudi ubedo jalukara, jakwai urombe, jarawer I ot pu ubimu, Jara lwiny matek, jamar dhanu andha, Jatel mony ikind thek mange, Ubimu, Jawi nyuru asikari, wego ma jammer, jawer, jadubu ma adundene tur pio ma en e gnati mu tengini, ento ngati mumaru Mungu magwei. Buku iie pokre aryo:-

1. Aloci pa Daudi chs 1-10.
2. Masendi ma Daudi mondo iie, 11-24.

PONJI MIR 7- UBIMU MIR 1 KU MIR 2

Buku maeni gitye medri mi lembe mi buku pa Samuel, gin dong ginyuthu pi gin mutimire pi oro 400, nyutho dongo, nyothri man pokri pa ker mi isreal, theng ker mayu piny (south) Yuda, ubedu kud ubimu 20, man ngete mayo malu (north) Isreal ubedu kud Ubimu 19. Yuda ku Isreal ceke gicidhu I ngeca. Dwond Mungu ubedu ka wok kud ibang Jabila Eliah pi pokolemba man bimobim pa Yehova kud I Ubimu mir Acel, man Elisha ulund

ubedo jabila mi kisa man ma yoo,i ubimu mir aryo. Gin mapigi tek i Ubimu mir acel ku mir aryo

1. Tho pa Daudi, 1 ubimu 1, 2.
2. Dwong mi camu ker pa Solomon, 1 ubimu, 3-11.
3. Pokri pa ker pa Isreal, 1 ubimu 12-2 ubimu16.
4. Cidhu ingecapa Isreal nikum ju Assyria, 2ubimu 17,
5. Podhu pa Yuda man cidhu migi ingeca, 2 ubimu18-25.

PONJI MIR 8- LEMKEI MIR 1 KU MIR 2

Buku mi lemkei nyuthu pi gin marom ku buku pa Ubimu, ento re iyore mukoc.kud buku pubimu,lemb uda pa isreal jubed junwangu kud I ot ker,ento I Lemkei uda negi jubed junwangu kud I wi pemb lam.kudi Buku pubimu kaal pa rwodhi ubedu kama junwangu lembe iie, ento I lemkei lembe junwangu kud I wi Tempulu. Buku pubimu nyuthu pir uda mi lemb gamba (political) ento lemkei nyuthu pi yioyic. Buku pubimu nyuthu neon pa dhanu, ento lemkei nyuthu neno pa Mungu. Lemkei mir aryo, nyuthu pi kare mi yepucwiny abic madongo: I theker pa Asa,chs 15; Yehosaphat,chs 20; Yoash,chs,23;24; Hezekiah, chs29-31; man Yosiah, ch 35.

Lemkei mir acel iie upokire kumae:-

1. Thekwaru, chs 1-9.
2. Camu ker pa Saul,ch,10.
3. Camu ker pa Daudi, chs,11-29.

Lemkei mir 2, iie pokier kumae:-

- 1.Camu ker pa Sulimani,chs.1-9.
- 2.Pokri pa ker man uda ikum Yuda, chs, 10-36.

PONJI MIR 9- EZRA, NEHEMIA MAN ESTHER

Ezra ku Nehemia gin ginyuthu pi dwogo pa nyithindho mir Isreal kud ingom mi ngeca kud I ngom mi Babeli.Ezra ubedo jalam, Nehemia ke ubedo jakony. Dwogo mir acel pa nyithindho

mir Isreal kud ingeca ubedo I Misiri ma Musa telo wigi en; mir aryionde ke kudi Babilon ma

Ezra utelo wigi en. Nango ke kum nyidhindo mir isreal moko ular udwogo,kinde ma Ezra utuc I Yerusalem, enwangu lembe ceke marac kite me geno ungo.Yuda gi gamiri ku nyithindho mi ngombe man gitimu calku ponji mi ngom maeca (9:1-4).Ezra can unege magwei (9:5-15);man dhanu gicokiri ibange man enyuthu igi pi gondri migi mudhir kubange kubange (10:1-44).Man Ezra utelo wi dhanu negi ikama ling mi lembariba ku Mungu.

Nehemia ke utundu I Yerusalem ingei oro apar adek yongei Ezra. E bino ku twero ma ubimu mi Cami ni giero gang kadi mi Yerusalem mutur. Nehemia ubedo jaragiedo mandha,man kudi ikind ragedo dupa, edaru tic mi giedo ne pi nindo 52 kende.

Mae kite ma jupoko I buku aryo enigi:-

1. Dwogo kudi Babilon the telowic pa Zerubbabal, Ezra 1-6.
2. Dwogo kud Babilon I the telowic pa Ezra, Ezra, 7-10.
3. Giero gangkidi mi Yerusalem, Neh.1-7.
4. Yepucwiny ku lokri, Neh.8-13.

Esther – I buku maber mir uda maeni pa Esther, nying Mungu zo ulwongire ungo. Ento re Buku eni ponjo pi mio mic pa Mungu ni dhanu pare. Mungu en re me telo wi ngom eni zo. Buku eni nyuthu pi kwir adek ma pigi tek:-

1. Kwir pu Ubimu Ahasuerus,mu bimu mi cami kinde ma Vashti jukwero man yo uyabire ni Modokai ni kelo Esther ma nyathi me gwoko,nia jukel ibang Ahasuerus man edok ni ci Ubimu, chs 1 kuda 2.

2. Kwir pa Esther, kinde ma jakwor pa Yuda,Haman, jukelo man ju ngolu tho iwie man Modokai ke judodo,ch.7.

3. Kwir mi Purim, ma ju Isreal gi kwiru I nindo mir aloci migi kud I cing jadegi marac., ch.9.

PONJI MIR 10 - YOB

Buku pa Yob yabu dhu buku abic mir wer. Buku eni nyuthu pi ngeyongec mir adunde. Dok buku pa Yob eni copo bedo buku mir acel zo maju lar jugoro zo I Bibilia eni. Buku nyuthu kite ma Mungu dwoko kudu wang rwo mwa I saa mi lem matek. Man pirango ma dhanu pa Mungu sendri? Uda mi buku uyabu ku nenu mi polo man e nyuthu pi kite ma Yob urwinyu kudo lonyo pare man edoko kudo jacan .Man yongei maeni enyuthu pi wec mi kind Yob ku jurimbe.

1. buku eni uyabu kudu uda man nenu mi polo, ch 1:1-12, 2:1-6,man ulubu ku,
2. Lonyo pa Yob muthum man edoko ni jacan, 1:13-22, 2:7-10, man
3. Wec ikind Yob ku jurimbe agwen, Eliphaz, Bildad, Zophar man Elihud, 2:11-37:24. Man matok cen
4. Yob utundu kajik pare man Mungu ucaku wecu ibange,chs 38-342, Mungu unyuthu ni Yob nia,tek dhanu nenu Mungu, piny moko gitimiri, Weg bedopwe umaku gi sendri kara wek gineniri; man Mungu gam tingo gi malu. Mungu utye ku ngec mamalu pi sendri pa dhanu, kum nango eyenyo ewoth mola kwar kudi mac.

PONJI MIR 11 - ZABURI

Buku pa Zaburi zo utye pak,rwo man woro. Jawer dodo man epaku Mungu, kum kumeno ngeyongec ceke ma dhanu kadhu iie upore kude. Kwo pa Jakristu nen ingec ceke macalu mutoro ku can, aloci man podhu. Zaburi upong ku ngec ikum Kristu. Zaburi nyuthu pi sendri ku tho pa Yesu zo. Buku pa Zaburi ngati moko upoko iie cal ku buku abic pa ma Musa gor:-

1. Thangambere upore ku- Zaburi chs 1-41, ma nenon dhanu calu jamugisa,podhu ku lar bende.
2. Ai ke upore ku -Zaburi chs. 42-72, manyuthu pi nyoth pa isreal ku lar migi.

3. Lem mi julawi upore ku – Zaburi chs.73-89, manyuthu lengu mwa I Mungu, icol piny man ider.
4. Wel ke upore ku –Zaburi chs. 90-106, keni wecu kum ngom, nyoth ku gwok pare.
5. Poi mi cik –upore ke –Zaburi chs,107-150. Ke nyuth dwokiri leng man pak mi lembe pa Mungu.

PONJI MIR 12 - LEMRIEKO, EKLEZIA MAN WER PA SULUMANI

Sulimani ubedo ubimo madit man ma pire yik pi rieko man lonyo pare. Ekiew lembabola 3,000 ku wer 1,005, (1 Ubimu 4:31,32). Sulumani ubedo ja rieko, won ngec,jagyedu mi Tempulu mubedo piny mir azunga iwi ngom zo man Ubimo mir azunga bende. Buku pa Lemrieko upong ku wec mi rieko kwa, man jucopo poko iie kumae:-

1. Ponji ni juma Aradu, chs 1-10.
2. Ponji ni dhanu ceke, chs.11-20.
3. Ponji ni Ubimu man jutela, chs,21-31.

Eklezia nyuthu pi par pa dhanu ku kite mi lubu Mungu man kite mi nwanu the lembe mi kwo man anyim pa dhanu. Laru lembe mutye I buku eni utye ungo pa Mungu ento wec mi dhanu ma Mungu gwoko. Jagor buku eni utye Ubimu Sulimani man buku ne unyuthu dit ne pi kura kwo pare ene Sulimani man kite weko Mungu. Sulimani ubedo ngati mriek, ento elubu tok rieko pare gire ungo. Lembe ma pire tek I buku eni utye nia **“GIN MA IIE NANU”**I “the ceng”

Wer pa Suleman, buku eni julwongo niawer mi mar pa jukristu. Thelembe agwen mapigi tek I buku eni

1. Enyuthu pi dwong mi mer ribri pa nico ku dhaku.
2. Enyuthu pi mer pa Yehova kum Isreal.
3. Ene lanyuth pa Kristu ku Kanisa.
4. Enyuthu pi ribri pa Kristu ku ngati acel acel.

Dong mer pa ngati man ikum Kristu ene gin ma pire tek.

PONJI IR 13 - ISAYA

Buku pa Isaya ene buku mir acel ikind buku 17 mi lembila. Jubila gibedo dhanu ma Mungu tiyo kugi I saa mi kare mi col piny mir uda pa ju isreal. Gin gibedo juyer leembanganga mi kare maeca. The kare pa Jubila utingo rundi 500, nia oro elifu abugwen nitundo oro elifu apar angwen, mapodi junyolo Yesu ungo. Jubila eni gibed giyero lembe mumbe lworu ni Ubimu ku dhanu mange de pi dubu migi man weku Mungu ma gi weko. Buku eni etye kite aryo matung tung, inete mir acel, jubila giweco pi juisreal, I ajikine, enyuthu Yesu muyeyo ter mi dubu mwa, man Kristu ma jutinge malu man judode.

Buku pa Isaya eni jucopo lwonge nyathi Biblia I ayi majugore iie, etye ku capta 66, calu Bibilia de utye ku buku 66. Ku capta 39 I acaki, calu lembariba macon I Bibilia de utye ku 39, man capta 27 idar ne, calu lembariba manyen I bibilia de utye ku 27. Buku eni julwonge ‘Lembanyonga ma Isaya goro’ enyuthu bende Nyol pa Yesu ma nyaku masumba unyole kudu, kwo pare, kura pare, tho pare, cer pare mandwogo pare mir arionde ceke enyuthu pire maleng I buku eni.

PONJI MIR 14- YEREMIA MAN YWAK.

Yeremia julwonge Jabila mi” ywak”ku lembe ma juwacu enyuth ni dhanu, caku ni turu adundene en, e bedu ngatu ma judagu magwei man jumie ni degi. julwonge bende ni jacib dhanu, kum lembe pare mania Isreal umaku uyi cidho I Babiloni calu ngeca migi. (38:17-23) Piny acel kende muku Isreal gitim, ndhu yio ni cidho I ndeca. Saa mi thek dhanu ucaku ku Babiloni ma calku nenu Daniel munyuthu ayi dhanu ma wie nyunyu ca. Yeremia unyuthu pi rundi 70 calu ngeca I ngom Babiloni (25:9-12) kende ungo enenu bende yondei masendi nia dwong pa Mungu bi dwogo cen ba nyithindho pare, man jabila mange umbe mu

nyuthu pi dwong mir anyim calu Yeremia. (23:3-8;30;31;33:15-22) Yeremia utiyo ku piny matung tung I ponji pare calu kite ma Yehova nyuthu ire, ponji pare judagu adaga kende ungo ento juyie de ungo, jukwere man judegi pare gimito ya ginege de. Man nen nia Yeremia de re mugoro **buku paYwak**, ene buku mi ngec man wer ma iie upokre abic e can kende ungo.i wi afuru mi ywak ku can pi dubu pa dhanu, der mi ceng pa Mungu de be rieny asu. Kwan 3:22-27.

PONJI MIR 15 - EZEKIEL

Ezekiel ubedo jabila isaa ngeca I ngom Babiloni, etemu kutek mi kwanyu cen par pa Isreal mania gicopo dwogo pio I ngom thugi gi, man enyuthu nia gibed ayika pi nyoth mi Yerusalem ma gimaru.

Lembe pare upong ku ponji mi tipu, macalu lembe pare zoucungu I kum Mungu.en bende e ewo bila pare isaa mi theke mi col piny ma isreal gi kwo iye,kinde ma dhanu ne gicopo winjo lembe pare ungo, e eloko ayi manyen mi ponji pare, kare mumaku ewec aweca, enyuthe dong I lapor (24:24).Ezekiel ubedo jabila ni dwong pa Mungu. Ma e kite ma buku eni utye kude, ma enyuthu pi nyoth mi Yerusalem.

1. Mapodi isreal ucidhu ungo I ngeca capta, 1-24. Jabila Ezekiel ucaku lembila pare oro Abusiel, mapodi junyothu Yerusalem ungo, man ebedu kanyuthu ayi nyothne cil ma etimire kudo.

2. I kare magi cidhu ingeca, capta 25-32. Yongeye, lembila pare ubedo ni judegi pa Yuda man nyoth pa thek dhanu mange e.

3. Yongei dwogo ku ngeca, capta,33-48. Kadong matk cen ne gomo Yerusalem.

PONJI MIR 16 - DANIEL

Daniel julwonge jabila mi lek, kum Mungu unyuthu lem mung pare ire I wang lek. Nenu pare ubedo kwa pir anyim man enyuthu pol pa lembe mutye I buku mi Lembanyutha. kwo pare ku tic pare uribu kind oro 70. En jutere ingom ngeca nwangu oro pare podi 16, man ekwo kuca cil ma oro pare tundu 90. Kadok bende ebedu ni ngeca, ento edoko ni jatic madit ingom Babilonia. gin ber ku Daniel, ikare ceke en ebedo mandha ku Yehova Mungu.

Buku eni iie upokire kumae:-

1. Kwo pa Daniel manya ling kende , capta 1:1-2:3.
2. Kwo pa Daniel I kind dhanu- munyuthu thekare mi yhek dhanu mange, 2:4-7:28.
3. Lembila mi gin mawok iwang pa Daniel- lembila mir uda mi ngoam matung tung, capta 8-12.

PONJI MIR 17 – HOSEYA, YOEL MAN AMOS

Hoseya utye buku mir acel ikind buku 12 mi jubila mathindho, julwongo gi jubila mathindhu nikum gor migi utye manok nok. Hoseya, ma thelembe pa nyinge nia **“Both”** julwonge Yeremia mayori ker malu (north), Hoseya ubedu ngo jatela moko ento Mungu lwonge ni mio lembe mukoc ni Isreal mupodho I wang Yehova nia Mungu maru gi. Hoseya jungolo ire ni nyomu dhaku ma won asara, mu nyolo ire awobi aryo ku nyaku acel. Ebedo katomo asara kadok kudi iot pu Hoseya, man eparu nia eryeme cen, ento Mungu ngolo ire nia edwoke kendo man dok umaku emare kendo. Eni ke ubenyuthu nia Isreal gibedo mandha ungo ku Mungu, ento Mungu maru gi asu ekelo cen ibange gire.

Buku ne iie upokire kumae:-

1. Jabila ku dhaku pare ma won asara, Gomar, capta 1-3.
2. Mungu ku nyithindho pare muweke, Isreal, capta 4-14

Yoel ubedu jabila mi Yuda man e ewo lembila pare isaa marac mi tho ngom pa bonyo ingombe, eporo bonyo ku pokolembe mi kajik ceng. Enyuthu bende pi” **Ceng pa Rwoth**” wang abic munyuthu pi ceng pokolembe. Gony mi tipu, ubedu kathere mi lembila pa Yoel. Man en Yoel de ubedo kare mi nyuthu nia Mungu bikonjo ku Tipu pare wi weg kum ceke(2:32;3:18) eni upong I ceng Pentekote (Tic.2:16)

Amos ubedu ja kwai dhieng, man lembe pare mapol ucidhu ni Isreal (Northern kingdom) Amos ubedo jalwor Mungu ma sagu lworu dhanu. Amos ucaku lembila pare ku nyuthu pi pokolembe pa rwoth iwi ngom abusiel mutyeko isreal.man edwog e ewo bende ikum Yuda karacelo ku isreal.

PONJI MIR 18- OBADIA, YONA MAN MIKA

Obadia utye buku ma gor mi iie nya nok loyo zo I kind buku mi lembariba macon, etye I ith karatasi acel kende, vasi ne utye 21 kende.ento re pi buku ne tek iwa I ceng matin de. E ewo bila pare pi pokolembe ikum ngom Edom, mumaku wi lembe aryo mapigi tek –nyoth pa jukuhaya man jai migi,man gony mi juma mol man ma yo I adundegi.Ju edom, gi nyikwai Esau mu lworu camu pacu pare- ju edom gibedo judegi pa Isreal.man junyoth kite Obadia onyuthu. Obadia,calu jubila mange de, enyuthu pi nindo pa rwoth man dwoko ker pa Mesaia.

Buku pa Yona lembila upe iie,kadi bende Yona en gire ebedo jabila. Buku eni nyuthu pi kwo pa Yona en girema utye lanyuth madit I uda mi ngom zo tin- cer pa Yesu Kristu.i buku eni. Mungu u yubu piny angwen: Rec madit(1:17), Upoku (4:6) Ukudi (4:7)man yamu ma tek mu ai yo yangu (4:8) Mungu ubedo jagwok pa jabila pare.Piny aryo mapigi tek I buku eni- Rec madit mumwonyo Yona,man Adhura madit mi Nineve mulokri I banh Yehova kinde ma Jaye lembe tundu I bangi pi kare manok kende. Umaku wangey piny aryo ibuku eni- mir acel, Yona ubedu calu Kristu I tho ,yik man cer . mir aryo- Yona ubedo

calu Isreal- ma giw tego wic ni Mungu.ma kura mi ngom mange umwonyo gi ento gibi ngogogi iceng ma Kristu bidwogo, man Isreal bigambedo jumulemba pa Yehove kare ceke.

Mika u nyuthu pi pokolemba ikum Yerusalem man kum adhura mir Isreal. Ento de emoko ikem lembe mi genogen mabibino. Eno bende bor ingei nyoth man fod inindo mi dwong ma ibang Mika lembe adek maceke giwacu nia-“Uwinji”

1. Mir acel (1:2) juwacu ni dhanu ceke.
2. Mir aryo (3:1) juwacu ni jutela mi Isreal.
3. Mir adage (6:1)ubedu wec pare mekwayu kudu isreal ya gilok cwinyi gidwogi bang Mungu.

PONJI MIR 19 - NAHUM, HABAKUK MAN ZEFANIA

Wi lembe pa **Nahum** ubedo pi nyoth mi Nineve, adhura ma Yona ucimu matek, buku pa Nahum jugoro I oro 150, ye ngei yepucwiny ma Yona teru I Nineve, lokocwiny mi uri ungo man Mungu unyotho gi pi dubu migi (3:1-7).

Nineve en ayi ngom ceke maloko ngeigi ni Mungu, ngati kadi ngom matek ukwero Mungu akakaka nango efoyo nyoth pire gire.

Habakuk penjo penji man enwangu adwogine ndhu. Penji ne kumae, **Pirango ma lembe bedo miero ni judubu?** Juwecu ikume, I lembe pare matek ceke ecidhu ibang Mungu ku rwo, man ekuru adwoginegi ku twiocwiny.(2:1). Yo ngei rwo mandha (3:1-16), Dwong pa Mungu nyuthre. Lembene, **“weg bedo pwe bikwo nikum yiyoic”** (2:4)man aloka loka madit unen. Lembe eni de jugoro I lembaribe manyen: Jurumi 1:17,Jugalatia 3:11 man Juebrenia 10:38.

Zephania upong ku kwinyo man pokolemba pa Mungu, (1:15;3:8),ento mer pa Mungu de utye I buku ne (3:17).Zephania ukweru kura tim mi woro mungu maraga pa isreal,man yepocwiny mutimire I the ker pa Yosia copo bedo ni kume. Buku eni ucakire ku can ento ethum ku wer.

PONJI MIR 20 - HAGAI, ZEKARIA MAN MALAKI

Pol pa jubila mi Lembariba macon giewo mapodi gicidhu ungo I ngom ni ngeca I Babilonia, ndhu aro kende, Ezekiel man Daniel,gin giewo ikinde magini Babilonia, ento ju adek maegi, Hagai, Zekaria man Malaki, gin giewo bila migi yongei dwogo kud I Babiloni.

Gyero man yubu ot Tempulu mi Yrusalem, emubedu pidoic pa jabila **Hagai**. E dhau wi nyithindhu mir isreal kum tic magi timo yo I gyero Yrusalem. Ecuku cwinygi man ende ekonyo gi kum tic mi gyedo ne. lembila pare utye ku lembe agwen kende majugoro utingo dwi angwen kende, dwol mi lwongo pare ikum tic ubedo badwol mamit ni dhanu, e dhanu giai man gigyero ot Tempulu ne thum. (1:12-15).

Zekaria, ubedo jabila ma nyathin ikind jubila ceke,e ewo karaceloku Hagai ma oro pare dit usage,ende emio cukucwiny ni nyithindhu Isreal kinde magi gyero OT tempulu man ecimu gi ya kud ginyai can I Mungu calu ma wegi timo con. E nyuthu rangi maber mu mil mailaa man mugisa maber mubinuni ju Isral Ikare mir anyim.

Zekaria unyuthu pi binu pa Jalar sagu jumange, ndhu kende Isaya, mune I bor piny man eneno mwol pare man sendri pare, man ke dwong ku yung pare.

Malaki ene buku muribu kind Lembariba macon ku manyen. Rundi 400 ukadhu ikind Malaki ku dwond Yohana ma Jabaptisi muwacu kumae: *“wuyik yo pa Rwoth”*.

Buku mi lembariba udar ku dwal mania *“Kwong”* man Lembariba manyen ke ujigu ku dwal mania **Musisa**. ma lubre ku yepucwiny (Nehemia. 10:28-39), dhanu gidokongic iyo mi tipu man kwo migi doko bende ngic. Jabila Malaki ubino calu jayik lembe, man ecuku cwiny dhanu man edhau iwigi de.

Kendu, Malaki unyuthu pi binu pa

Kendu, Malaki unyuthu pi binu pa Yesu mir aryende ma wabe kuru, (3:16-4:3).

NGETE MIR 2 - BUKU MI LEMBARIBA MANYEN (NT)

PONJI MIR 21 - ACAKI MI LEMBANYONGA

Lembanyonga, thelembe nia, “kwenda maber”. Dhanu angwen magi goro julwongogi Juyerlembanyonga, mathelembe nia Jukel kwenda maber. Matayo, Marko, Luka julwongogi lembanyonga murombo (synoptic), Nenu migi ceke ubedu acel ikum kwo pa Rwoth Yesu, Yohana pare koc.

Ju adek Matayo, Marko man Luka, ginyuthu masagune tic pa Yesu I Galileya, ento Yohana nyuthu pi tic pa Yesu I ngom Judeya. Lembanyonga adek manogi, ginyuthu pi musana, lembabola ma Yesu wecu kudu ku dhanu. Ento Yohana nyuthu pare kwo pa Yesu mathuth ku Mungu. Wec ku kura Rwo pare. Ju adek mano, gi nyuthu tic ma Yesu timo, Yohana ke nyuthu ribri pa Yesu ku Mungu.

Gin ceke ma jubila giyero, nyuthu pi kwo ku tic pa Yesu wi ngom man gin ceke mugore I waraga pa Paulo gino uai kudi lembanyonga majugoro.

Lembanyonga nyuthu iwa **AWENE** man **KITE** ma Kristu ubino kudu.

Waraga pa Paulo gi nyuthu iwa **PIRANGO** man **GINANGO** ma Kristu pire.

PONJI MIR 22 - MATAYO

Matayo nyuthu Yesu calu Ubimu. egoro lembe pare masagu ni Juyahudi. Enyuthe kendu calu wod Daudi. Thekwaru pare tye capta 1 ucidhu cil ikum Abraham. Matayo ugoro lembe (quotations) 29 metingo kudi I lembariba Macon, musagu jugor lembanyonga mange wadi nogi, munyuthu nia Kristu ene pong mi lembila pa Masia. Matayo ubedu jacok musoru kudi I Kapernaum cal ku cik pa Juruma, kinde ma Yesu lwonge, (9:9;

10:3).Jugor lembanyonga mange re magi nyuthu pi yub mi nambu madit ma Matayo yub ni Yesu, man ginyuthu gin madit metim niweko gin ceke mebedo katimo, man elubu tok Yesu. Matayo ubedo ngati ma cinge nwangu piny.

Matayo utye lembanyonga pa Masia, ngati ma Mungu wiru. Ka cingu mi tipu mutiye ibuku eni nyuthu nia yesu Kristu mi nazareti ubedo masia ma Moses ku jubila gi goro pire. Buku pa matayo kende ma nyuthu jurieko adek magi ai' yo nyango gibin gineno nyathi Yesu.

Ponji pa Yesu iwi Got Zaituni, nyuthe ni bedo Ubimo. Lembe ma nia 'ker' unyuthere wang 55 (pyer abic, wi abic) kum buku pa Matayo en e lembe anyonga mi ker.

Ponji mapol I buku pa Matayo, calo capta 24 ku 25, nyuthu pi dwogo mir aryo pa Kristu.

Dok pa Yesu I polo matayo ugoro pire ungo. Bongo mi kusika muyec nyuthu lamo lam mi ker pa Kristu. Kum bimu bim pare bibedo iwi ngom calo wod Daudi.

PONJI MIR 23 - MARKO

Marko unyuthu Yesu calu jamiru. Buku eni jugoro ni Juruma, ibuku eni thekwaru jugoro ungo, pirango juruma gimaru ngo lembe mi thekwaru pa jamiru.

Jagor buku eni ubedo Marko ma nyinge mange Yohana,(John Mark) wod Mary man(causin) umar Barnaba. E wotho ku Paulo ku Barnaba I Antioka, man lembe pare unyayu dhau ikind Paulo ku Barnaba (Tic.12:25;13:5).Marko uweku jueno pi kwo menwangu tek iwoth eno,(Tic. 13:13). Petro emukelo Marko ba Both man elwonge nia **“Wode”** (1 Petro 5:13).ka ikwanu lembanyonga eni, ibinwangu dwond Petro iie dit. Buku eni enok ikind buku mi lembanyonga ceke, ento re epong ku tic ma Yesu timo dar. Marko ugoro buku eni kudi Roma, manyuthu nia egore ni Jurumi. Juruma gi dhanu ma gimaru tic, man giyio I

tic ku tego magimto nen, gin gimaru timu sagu wec midhok. Marko gamu kum lembe manok kudi Lembariba macon.buku eni nyuhtu pi lembabola angwen kende, wec mabor akeca upe ibuku eni kum Jurumi mito wec mabor ungo. Lembe mania: **'Ndhundhu', 'wangacel', 'piopio,'** marko uwece wang 40 ibuku pare eni. Musana ma Yesu timo,Marko ugoro gi wang 20 ibuku eni Kum Juruma gimito neon tic makumeni, ninyuthu nia Kristu wod Mungu andha.

PONJI MIR 24 - LUKA

Luka ke uneno Yesu calu ngati mandha pa Mungu.buku eni jugoro ni ju Griki, thekwaru pa Yesu keni junyuthu cil ikum Adamu, ngati mir acel, muweko Abraham de. Calu ngati mandha, pol kare Yesu ubedo ruu ku Rwo man Jumalika de gitimo ire. Luka bedo Dakitari,man jalub pa Paulo,man Luke eni kende ma ubedo ja Juyanani mugoro Lembariba manyen.Luka bedo ngati mu kwanu hai man engio I lembe cuu, ebedo bende ngatu mugoro buku mi Tic mi Jukwenda. Enyuthu Yesu kendu calu ngati mandha I pidoic pare zo. Lembanyonga pa Luka utye lembanyanga ni judubu, enyuthu kisa madit pa Kristu,cwiny matur man mer ni bino ni laru dhanu.Dakitari Luku kende munyuthu thuth mi musana mi nyol pa Yesu.man en kende de munyuthu pi liew pa jukwath mi thim.Luka kende de mu nyuthu pi cidhu pa Yesu I Tempulu kinde ma oro pare 12. Calu dhanu, etiyu ku ku cinge gire, esendre. Ikind musana abic ikum abusiel I lembanyonga pa Luka wecu ikum keyu kum kwa. Luka kende bende nyuthu pi ith Malko ma Yesu keyo kinde ma Petro tongo ithe,(22:51).

Lemanyonga pa Luka utye ni mulal mba mba wang ngom, eweco wang papol **pi "dhaku"**

Bende e buku mi wer mamit.man eweco wang mapol pi kwo pa Yesu I rwo sagu juwadi mange.

PONJI MIR 25 - YOHANA

Yohana pare unyuthYesu macaluwod Mungu.gin ceke ma Yohana goro I lemkwende pare ynuthukwo mupong I Tipu pa Mungu kwa.

Jagor buku eni tye Yohana,” Wod Mor polo,” “jalub ma Yesu maru” wone ubedo Zebidayo, jacik rec mulony, man Min Yohanaubedu Salome, man en bende e bedo jalub Yesu mumiwire magwe. Umin Yohana ubedu Yakobo.

Yohana goro lembanyonga pare yongei oro mapol ingei jumange. En nango oro pare copu bedu 25 kinde ma Yesu lwonge. Mapodi Yesu lwonge ungo nwangu ebedu jalub pa Yohana ma Jabaptisi. Ma ingei kare malac, jubaye I cula mi Patmos I kind oro 80 ku 100 AD.ikare enu nangu dong buku mi lembanyonga mange gino dong judaru kagorogi, udong nango ma pare eni. Yohana dwonde bedo leng man urombo ku kura kwo pa Yesu sagu jugor lembanyonga mangegi zo. I buku eni wang 35, Yesu lwongo Mungu **“WORA”** man wang 25, Yesu wacu kumae, **“Andha ndha”**, eni wec ma kutweru.

Yohana wacu nia egoro lembanyonga pare kara dhanu giyi nia Yesu ene Kristu. Yohana nyuthu sadeni abiru pi maeni, 1:34;1:49;6:69;11:27;20:28;20:31; man 10:36. Egoro bende pi musana abiru; 2:1-11;4:46-54;5:1-47;6:1-14;6:15-21;9:1-41; man11:1-57. Man Kristu calu Mungu unyuthre I lembe abiru eni **“I AM”**.

PONJI MIR 26 – TIC MI JUKWENDA

Luka kudi lembanyonga pare, enyuthu pi tic ma Yesu “caku katimo,”wi ngom.Tic mi Jukwenda,nyuthu pi medri mi tic pa Yesu dong kuyo ba Tipu Malen.buku pa Luka ujigu ku nyuthu pi Dok pa Yesu i polo,man I buku mi Tic Jukwende ke, eni lembe mandha muyabu buku mi Tic mi Jukwenda. Tic mi Jukwenda goru tic ma Jukwenda jutiomu ku tegu pa Tipu Maleng.Nying

Yesu ibuku eni ulwongire wang 70, wec mania “jumulembe” (witness”)jutyu kudu wang 30 ibuku eni.

Buku eni ucaku ku ponji Lembanyonga I Yerusalem,mutye adhura madit pa Juyahudi, man ejigu ku lembanyonga I Rumi, mubedu adhura madit mi ngom zo ikare eca. Kare tundu ma jukwenda I wok woko ni yero lembanyonga mujuboth ko igund ngom ceke,(Jukolosai 1:23).

I Tic mi Jukwenda capta 1 -12, lembayera pa Petro ni Juhahudi, ma wi lembe pare ubedu **“lokocwiny”**. Man capta 13 -28,lembayear pa Paulo ni thekdhanu mange Juyanani wi lembe pare nia, **“Uyi”** Buku eni mio iwa wi ponji maber mi tic pa rwoth woku,emio kacungu maber mi lembayera ma kelo dhanu kum ngec mi both pa Yesu Kristu. Kanisa ma con gitingo kare migi mandha mi timo calku ponji mi buku eni,ma Yesusalem ubedo karombo migi madit.Gicungu bende wi tego pa Tipu Maleng,man amora migi bedu dit pi tic pa rwoth ne.Woth pa Paulo wang adek macalu misonari utye lembe ma pire tek I buku eni.

PONJI MIR 27 - JURUMI

Buku pa Jurumi tye mir ace iknd buku 13 mi waraga. julwongogi waraga pa Paulo.(eni umedu ku Buku pa Juebrenia, kadi bende engeire maber ungo kanyo Paulo goro buku ne en). Paulo ja Juyahudi ma ndha,ma bende ja Rumi, eponjire I ngom Griki,man dini pare ap Juyahudi mu miyo ire tego mi tic madit. Jumuai I Rumi, gibino I Yerusalem ka kwiro ceng kadhu kuwijo, e giwok both, man gitingo kodhi mi lembanyonga mi both gi dok giyabu kudu Kanisa I Rumi. Yongei oro 28,Paulo winjo miti miliewo gi I Rumi kuca, ecwalu igi waraga kudi Korinto kama edaru iie dwi adek ikare mi woth pare mir adeke calu misinari. Buku pa Jurumi, nyuthu kite ma Mungu dwoku kudu jadubu leng. Buku eni lembe mi iie pire tek pi both mwa. Kite ma I buku eni upokire kudu capta 1-8 eni Lemb ponji malili (doctrinal).

Capta acel nicidhu adek(masagu ne 1:18 man 3:20), nyuthu kit ma dhanu tye kudu I dubu marac.Ulubu ku Bedopwe pa Mungu mumiyire iwa nikum Gonyolembe mi wiwa (3:21-5:11). Kadong bino kwenda mi lony ma julonyo kowa(5:12-8:39). Capta 9-11, Eni nyuthu kite ma Mungu tiyo kudu ku Isreal I thekare migi ceke. Eka capta 12-16, eni dong nyuthu pi tic ma jakristu maku tim I kwo pare.

PONJI MIR 28 - JUKORINTO MIR ACEL KU MIR ARYO

Jukorinto magi weg kum ema gi bedo I thekare mi loc pa pa Juruma I kare pa Paulo.keni ubedo adhura madit pa ju Griki ceke.Lonyo mi ngombe bedo dit apila e ukelo kwo mi tarwang musagu. Kadok kura pa dhanu ne bedu kumeno, Paulo asu yero igi lembanyonga maju both ko ni ju Korinto man eyabu Kanisa ketho egoro igi waraga aryo enigi.

Jukorinto gicwalu dhanu moko ku waraga(7:1,16:17) ibang Paulo, **Korinto mir acel**, utye gam pa Paulo pi kit kwo mi kanisa ne.weg kum gimondo dit I kanisa, man apokapoka I kanisa bedo dit, jukrisu giteru juwagi iwang cik,man kit kura mi cidhu I dhu meza pa rwoth ubedo rac.Juma mon gibedo ka kendo kendi muromo ngo,man laru lembe ubedo ikum gamiri man giramia mi tipu. Paulo unyuthu lembe mapol pi cer pa Kristu I capta 15. Paulo goro **Jukorinto mir aryo**, ninyuthu mutoro pare pi waraga pare mir acel magi jolo maber,man bende pini nyuthu nia ndha en e Jakwenda(Apostle). I korinto mir aryo eni enyuthu pi kura kwo pare sagu ibukumegoro mange gino zo. Waraga ne uyabu “kwiocwiny” 1:3) man edar de ku “Kwiocwiny” 13:11).

PONJI MIR 29 - JUGALATIA

Kanisa mi Galatia, Paulo uyabu ikare mi woth pare mir arionde calu misinari. Juponji mi cik gilubu Paulo, ku ponji mania both utye ku tic. Juponji mi dra ucaku “rogu” (bewitch) dhanu kuwacu nia umaku gikwir nindu ceke. Ento Paulo uyenyo gingei nia gin mange ngomacopu kelogi ba Kristu, ndhu both kende ma wanwangu nikum yio Yesu kende. Kinde ma Paulo uwinjo nia dhanu giyenyo ka yio ponji pa judra eni, lembene uyilo kume ma egoro waraga eni en kucinge gire ni Jugalatia (6:11). Waraga eni nyuthu cungu pa Jkristu iwie gire, epoko kind Cik ku Kisa. Buku eni emi cim, ku dhau matek, lembe mi yung ku pak man foyofoc gino gipe iie, man nying ngati moko de mbe majulwongo I buku eni. Paulo nyuthu cwer cwer cwiny pare keni. Waraga saa moko julwonge waraga mi dhau. Waraga eni ubedo ka cwiny Martin Lutha, man ewaraga matek munyuhtu iwa ponji thuth ikum gonyolembe ma wijo, sagu ibuku mange zo.

PONJI MIR 30 - JUEFESU

Buku pa Juefesu tye acel mikind waraga ma Paulo goro kudi Mabusi (prison) Jupilipi, Jukolosai man Filemon). Buku pa Juefesu, nyuthu lemb mung madit mi Kanisa. Saa moko julwonge “Lengu mi leng pa Paulo” kun nyoke “Waraga mi Polo mir adage pa Paulo”. Tipu maleng uceru Paulo ku mondo ingom mi Asia kama Efesu utye iie adhura ne madit. Iwoth pare mir aryo calu misinari, ecidhu ingom yurop (Europe) metundu ko ikorino ka yongeye edwogo yori I Efesu. Paulo dok kende I woth pare mir adage calu jamiconari I efesu man ebedu oro aryo (Tic. 18:19; 19:8-10) Dhanu mir Efesu gi winjo ponji mi Bibilia I bang Paulo sagu dhanu mange ceke. Erombo ku judhoge keca ento Mungu gwoke, Paulo mru kanisa mir Efesu sagu ceke.

Kite maju poko kudu I buku mi tipu maleng eni copu konyowa,

1. kabedu pa juyic I Kristu, ikami Polo, capta 1-3.
2. Woth pa Jukristu, capta 4-6.
 - calku yioyic- capta 4.
 - Ikura kwo maleng, capta 5.
 - Iber bedu ku dhanu, capta 5:21-6:9.
 - bedu ku wang kum gin marac, 6:10-24.

PONJI MIR 31 - JUFILIPi KU JUKOLOSAI

Waraga maenigi, calu Juefesu man Filemon, jugorogi kudi mabusi.

Jufilipi, masagu ne etye waraga mi **foyofoc** ma ngati manyinge Epafrodito utero en ni kanisa mi Jufilipi, munyuthu yomcwiny Paulo giku Timoteo pi kony nyoke mic magi nwangu ku ibang jufilipi. Paulo ubedu ku mer makoya pi Kanisa mi jufilipi. Erombo ku juma mon idhu kulo man Lidia woku both keca. Yo ngeye Paulo giku Sila jubologi I mabusi maju fodogo magwe. Man idiewor maling kinde ma rwo man giwero wer mipak ni Mungu, e digidigi madit uyengo the ot utur, ejakur mabusi ku juot pare giyio Kristu man gimaku baputisi(Tic.16) Wi lembe madit I buku enigi tye “mutoro” Mutoro I saa mi masendi capta 1; mutoro I tic, capta 2; mutoro I kristu capta 3; man mutoro I bedu kupiny, capta4.

Paulo goro ni **Jukolosai** kum nwangu ponji midra jubedu kaponjo man umaku eyub ponjine.Juyic gibedo kupar mania gig wok yaa(circumcision),cik mi kwiru cam, man kwiru nindu ku yio jumalaika calu jakind dhanu ku Mungu kum ginyang ungo ikum Pong mi rucwic, epimeno gingeyo ngo nia gin ceke magimito nangire I Yesu Kristu. Paulo uyubu ilembe eni kumae:

1. Ku Ponji malili (doctrinally) capta 1-2.
2. Ponji maku tic capta, 3-4.

PONJI MIR 32 - JUTESALONIKI MIR ACEL KU MIR ARYO

Paulo giku Sila gi caku Kanisa mi Jutesoloniki I woth pa Paulo mir aryo calu jamiconari,(Tic.17:1-10). Kenu gibedu ungo maromu dwi acel, nikum Juyahudi gicoko udul dhanu ikumgi. Kanisa mapodi gicaku acaku enu, unyuthu tego madit. Pol pa juyic mi iie ubedo Juyanani magi lokri kudi yo migi mara,man ginwangu geru musagu ingom enu.

Paulo goro kum ebedu kumiti mingeyo kite magitye kudu. Timiteo ukelo kwenda maber ni Paulo(3:6)man eyenyu ecuk cwinygi nicungu kii iyio yic.

Jutesoloniki mir acel ponji ma tengejo iie umbe ento epong ku lembe micuku cwiny.keni Paulo uwecu pol ne pi dwogo pa Yesu mir arionde,(1:10;2:19;3:13;4:16-18; man 5:23) enigi macalu mic pare pi Kanisa eni.

Jutesoloniki mir arionde, ju goro ndhu ndhu ingei mir acel.wi lembe madit iie tye dwogo pa Yesu mir arionde. Kum jumoko junyotho wigi I waraga mir acel ca.dong I waraga eni, enyuthu pi gin mabilar timire mapodi dwogo ne bor, dong umaku gicir ragedo ceke, man gitim tic man gibed yo gikur kudu dwogo pa rwoth Yesu.

PONJI MIR 33 - TIMOTEO MIR ACEL KU MIR ARYO

Waraga adek maegi, 1 man 2 Timoteo ku Titu, julwongo waraga pa Jukwath kum Jakwath mutengini ugoro en ni Jukwath mathindhu magin bende gibilund ponjo jumange ikum tic mi Jukwath. Timoteo wone ubedo ja Griki ento min re ubedo nya Juyahudi. Timoteo uboth copo bedo nangu oro romo apar abic, kinde ma Paulo ucidhu ni liew adhura migi I Lustra.(Tic.16:1-3; 1Tim. 1:2). Yngei oro abiru Timoteo udoko Jalub pa Paulo bende.

1 Timoteo – Yongei mabusi mir acel, Paulo ucidhu I Efesu, kinde me beai, eweko Timoteo udong dhu tic kunu. Timoteo ma nyathin man lwor de,kadi ngec pare ubedu tye, enwangu nia dong kende idhu tic utye mulu ic makec, ekume Paulo ugoro ire waraga eni kudi Korinto nicukudu cwinye man emio ire par maber mi tic.

Lembarora mapire tek iwaraga eni utye 3:15. Junyuthu ire nia ebed kuwange kum juponji midra manecung kii ku rwo. Ju mio bende poc maher ni jutic pa Mungu ku rwom mupore pigi calu jutic maber.

2 Timoteo, utye waraga matok cen ma Paulo goro kudi mabusi mi vur i Rumi, Mande engeyo maber nia saa mi tho pare dong uromu. Jumake kudi troa ma eyubre ungouketho etingo ungo buku ku usau pare (4:13) ku koti. Paulo bedo kende(4:10-12) man engeyo maber nia saa pare mi tho uromu. Paulo goro me kwayu kudu Timoteo ubin upio man ebin ku Marko man piny moko manyo udong ibange I troa.

Wilembe madit ibuku eni utye nia “Sendri,Tic weko Mungu man tego mi lembagora.

PONJI MIR 34 - TITU MAN FILEMON

Titu ubedu ja juyanani mandha man acel mikind ju both kudi bang Paulo (1:4) Paulo umio tic matek ni Titu, mi yubu lembe matek munyothre I kania mi Korinto (2 Kor.7:6,7). Paulo ubedu ku gen madit ikum Titu pi tegu mi tic pare, pimeno ewke I kanisa mi Krete kare etim tic matek miyubu lembe marac I kanisa enu (1:5) Titu bedo ngati mungeyo daru lembe ci munyothre, man lembe matek rukani titu tye ku riekko mi yubu. Titu bende copu bedu ngati mu kwanu loyo Timoteo kadi ku oro de Titu loyo timoteo.

Waraga eni upong kwa ku mio par maber mi cingu I tic pa Mungu man cim ikum juponji mi dra. Wi lembe madit I buku eni utye,

cukucwiny, mio tegocwiny mi cingu I kum tic pa Mungu calu Jukwath man kum ponji malili mi bibilia. Man pi gwoko bedo maber mi kind dhanu ku ponji ni juma mon madongo umaku gikony mon mathindhu kite mi bedo I udi gi.

Filemon utye waraga maber mi kwayukwac, ma Paulo ukwayu kudu Filemon ni weko ni Onesimu, ma angeca pare muringu man dong ejole kendu ku kisa man beru. Filemon copu bedu ngatu mulony (5-7,22) man copu bedu jalub pa Paulo muboth icinge(v 9). Onesimu uringu I Rumi kama utuc ithe cing Paulo man ewok eboth kukenu (v 10) Buku eni nyuthu pi kwo pa Unesimu molokre ni kum both man kwac Pa Paulo maku cwiny mutur nia ju wekni Onesimu.

PONJI MIR 35 - JUEBRENIA

Buku pa juebrenia ngati muketho cinge iie upe, ento jumapol paru nai Paulo ugoro buku ne en. Buku eni asagane jugore ni juyic mi juebrenia, man par migore utye nia juyic umaku gingie pi dwongpa juyic mulal iwang ngom ngung nicaku kud I Lembariba macon ikum Julam. Yesu ene jalam mandhu cu ikende.

Capta acel ni cidhu apar (1-10), nyuthu nia Yesu dit sagu jumailka, Musa, Jocuwa, Arun man Melkezedek. Capta 11-13 nyuthu pi kwo maku yioyic.

PONJI MIR 36 - YAKOBO

Buku eni jagor ne copu bedu Yakobo mumin Yesu mudoko Jadit mi Kanisa mi Yerusalem (Tic.12:17; 15:13). En junege ioro 62. AD.

Waraga eni jucopu gore ni Juyahudi magi both magi tye woko ignom mi jumange. Waraga eni utye atira man copu konyo jukristu ceke cil mirundi mwa eni. Wi lembemadit mi iie utye nia nyuthu kura yic mandha manyuthre I tic maber. Gormange

mi iie copu bedu pi jumoko itheng ngom mange mutye kakadhu ipeko matung tung(1:1-4), pi juyic mulony(1:9-11);5:1-6),pi kura bedo macalu jukristu(2:1-9) pi jumutye I tela (3:1),pi jumu wotho swa(5:19-20). Yakobo utiyu kulanyuth ma kama leng iponji pare kulapor: 1:6,11,17,23,26;3:3,5,7,12;4:14;5:1-2,7.

PONJI MIR 37 - PETRO MIR ACEL KU MIR ARYO

1 PETRO tye waraga maju juyic musendri magi lal iwang ngom pi ragedo majunyayu ikumgi. Waraga eni jugore kudi thuth mir adunde man ecalu lembayera ungo calu uda. Lembe madit ibuku eni utye “sendri”maju nyuthe ibuku eni wang 15 kunu nyoke masagu. Petro weco pi dwong pa both mi Kristu man kwo pa Juyic, kabedo mantic pa jayic.enyuthu tic pa gamente,ku tic mi kindju, kura bedu ceke maber man tic maber I udi mi juyic. Enyuthu nia Yesu tye kathere mi genogen mwa(1:3), nyathi rombu mi lam(1:19) kidi mi gund ot(2:6),lapor mandha(2:21),ngati musendre(2:23), jating dubu mwa(2:24),Jakwath mi tipu mwa(2:25) man rwoth ma judodu malu(3:22).

2 PETRO utye cim ikum juvur dhanu man juponji mi dra. Tego mandha juketho ikum lembe pa Mungu man pong mi lembangola mi tipu. Calu 2Tim, 2 Petro bende nyuthu pi kajik mani cengni man nindo mi can utye anyim pi kanisa.Waraga pa Petro nyuthu pi masendi abiru, muluic macalu mac,(1:7),rimu pa Yesu Krist(1:19),kidi ma kwo(2:4) Kristu en gire(2:6), jumamol ku tipu mayo(3:4) yioyic pa Jukristu(2 Petro 1:1) man lembangola mandha(2Petro1:4)

PONJI MIR 38 - YOHANA MIR ACEL, ARYO, ADEK MAN YUDA

Waraga enigi Jakwenda Yohana ugoro en. Yohana mir acel, jucopu lwonge nia waraga mi ngeng, lembe madit iye utye nia

“ribri”ngei man mar.enyuthu pi ngeyongec mi tipu mutye ni juyic. Lembe mania “ngei” kunu marom kude juwacu wang 30, ka cungu mi waraga eni:-

- 1- Mungu ene kwo ku der, capta 1 kuda 2,
- 2- Mungu won mer mandha, capta 3 kuda 4,
- 3- Yioyic ku mer umu wi udul dubu ikind dhanu man tego ceke pa wonabali,capta 5.

Yohana mir aryo jugoro ni cimbu wang jumer ikum lemb dra man ribri ku juponji midra(v7-11), mer junyuthu wang angwen, man Lemandha wang abic.

Yohana mir Adek jugoro ni Gayo, jakristu ma pire ber ijolo welo. buku eni jugoro pire kaju moko aryo mange,Diotrefema Yohana bicimu ka girombo, man dematriyo ja yic mapire ber magwei.

Yuda ngati mugore ubedo ene Yuda mu min Yesu man Yakobo, Yuda ugoro waraga pare niju jukristu ma jumoko mondo ikindgi man gisendo gi man gipoko idhanu ku ponji migi mi dra. Yuda umitu etwi kwo ni juponji midra eno.

PONJI MIR 39 LEMBANYUTHA

Buku eni Jakenda Yohana ugoro en kinde metye icula mi Patimos, jugore I thekare mi ragedo madit (2:13) man marac podi ubino abina.(2:10), calu juketho nia woro jabim mi ker pa Juruma udoko tek man umaku. Dong waraga eni ni kanisa man buku ne zo umitire ni cuku cwiny jukristu ni cungu tek I yioyic migi. Buku eni nyang iye tek, ento pire tek mandha, kum enyuthu pi gin mabi timire inindo mi kajik ceng mi pongo lembila ceke, kare ma jubi poko ilembe wi dubu man Kristu jubi dodu calu ubimu I dong pare manja. Eni utye buku acel kende I bibilia munyuthu cul makoya ni jukwane mandha(1:3) man engolo kwong iwi juma bikabu kum lembe mugore ibuku eni(22:18-19).

PONJI MIR 40 - KITE MA IBUKU NE POKIRE KUDU

1. Acakine 1:1-20.
2. Waraga abiru ni kanisa abiru 2:1-3:22.
3. Nenu mi Polo 4:1-11
4. Ayi abiru maju mwonu 5:1-8:5.
5. Agwara abiru 8:6-11:19.
6. Ayi abiru 12:2-14:20.
7. Tabu abiru 15:1-16:21.
8. Bimu bim pa japiem Kristu 17:1-20:15.
9. Adhura pa Mungu 12:1-22:5.
10. Ajikane 22:6-21.

Capta mi dar mi buku eni wecu lembe matung ku capta mucaku I Thangambere.

Thangambere uwecu pi cwic pa ceng,mondo pa dubu ingom,kwong, aloci pa jok manryem kudi kum yen mi kwo”

Lembanyutha nyuthu pi kabedu ma ceng de bimitire iye ungo, dubu bithum, kwong bijik, jok jubi bayo man jubi jolo dhanu ba yen mi kwo.

“Dong bin, rwoth Yesu”.

PONJI MALILI (DOCTIRNES) MI BIBILIA

Nyo idaru paru kudi kwo peri nia Kwan eni ubeci bedo tek man nyo nia ekwan maber ungo, ento ibinwangu nia Kwan eni ucoku dhu lembe mulal swa I lembagora ma pigi tek I bibilia pi yioyic mwa. Thelembe pa (doctrine) utye Ponji mulili mi Bibilia, man ponji eni bikonyi nigamu penji ceke manango ubedu ikwo peri pi kare malac, man penji ma Juskristu peri bibedo kapenji kudu pikare ku kare. Tek iketho cwinyi ikum kwan eni bilund konyi ni ponje ni dhanu peri kara kud “juwingi ku ponji midra”(Juebrania 13:9).

Ngei nia, buku maju tiyu kudu pi yubu ponji eni uai kudi buku aryo maegi: Ponji 100 mi Bibilia, by Douglas Alban, jugoye I Gosple Literature service I Bombay.

PONJI MULIL MAJUBI KADHU IWIGI I KWAN ENI. (CONTENTS)

- Kwan mir 1 - Ponji Mulili ikum Mungu.
- Kwan mir 2 - Ponji ikum Yesu Kristu.
- Kwan mir 3 - Ponji ikum Tipu Malen.
- Kwan mir 4 - Ponji ikum Dhanu.
- Kwan mir 5 - Ponji ikum Both.
- Kwan mir 6 - Ponji ikum Kanisa.
- Kwan mir 7 - Ponji ikum Bibilia.
- Kwan mir 8 - Ponji ikum Jumalaika.
- Kwan mir10- Ponji ikum Kajik ceng.

KUME MIR 1 - PONJI MALILI IKUM MUNGU

PONJI MIR 1 - MUNGU UTYE

Lanyuth mapol nyuthu nia Mungu utye. Kudi Kwan eni wabi neno moko manok negi,

1. **Lanyuth kudi Lembagora**-Bibilia ucaku kuca iwa nia Mungu tye (Thang.1:1) man Bibilia umedre kuwacu nia, jakasegu emawacu nia Mungu mbe (Zab.14:1).
2. **Lanyuth kudi Cwic pa Mungu** – Lengu ku dwong mi polo nyuthu iwa nia Mungu tye (Zab.19:1), man cwic ginyuthu dwong mi rucwic (Godhead) (Jurumi 1:20)
3. **Lanyuth kudi ngeyongec** –dhanu junyolo ku ngec ma nia ngati moko madit mubimu wi ngom eni utye.
4. **Lanyuth mange nge** – gidupa manyuthu nia Mungu tye
 - Nia ngom mutye e, ngati moko mbe ubedu tye mukethe etye eni.
 - Kit maju yube kudu enyuthu nia won ngec moko mamalu hai utime en.
 - Dhanu junyolo ku ngec man kura maber con iigi,nyuthu nia jacwic ne ewon ngec man kura pare ber.
 - Acaki pa kwo tye, man ke umaku eai kud ibang ngati mamiyo kwo marondo ku rondo.

Ajikine (conclusion) Nen Juebrenia 11:6 “Ngatu mubinu bang Mungu, umaku eke eyi be nia enuti” dong wabinu ba Mungu iyio yic macalu pa awia, cungu I wii kathere mi lembagora pa Mungu li lembe ku kite, ma wayiye man wagene igin ceke.

PONJI MIR 2 - KIT MUNGU MACALU DHANU

Ngeyongec madhu I kum Mungu wacopu nwanu kudi Bibilia (Yoh.1:18; 1Yoh.4:12) wake wanenu lemandha moko ma Bibilia umio ikum Mungu.

1. **Kit kwo pare** – kura nyuthre ikwo pa ngati nikum ngeyongec,par man tego mi tic.Mungu mwa e en gire man etye ku kura pare gire mukoc(Yer.10:10, ! Jutesoloniki 1:9).

2. **Kit Kura pare** – Mungu ene tipu, tipu pe ku kum, cogo man rimu (Yoh.4:24).

3. **Ribri pare** – Rwoth Mungu mwa ene ACEL kende, mukoc ku kodhi mungu mange mi dhanu. (Poi. 6:4; Isaya44:6).

Ajiki – Tek wamedra ku ngeyo lembe ikum Mungu, wabi tuc ningeyo nia Kara edit.

PONJI MIR 3 - KIT MUNGU MA PORIRE UNGO KU DHANU

Kit Mungu ma porire ungo ku dhanu enyo winjire tek iri? Eni utye kit piny ma maber maju copu poru ungo kupiny moko ingom keni, ikwan mwa matin wabineno kit Mungu maporire ungo negi.

1. **Mungu bedu rondo ku rondo** – Kara Mungu ubed Mungu mandha, umaku ebed umbe acaki man ajikine. (Zab.90:2; 1 Tioteo 1:17).
2. **Mungu lokire ngo** – (1 Samuel 15:29; Malaki 3:6; Yak.1:17).
3. **Mungu Jategokpo** - etye ku copu man tego mi timo gin ceke (Yob 42:2; Yer.32:27).
4. **Mungu tye kare ceke** – etye kare ceke I saa acel (Zab.139:7-9).
5. **Mungu ngeyo gin ceke** – etye ku ngec mi gin kpo wi ngom (1 Lemkei28:9; 2 Lemkei16:9; Zab.94:11; Yob 42:2; Isaya 40:28).

Ajiki – Dhanu umaku ubed kungec ikum Kit Mungu mawa neno iponji eni.pirango ma kit Mungu eno acel kuda acel Pire tek iwa?

PONJI MIR 4 - KIT MUNGU MABER

Kit Mungu maber enigi gicopu doko iwa wi lembayera, wake wanenugi.

1 - Mungu **leng** (Ai15:11; Isaya 6:3; 1 Petro 1:16).

2 - Mungu kite ber –(Zab.116:5; Ezra 9:15;Yer.12:1).

3 - Mungu Jakisa –(Zab.103:8; Jurumi 9:18).

4 - Mungu won mer- (1Yoh.4:8-16; Yoh.3:16; Yoh.16:27).

5 - Mungu ene mandha- (1 Jukorinto 1:9; 2 Timoteo 2:13).

I yenga mi ngeye, poi pi kit Mungu maegi, **Ene dwong** (Ai 15:11; Zab.145:5; **won ngisi** (Ai 34:6; Zab.116:5; **Eciru lembe hai** (Wel14:18; Mika 7:18); **Ejanyego** (Jocuwa 24:19; Nahum1:2); **Won kisa** (1 Ubimu 8:23); **Edwong** (2 Lemkei 2:5;Zab.86:10); **Enwangire ungo** (Yob 11:7; Zab.145:3; **Enen ungo** (Yob23:8,9;1 Timoteo 1:17; **Eber** (Zab.25:8; Zab. 119:68); **Ene atira** (Zab.25:8; 92:15; **Elokre ngo** (Zab.102:26,27; Yak.1:17; **Eder** (Isaya 60:19; 1 Yoh.1:5); **Elem madha** (Yer.10:10; **Ecu** (Matayo 5:48); **Enyothre ngo** (Jurumi 1:23); **Etop ngo** (1 Timoteo1:17,6:16); **Emac mawangu vii** (Juebrenia 12:29), **man ngati moko mbe macu calu en** (Ai 9:14; Poi 33:26).

Ajiki - Nikum Lengu pa Mungu, uketho fot mi dubu tye. Mungu copu bedo won mer manke engolo jubed leng nenedi? Ecopu bedu won ngisi man kisa ni jadubu nenedi? Gam ne tye pare tye wi Kalvari, enyuthu kwinyu pa Mungu kum dubu man kisa pare ikum jadubu.

PONJI MIR 5 - RIBRI PA MUNGU (TRINITY)

Mungu ene acel kende, ento enyuthre iie adek; Wego, Wod man Tipu Maleng. Lembagora maegi ginyuthu ribri pa Mungu iie adek no:

1. **Baptisi pa Yesu**-Matayo 3:13-17- **Wegu** weco kudi polo, **Wod** umaku baptisi ipii man **Tipu Maleng** uloro calu akuru upyei wi Jalar.

2. **Kite mi mio Baptisi**- Matayo 28:19 “umi igi baptisi inying **Wego, Wod** man **Tipu Maleng**.

3. **Bero pa Mungu**- 2 Jukorinto 13:14 “Bero pa rwoth mwa Yesu Kristu ku mer pa Mungu wegwa man Ribri pa Tipu Maleng, ubedi bangwa njaku kunja.

4. I cwic pa dhanu, “Wubin wek watimu dhanu I ayi wa man ku kit wa”, Thang.1:26.

Ajiki-Dhanu bende iye adek, kum,tipu man ngeyongec, kum jucwio wa I ayi Mungu.

NGETE MIR 2- PONJI MALILI IKUM YESU KRISTU

PONJI MIR 6- PONGO PA LEMBILA IKUM YESU

Kuwec maegi ikum Yesu Kristu, ibinwangu nia lembila mi lembariba macon- ulubre kumi lembariba manyen upong ingei oro mapol ingeye. Eni gin azunga ikum Yesu.

1. Yesu biai kudi Isreal- Wel 24:17-19; Matayo 1:17.
2. Yesu jubi nyolo kudi pacu pa Daudi mi suru pa Yuda – Thang.49:10;Isaya11:1;Luka 1:31-33.
3. Jubi nyole I Bethlehem –Mika 5:2; Laku 2:4-7.
4. Nyaku masumba binyole – Isaya 7:14; Matayo 1:18,22,23.
5. Binu pare jular junyuthu – Isaya 40:3; Matayo 3:3.
6. Ebi bedu Mungu –Isaya 9:6; Yoh.1:14.
7. Jubi tere ingom Misiri I mukere pare – Hoseya 11:1; Matayo 2:13-18.
8. Ebi sender man ebiculu pi dubu mwa –Isaya 53:46; 2 Jukorinto 5:21.
9. Ebimondo I Yerusalem kuwi kana – Zakaria 9:9; Matayo 21:2-5.

10. Jubimio ire pi cwa makec isaa mi can pare wi yen mathara –Zab.69:21; Matayo 27:34.
11. Cogo pare acel de mbe mabitur cal kite pa Juruma giguru kudu dhanu –Zab.34:20; Yoh.19:33-36.
12. Jubi goyo kendi pare I jara –Zab.22:18; Matayo 27:36.
13. Ebi wecu lembe moko isaa mi tho pare – Zab. 22:1; Marko 15:34.
14. Ebicer kendo ku kind jumu tho –Zab.16:10; Tic.2:3.

Ajiki-ku bang lembila enigi acel acel, gilanyuth mi tegu man ngeyongec pa Mungu mwa.

PONJI MIR 7- TWERU MA KRISTU TYE KUDU CALU MUNGU (DEITY OF CHRIST)

Yesu ENE Mungu kum etye ku kite ma Mungu kende emabedu kudu. Nen lembagora ne.

1. **Ebedu rondo ku rondo** –Mika 5:2; Yoh.8:58; Jukolosai 1:17; Lembanyutha 1:8.
2. **Elokre ngo** –Juebrenia 13:8.
3. **Ejategokpo** – Luka 8:24; Matayo 28:18.
4. **Etye kare ceke** – Matayo 18:20; Yoh.1:48; 3:13; Matayo 28:20.
5. **Ewon ngec ceke** –Marko 11:2-6; Yoh.2:24, 25; Luka5:22; Matayo 24:3-31.
6. **E leng**-Marko 1:24; Edubu ngo-1 Petro 2:22; Yoh.19:4.
7. **Emandha**-Yoh.2:14-17, isaa mi lonyo I Temple, Tic.17:31 Jangol lembe mandha.
8. **Ejamer**-Yoh.15:13; Yoh.11:36.
9. **Ewon kisa**- Titu3:5; E tho piwa.
10. **Ene mandha** - 2 Timeteo 2:13.

Tic abic ma Mungu timo zo unyuthre ikum Yesu: **Cwic pa piny** (Yoh.1:3); **Gwoko** (Juebrenia 1:3); **Weku dubu**, (Luka 7:48); **Ceru jumu tho**, (Yoh.6:39) man **Poko lembe** (Yoh.5:22)

Ajiki- Cer pa Yesu Kristu, ene dong lanyuth madit manyuthu nia Kristu ene Mungu.

PONJI MIR 8 - KWO PA YESU IKUM MI DHANU (HUMANITY)

Yesu kare bed jalar mi dhanu, umaku ngo ebed Mungu man nyaku masumba unyole kende ngo, ento umaku eting kum mi dhanu andha de (1 Timeteo 2:5), nen lanyuth manyuthu bedo dhanu pare.

1. **Jumio ire nying calu dhanu-** (Matayo 1:21); lembe mania “Wod dhanu” uwecire wang 77.
2. **Thekwaru pare de calu pa dhanu-** (Matayo 1:1-16.)
3. **Kec de nege** - (Matayo 4:2); Uriew pii nege-(Yoh.4:7, 19:28).
4. **Eol de** - (Yoh.4:6); E nindu nege de -(Matayo 8:24)
5. **Emaru dhanu-** (Marko10:21; Yoh.11:36); Ngisi nege- (Matayo 9:36).
6. **Ngeicwiny unege man cwinye tur** -(Marko 3:4)
7. **Ecur** -(Yoh.11:33); Eywak-(Yoh.11:35,Luka 19:41).
8. **Ebedu ku kum mi dhanu-**(Yoh.1:14); Kwo (Matayo 26:38);man Tipu(Luka23:46).
9. **Etho de** - (Juebrenia (9:27) man Luka 23:33.
10. **Ajiki-** Mungu man dhanu- Halleluya, Jalar manedi eni?.

PONJI MIR 9 - KWO PA KRISTU, MIR ACEL

Lembe mapol junyuthu pi kwo pa rwoth mwa kudi wi ngom.

1. Calu Mungu, Yesu caku bedo kwo con, elar bedo tye mapodi piny ku cwire ugno.
2. Nyol pare ba nyaku masumba Mariamu, Matayo ku Luka gigoro pire.
3. Yongei ceng abora, jutimo yaa ikume (Luka1:21).
4. Jutere I Temple kinde ma oro pare udoko 12 (Luka 2:41-48).
5. Ebedo jabodhu mi bau ithinu pare I Nazareti (Marko 6:3).

6. I acaki mi dwi abusiel, etimo tic pare I Yahudi, Samaria man I Galileya.
7. I kare mir aryo tingo DWI 6-8 me yero lembe pa Mungu iie, ku keyo kum juru two, kutimo thangu I kapernaum man I Galileya, maeni kite ma Yesu timo kudu thangu pare,
 - A. **I wi giracwia** (nature)- (Matayo 8:26,27).
 - B. **I wi jok**- (Marko 5:12-13); Matayo 8:28-32; 9:32,33;15:22-28;17:14-18); Marko 1:23-27.
 - C. **I wi two-Ulili** (Matayo 8:13-;9:6; **Jamugumba** (Yoh.5:9) **Keyo cing ngati milindre** (Matayo 12:13) **Tipu masendoju** (Luka :12); **Mol pa rimu** (, (Matayo 9:22); **keyo tho manego kum ding** (Luka 14:2); **keyo tho macegu kum** (Matayo 8:15; **Ketho ajuba wecu** (Matayo 9:33; **Dwoko neno piny ni abinga** (Yohana 9:1-38); **Udhing uwecu** (Matayo 11:5) **Keyo won dhobu** (Matayo 8:3; Luka 17:19); Yesu keyo kwond tho matung tung 10.
 - D. **I wi tho**-Lazaru (Yoh.11:43,44);Nya Jairu (Matayo 9:18-26); Nyathin pa dha tho mi Naim (Luka 7:12-15).
 - E. **Piny mange calu**- Pii doko ni pigulok (Yoh, 2:1-11); Enyayu cam ni dhanu 5000(Yoh.6:1-14); Ewothu wi nam (Yoh.6:15-21); Cam ni dhanu 4000 (Matayo 15:32-39); Ekwongo yend ulam (Matayo 21:18-22); Wodhu sente kudi dhu rec (Matayo 17:27);man musana mimaku rec mapol (Luka 5:1-11, Yoh. 21:6).
 - F. Cer pare ku kind jumu tho dong utye musana muloyo ceke. (1 Jukorinto 15:4; Jurumi 1:4).

PONJI MIR 10 - KWO PA KRISTU, UDAR

8. I thekare pare mie adek, matok cen dong etimo tic Galileya, man erii oro acel I Galileya kenu. Udul dhanu gilube, Eponjo ponji wi got (Matayo capta 5,6 man 7).

9. I thekare mange kendo, Jufarisayo giyeny kwo pare. Yesu cidhu I Kapernaum, Fonia, Bethsaida, Caesaria man I Filipi man edwogo kendo I Galileya.

10. Yenga 10 matok cen dong etiyu kudu mi ponjo ponji ku lembayera man ku woth.

11. Yenga acel matok cen dong yenga mir Uthith, cam mir uthienu, cidhu I Gesemani, mak man tho wi yen mathara.

12. Yongei nindo adek, calu jubila ewo, Yesu cer kudi tho.

13. Ceng 40 ingei cer, Yesu dok ipolo kukume man wang ceke nene. (Tic. 1:10,11).

Ajiki- Piny ango ikwo pare mi wingom, manyuthu bedu Mungu pare?

Piny ango manyuthu bedu dhanu pare kudi wi ngom?

PONJI MIR 11 - CER PA YESU KRISTU

Cerkende junyuthu pire wang 104 ilembariba manyen eni man etry gudi mi ponji mi yioyic mwa calu Jukristu. Jumu yi Jukristu kende mutye ku yic maja wiye utye makwo.

1. Lanyuth mi cer-

1. Vur maju yike iie, udong mananu- Matayo 28:6; Luka 24:3.
2. Lembe ma Malaika wacu- Matayo 28:46; Luka 24:5-7.
3. Dhanu mapol giwecu kude yongei cer pare- calu, Petro, Maria, Kileopa man Tomasi.
4. Yesu madhu, ecamu man enyuthu wang rem pare.
5. Dhanu 500 ginene wang aecl- 1 Jukorinto 15:6.
6. Enen ni Stefano isaa mi nek pare- Tic. 7:56.
7. Enen ni Paulo iyo mi Damaska- Tic. 9:5;
8. Udu kudu dul dhanu gimoko nia Jalar ucer-
9. Ku lanyuth ma piemire ungo gidupa- Tic. 1:3.

2. Kite makume mi cer ubedoko.

1. Ubedu ku kum man cogo-Luka 24:39.
2. Ebedu kum mi dwong-Jufigilipi-3:21.
3. Ebedu kum manyothre ungo, man mabi tho de ngo-Jurumi 6:9.
4. Ebedu kum mi Tipu-1 Korintu 15:44.

Ajiki-Tin iwi ngom zo piny muloyo maju lworu tye tho, ento utye tego madit kum eturu tego mi liel ceke.

NGETE MIR 3 - PONJI MALILI IKUM TIPU MALENG

PONJI MIR 12 - TIPU MALENG CALU DHANU

Pirango wa wacu nia Tipu Maleng utye dhanu? Thelebene e:-

1. **Bibilia ulwongo Tipu maleng calu dhanu.** Yoh.16:7-8, 13-15, jutiyu ku dhu ju Griki mawacu “He” jutiyu kudi pi lwongo Tipu Malen. Yoh. 15:26.
2. **Tipu Maleng utye ku Kura macalu dhanu.**
 1. Tego mi par- 1 korinto 12:11.
 2. Rieko- Nehemia 9:20, Jurumi 8:27.
 3. Ngeyongec- 1 Korinto 2:10-12.
 4. Tego- Tic. 1:8
 5. Tweru mi maru dhanu- Jurumi 15:30.
 6. Cwinye bende cwer- Juefesu 4:30.
3. **Etimu piny ma dhanu copu timo en.**
 1. Esayu kathuth piny pa Mungu -1 Korinto 2:10.
 2. Ewecu- Lembanyutha 2:7, man eywak –Jugalatia 4:6.
 3. Ekwayu kwac- Jurumi 8:26.
 4. Enyuthu lembe-Yoh.15:26, Eponju dhanu-Yoh.14:26, Yoh.16:12-14.
 5. Etelo man enyuthu yo-Jurumi 8:14.
 6. Emio tweru- Tic.16:6,7 ecaku dhanu ikum tic man emiyu tic. Tic. 13:2.

Tipu Maleng ene Jajuk mwa- Yoh.14:6. Dhu ju Griki “Parakletos” thembe nia” Kudwa mi nja”

Ajiki- Tipu Maleng ENE dhanu kum- eparu par, etye ngec, can nege de, emaru dhanu de man etimu gin ma dhanu timo en.

PONJI MIR 13 - TIPU MALENG ENE MUNGU

Tipu maleng ENE Mungu maja tegokpo, rom rom ku Wego man Wod igin ceke me timu.

i. Tipu maleng utye ku tweru macalu Mungu.

1. Etye rondo ku rondo- Juebrenia 9:14.
2. Etye kare ceke-Zab.139:7-10.
3. Ewon tegokpo-Luka 1:35; Thang.1:27.
4. Ewn ngec kpo- 1 korinto 2:10, 11.
5. Eleng ceke- Luka 11:13.
6. Ene lemandha-1 Yoh.5:6.
7. Ejaberu-Neh.9:20.

ii. Tipu Maleng timu gin ma Mungu timu en.

1. Cwic mi ngom-Yob 33:4.
2. Emio both-1 Korinto 6:11, man emwonu ayi- Juefesu 1:13.
3. Emio kwo-Yoh. 6:63.
4. Emio kwo manyen-Yoh. 3:5,6.
5. E ewo lembia-2 Petro 1:21.
6. Enyuthu pi bedopwe man pokolembé mabino- Yoh.16:8-11.

Tic atima ipacu-Mi lembagora adek kudi lembariba macon, muweku majumio nogi,mawecu ikum Tipu maleng.

PONJI MIR 14 - NYING MAN AYI PA TIPU MALENG

1. Nying moko pa Tipu Maleng.

1. Tipu Maleng- Luka11:13.
2. Tipu mi kisa-Juebrenia 10:29.
3. Tipu mi wangu- Matayo 3:11, 12; Isaya 4:4.
4. Tipu mi lemandha- Yoh.14:17; 15:26; 16:13; 1Yoh.5:6.
5. Tipu ma mio kwo-Jurumi 8:2.
6. Tipu ma mio riekoku ngeongec-Isaya 11:2; 61:1,
2 Luka 4:18.
7. Tipu ma Lembangola-Juefesu 1:13.
8. Tipu mi dwong-1 Petro 4:14.
9. Tipu pa Mungu man Pa Kristu- 1 Korinto 3:16;
Jurumi 8:9.
10. Jajuk-Yoh.14:16.

2. Ayi pa Tipu Maleng.

1. Pii-Yoh.3:5; 7:38, 39.Pii twiyu kodhi, emio ngicu,
elonyo, jumio mananu isagiri ne.
2. Mac- Matayo 3:11-Mac mio leru, eliel, elonyo man
esayu.
3. Yamu- Yoh 3:8- Yamu tek, kelo yepucwiny,etye pire
gire,enen ngo ento etye.
4. Umo-Zab.45:7. Umo wiru ju, cukucwiny,emio der,
ekeyu two.
5. Koth ku thoi- Zab.72:6. Koth mio yotkum,lonyu piny
madwong man ecegu nyinge.
6. Akuru- Matayo 3:16. Kuru winyu mamol.
7. Dwal-Isaya 6:8.dwal teloju,wecu man cimi cim.
8. Emwono ayi- Lembanyutha7:2 man Juefesu 4:30.
Ayi ketho tweru man egwoku.

Lembalara- Tic pa Tipu utye nenedi, nyuth gi I ayi maenigi,nyo pigi tek ikwo pa Jukristo?

PONJI MIR 15 - KIT MI NYAYU CAN I TIPU MALENG

Kit can maju nyayu iTipu Maleng, mange jumu both ungo ginyayu gin,man mange jumu both. Maeni ke moko copu rombo ku pa juyic ugno. Gin mapire tek utye timu dubu I kum Tipu maleng jik fod madit.

1. Dubu ma juyic ungo gitimu ikum Tipu Maleng.

1. kweru Tipu maleng-Tic.7:51.
2. Yanyu Tipu maleng-Juebrenia 10:29.
3. Ketho acidi ikum Tipu Maleng-Matayo 12:31,32.

2. Dubu ma juyic gitimu ikum Tipu Maleng:

1. Nyayu can iTipu Maleng- Juefesu 4:30,31; Isaya 63:10.
2. Cwayu ndra ni Tipu Maleng-Tic. 5:3,4.
3. Remu tipu maleng ikwo mwa- 1 Jutesoliki 5:19.

Ajiki- Kweru tipu maleng nango wajai ikum nyol manyen, **Nyayu can** I tipu maleng, eno ni tipu mani iiwa. **Riemu tipu maleng** nangu wajai ni tic pare ikwo mwa.

NGETE MIR 4: PONJI MALILI IKUM DHANU

PONJI MIR 16 - KURA DHANU MAKWONGA

Dhanu jucwio I ayi pare man ku kite-Thang.1:26 man 9:6. Ayi utye tipu piny migin moku. Kite- nyuthu pi calne murombu.

- 1 Ayi Mungu utye ngo ikum ku kum eni,kum Mungu ene Tipu.
2. Dhanu mi cwic mir acel kibedu riek, emio nying ni ley ceke- (Thang.2:19-20).Ebedu ku tego mi wec, ngio ilembe man par.
3. Ebedu ku Kura maber man tipu mi tic-

Lembalara- kwo ubedu tung nenedi ni dhanu mapodi dhanu podhu ngo ikare ni?

PONJI MIR 17 - PODHU PA DHANU I DUBU

Podhu pa dhanu I dubu juru dini mange de ponju pire, man Jukristu de giponju. Thang.3 nyuthu pi gin marac maeni mutimire ikwo pa dhanu.

Uda eni nyuthu ngo pi mondo pa dubu ingom, kum jok ularu dubu man jubaye woku kudi polo.(Ezek. 28:12-15;Isaya 14:9-14)

Uda eni nyuthu kite ma dubu mondo kudu ikind thek mi dhanu man ukethu wadoku judubu.

1. Jakind Lembe mukethu Dhanu Podhu- Thang. 3:1.

1. Jok ubinu ngo I ayi pare gire, ento I ayi pa thwol maber.
2. Ebinu kinde ma Adamu ku Eva kindgi koc-Tego nuti I dikiri.
3. Ekelo abidhe eni I ayi mir ava-ava cam, ngeyongec- ento Eva ukwerire ngo ni maenu.

2. Yo micidhu ibang Podhu:

1. Eva ubedu kago akeca ku yen ne-nangu umaku erring kabedu mir abidhe.
2. Eloko lembe ku jok.

3. Eloku lembe pa Mngu-emedu”kadi amula de kud wamul”,eweku “calu wuyenyu”, man edwoku lembe pa Mungu piny ku loke”wu bitho andha”ku “ci wubi tho”.

Lembalara-Rieko ango ma jok tiyu kudu mi bidhu dhanu tin eni? Nyoke girom ku macon.

PONJI MIR 18 - ADWOGI MI PODHU IDUBU

1. Adwogi mandhu ndhu-

1. Gidoko judubu ndhu.- kwo migi mi tipu utho- Juefesu 2:1.
2. Wangi yabre, man gingeyu nia gibedu muneru.
3. Gipondu ni wang Mungu. Dubu poku kind dhanu ku Mungu.

2. Mungu ungolulu kwong iwigi- Thang.3:14-19.

1. I wi thwol- julemi masagu yedi ceke mi thim.
2. I wi dhaku-Ibinyolu nyodu ku remu kum.
3. I wi ngati manico-Julamu ngom iwi, ebinyolu ukudhu iri, ibi camu jambe ku kwok cil mi bidok kudu ba ngom,kum juwodhi kudi I utur man idok ni utur.

3. Adwogi mabinu yoyo-

1. Dhanu ceke judubu iwang Mungu. Jurumi 5:12.
2. Ngom zo umondu I pokolembu.- Jurumi 3:19.
3. Jumu nwangu nyol manyen ungo, jukwanugi ni nyithindhu pa jok, wod Mungu ngo.
4. Thek mi ngom zo upodhu icingngati marac (jok) 2korinto 4:4.
5. Kura pa dhanu zo,ngeyongec,kura maber,tipu, man ikum ceke dubu nyothu zo- Juefesu 4:18; Jurumi 7:18.

Ajiki-Calku ku podhu pa dhanu, Mungu ngolu pi mio Jalar, man yub mi both uwok (Thang.3:15) Mungu pongo wi lembe pare eni yongei oro 4000 iwi Kalvari.

NGETE MIR 5 - PONJI MALILI IKUM BOTH

PONJI MIR 19 - LOKOCWINY

1. **Thelembe pa Lokocwiny:**

1. Thelembene marac (negative) ene bedu kucan kende ngo pi dubu, dupa ywak pi dubu migi, ento gidok iie kendu-Yuda Iskariote man Esau (Juebrenia 12:17) ginyuthu can cwiny pi dubu migi ento giloko cwinygi ngo.
2. Thelembe mandha (positive) Ene loku paru peri man kwo peri- Matayo 21:28-32.

2. **Beru pa Lokocwiny:**

1. Lokocwiny ubedu wi ponji pa Yohana maja Baputisi- Matayo 3:1,2.
2. Yesu de ponju lokocwiny-Matayo 4:17.
3. Engolu ni julub pare ya giponji pi lokocwiny- Marko 6:12.
4. Yongei ceng Pentecote, julub giponju pi lokocwiny- Tic. 2:38; 20:21.
5. Ene yeny pa Mungu ya dhanu ceke lok cwinygi- 2 petro 3:9.
6. Tek wakweru woro dwand, ci biterowa I pokolembes- Luka13:3.

3. **Adwogi mi lokucwiny:**

1. Polu ceke anyonga negu- Luka 15:7,10.
2. Ekelu ruc mi dubu man weku dubu-Isaya 55:7; Tic.3;19.
3. Tipu Maleng konjire wi ngati muko cwinye-Tic. 2:38.

Tic mumaku itim- Yub lembayera iwi lembe mi Lokucwiny.ti ku lembagora mamalu enogi.

PONJI MIR 20 - YIOYIC

Yioyic pire tek ikura man bedu kwo pa Jakristu, wa both nikum yioyic-Juefesu 2:8.calu Kristu de ubedu kawecu ku dhanu man ekeyu kumgi de, ento gin menenu iigi ubedu yioyic. Poi pi gin Mae:-

1. Dhaku mi surufenisa ubedu ku yioyic matek-Marko 7:26.
2. Jegu unyuthu yioyic macu pi nyathin pare- Matayo 8:8-10.
3. Yioyic pa jatho wang-Marko 10:51.

1. **Thelem pa yioyi:**

1. Yioyic ene bedu ku gen man jwigiri mathuth ikum piny moko-Juebrenia 11:1. Yioyic ma bodhu ene gen prei ikum Rwoth Yesu.
2. Utye kit yioyic aryo ma mio wa both-
 - a. Yioyic mi ngec- bedu ku ngeyongec ikum Kristu man Bibilia.
 - b. Yioyic mir adunde-yioyic mir adunde re makelo ngati kum kwayu kisa pi dubu.Yioyic mir adunde kethu wayio yesu kristu ni Jalar mwa-Yoh.1:12; Jukolosai 2:6.

2. **Adwogi moko mi yioyic:**

1. Waboth nikum yioyic-Thang.15:6; Jurumi 5:1; Jugalatia 3:26.
2. Julwoku wa nikum yioyic- Tic.26:18.
3. Kwioyic,yom man mutoro binu nikum yioyic-Juebrenia 4:1-3; Isaya 26:3; Jufilipi 4:6; 1 Petro 1:5.
4. Watim gin madongo ni kum yioyic-Juebrenia 11:32-40; Matayo 21:21; Joh.14:12.

Lembalara-nyuth lapor pa yioyic mi ngec man mir adunde ma ingeyu.

PONJI MIR 21 - NYOL MA NYEN

Yore moko mange upe maju copo doko kudu jakristu, ndhu kuyori nyol manyen ma ia kumalu.

1. **Nyol manyen ene ango?**

1. Nyol manyen utye ngo baptisi. Baptisi utye tic ma kanisa timu ninyuthu nia ngati dong udoku ni jakristu.
2. Ene yepucwiny de ungo.yepucwiny ene pidoic pa ngati me lokre kudu cen ikum dubu,ento nyol manyen ene dhul ma Tipu maleng timu ikwo mwa en, aloka loka ikwo mwa ma Mungu kelu en.
3. Nyol manyen ene tic ma Tipu pa Mungu yepu kudu cwiny dhanu en, enenyol manyen, cwic ma nyen ikwo mwa. 2 Jukorintu 5:17; Juefesu 2:1.

2. **Beru pa nyol manyen.**

1. Dhanu ceke umaku ginwwang nyol manyen.ngati moko umbe majukoyo. Yoh.3:3-7; Jugalattia 6:15.
2. Dubu mi dhanu kethu umaku ginwang nyol manyen-Yoh. 3:6; Yer.13:23; Jurumi 7:18; Jurumi 8:8.
3. Bedu leng pa Mungu de mitu nia dhanu ginwang nyol manyen-Juebrenia 12:14

3. **Yore mi nwang nyol manyen.**

1. Nyol manyen ene tic pa Tipu maleng ikwo mwa-Yoh.1:13; Titu 3:5;Yoh.3:5, pimenu zowizo nyol manyen utye tic pa Mungu ikwo mwa,dhanu timu en ungo.
2. Ento ngete mumaku dhanu tim de tye-Yoh.1:12,13, kelo pidoic aryo ceke, mi tipu ku mi kum de- inyol manyen”Juceke mujole....nango Mungu nyolugui en.”

Ajiki-Dhanu nwang nyol manyen nangu ewinju kwenda mi lembanyonga maju both ko.(1Jukor.4:15;Yakobu 1:18; 1Petro 1:23) manke ku jolu Yesu Kristu ni bedu Jalar-Yoh.1:12,13; Jugalattia 3:26.

PONJI MIR 22 - GONYO LEMBE MI WIJU (JUSTIFICATION)

1. The lembene

Ene aloko loka ikwo pa ngati ku wat mikindgi ku Mungu kunu nyo cungu iwang Mungu. Nyol manyen ene aloko loka ikura pa ngati, dwoko jo lengke ene gonyu lembe mi wi ngati iwang Mungu. Dwoku juleng dit sagu weku dubu de, ni dwoku ngati leng ene ni wacu nia dubu pa ngati upe zode. Dwoku ju leng ene ngolu kot pa Mungu, nia juceke muyie edwoku gi leng iwange gire, man lewic mi dubu migi dong upe iwigi.

Gonyu lembe mi wiju utye ku lembe aryo iie.

1. Weku dubu man bayu gibor ku lewic negide man cul ma pigi- Mika 7:18,19; Tic. 13:38; Jurumi 8:1, 33, 34.
2. Umuwa ku bedopwe pa Kristu, man dwoku wa cen ibang beru pa Mungu-2Lemkei 20:7; Yakobu 2:23; Jurumi 5:17-21,

3. Kite mi gonyu lembe mi wijus.

1. Yore ne ngo- ku tic mi cik ungo-Jurumi 3:20,28; Jugalattia 2:16; 3:10.
2. Yore ne – Ene tic mi mananu pa Mungu- Jurumi 3:24.
3. Kudi rimu pa Yesu Kristu, Jurumi 3:24;5:9; 2 Jukor. 5:21; Juebrenia 9:22.
4. Yio Yesu Kristu dwoku wa leng- Jagalattia 2:16; Jurumi 3:26;Jugala.3:10; Tic.13:39.

Lembe alara. Dwoku ju leng ukoc ku weku dubu nenedi?

PONJI MIR 23 - DWOKO WA NI NYITHINDHU PA MUNGU (ADOPTION)

1. Thelembene- Ene nitingo wod ngati mange nidoko ni wodi. Kit lembe eni jurumi gitiyu kudu ni gamu dhanu mange ma gi juruma ngo nidoko juruma macal ku cik migi. Pimeno nyathin Malaga enu de gam bedu ku tweru marom ku nyithindho manyola mi pacu enu. Jugalattia 4:5; Jurumi 8:15,23; 9:4; Juefesu 1:5.

Buku pa Ai 2:10 man Juebrenia 11:24 nyuthu lembe aryo ma pigi tek I lembagora kama jutiyu ku dhok mi lagu (adoption).

2. Mugisa mi doko nyithindho majulagu:

Wadoku pinny mir amara ni Mungu(Yoh.17:23) man gwok pa wegu(luka 12:27-33) Jumio iwa nying mi pacu-(1Yoh.3:1; Juefesu 3:14,15), wakwanyu ayi mi pacu ne,(Jurumi 8:29) junyuthu iwamer macalu jupacu.(Yoh.13:35;1Yoh.3:14); jumio iwa tipu mandha(Juruma8:15; Jugatia 4:6); man tic mi pacu watimu(Yoh.14:23,24; 15:8). Wanwangu ponji pa wegu (Jueb.12:5-11); cukucwiny pa wegu (Isaya 66:13; 2 jukor.1:4), man gina laga (1Petro 1:3-5; Jurumi8:17).

3. Gin manyuth nia dong wawod.

Juma jutingo ni doko jupacu pa Mungu:-

Tipu re madong telo gi-(Jurumi 8:4; Jugalatia 5:18).

Gibedu ku tegu cwiny I Mungu- (Jugalatia 4:5,6).

Gibedu agonya ni binu ibang Mungu-(Juefesu 3:12).

Gibedu ku mer mir umegu- (1Yoh.2:9-11;5:2).

Giwor (1Yoh.5:1-3).

Lembelara- Tung tung ango mutye ikind bedu wod Mungu ku bedu jamiru pa Mungu.

PONJI MIR 24 - DWOKU JU LENG (SANCTIFICATION)

Dwokuju leng ene tic matimire ikura mwa ku kothwa, Gonyu lembe mi ju ke ene gin ma Mungu timo I kwo, man dwoku ju leng ke gin ma Mungu timu iiwa.

1. Thelembe mi dwoku ju leng:-

Lembe utye aryo igonyu the lembe pa dwoku ju leng-

1. Pokri kudi kum gin marac- 2Lemkei 29:5,15-18;
1Juteso.4:3. Dwoku ju leng ene ni lokri kudi yo ceke mi dubu manyothu kwo ku ngeyongec.

2. Theiri / Miyiri ni Mungu- Lemijulawi 27:14,16;
Wel 8:17, Yoh.10:36.Gin ceke mu miyiri mandha
ndha cii, judwoke leng.
3. Jutiyu kudeikum Mungu- Ezek. 36:23.

2. Saa mi dwoku juleng.

Lembe mi dwoku ju leng jutiyu kude pi lembe mukathu, maka woni man mir anyim/lembe mandhundhu mudar.

1. Mandhu ndhu-1Jukor 6:11; Juebr.10:10,14. ndhu
nikum nyathi yioyic manya nok I Yesu Kristu, ngati
enu doku ndhu leng cu iwang Mungu.
2. Macidhu yoo- 2Petro 3:18; 2Jukor.3:18; 1Juteso.3:12.
Jube dwokowa leng ku ba rupiny ku ba rupiny.
3. Dwoko ju leng ma tok cen man mir ajiki-
1 Juteso 5:23; 1Juteso.3:13.

3. Yore mi dwoku juleng:

Yorene utye ngete aryo ceke, kudi ba dhanu man kuyo ba Mungu. ju aryo enu ceke gi ribri pi nenu nia tic mi dwoku juleng utimire.

1. Ku yo ba Mungu-ene tic pa juadek Wegu, wod man
Tipu maleng.
- Mungu wegu- 1Juteso.5:23,24; Yoh.17:17.
- Yesu Kristu wod- Juebr.10:10; Juefesu 5:25,27;
1Jukor.1:30.
- Tipu Maleng-1Pet.1:2; 2Jutes.2:13.
2. Ku yo ba dhanu-
- Yioyic ikum tic mi war pa Kristu Yesu-1Jukor.1:30.
- Kwanu lembagora man bedu wor ni lembagora ne-
Yoh.17:17; Juefesu 5:26; Yoh. 15:3.

Lembalara-ular lembeikum dwoku ju leng, eckire awene man edar awene, man adek me timire iye.

PONJI MIR 25 - RWO/ KWAYU KWAC

Kwo pa Jakristu copu bedu ungo mumbere rwo. Rwo utye yuyo ma pire tek ikwo pa Jakristu.

1. Beru pa Rwo.

1. Kweru rwo ene gin marac ni Rwoth- Is 43:21,22; Is.64:6,7.
2. Dubu mapol gibinu gikum weku rwo- Zafenia 1:4-6; Dan.9:13,14.
3. Ene dubu ni weku rwo- 1Sam.12:23.
4. Ni bedu ku rwo ene gin maber muyire-Jukol.4:2; 1Jutes. 5:17.
5. Rwo ene yore mawa nwanu kudu mic ba Mungu. Dan.9:3; Mat.7:7-11,9:24-29; luka 11:13.
6. Jukwenda gikethu rwo ubedu igi nitic mapire tek- Tic 6:4; Jurumi 1:9.

2. Kite mi Rwo.

Rwo umaku ubed ku lembe angwen maegi-(ACTS)

1. Woru Mungu- pak ku woru Mungu- Zab.95:6.
2. Lembatua- tucu dubu ceke mingeyo kumi ngeyo ngo de-Zab.32:5.
3. Miyo foyofoc- Jufilipi 4:6.
4. Rwo ku paku dhok pi lembe matung tung- 1Timeteo 2:1.

3. Gin magengo rwo:

1. Yioyic mumbere- Yakobo 1:6,7.
2. Tipu ma weku rac ngo-Marko 11:25.
3. Gondri- Zab.66:18.
4. Kwayu alenga-Yakobo 4:3.

4. Lembagola mi rwo: Marko 11:24; Yoh.15:7; 1Yoh.5:14,15; Juefesu 3:12,20; Jufili. 4:19,4:6; Mat.7:7,8; Luka 11:9-13; Juebre.4:16.

Lembalara-Adwogi ango mi nwanu macalu gam mi rwo peri? Man ango ma itye ka rwo pire kawoni.

NGETE MIR 6 - PONJI MALILI IKUM KANISA

PONJI MIR 26 - THELEMBE MAN KITE MA KANISA CAKIRE KUDU

Tic madit ma Mungu utye katimu idong nindo eni ene ni coko dhu kanisa pare.

1. **Thelembe pa Kanisa:**

1. Kanisa pa Jukristu mi Lembariba manyen(NT) ucakire iceng Pentecote man copu jik nyo ikare mi yudh/ dwogo mir aryo pa Yesu Kristu.

2. Lembe mania“Kanisa” uai kudi dhu Ju griki mania “Ekilezia”ma thelembe nia “ni lwongo woku” (call out from) Jukristu julwongogi kudi kura mi ngom nidoko “I Kristu” 1Jukor.1:2.

3. Kanisa bende copu bedu lwak dhanu mubedu karacelu iyioyic- Jukolo. 4:15.

4. Ecopu bedu Kanisa mi wi ngom zo-1Jukor.15:9. Enike udiku dhanu maju yic mi wi ngom zo magi Jukristu.

5. Kanisa makume nen utye Jukristu ma nyingi utye ibuku pa Kanisa, muboth ku muboth ngo ceke. Kanisa makume nen ungo, utye juma nyingi jugoru ibuku mi kwo pa nyathi Rombo- L/nyutha 21:27.

6. Kanisa mi lwiny/mony utye kanisa mandha mutye wi ngom,Kanisa muloyo utye juma dong gidaru tundu I polo.

2. **Kite Ma Kanisa Ucakire Kudu:**

1. Yesu Kristu ucakuKanisa en wi lembatuca pa Petro(Mat.16:16-18) nia Yesu bedu man etye Wod Mungu,ma en e Masia. Jalar mwa ugomu ngo kanisa wi Petro, ento iwi lembatuca lemandha muai kudi dhu Petro.

2. Kacal kudu uda, Kanisa ucakire ikare mi Pentekote, Tic. 2, kare ma Tipu malen uwok wi Jukwenda- Tic 2:47,1:13; 5:12; 2:46;12:12.

Lembalara-Thelembe matung tungpa kanisa gin ango?

PONJI MIR 27 - KITE MI DOKU MEMBA MAN TIC PA KANISA

1. Gin makethu ngati doku memba mi kanisa.

1. Lokocwiny-Tic. 2:38.
2. Yioyic I Yesu Kristu macalu rwoth man Jalar, man nia ewod Mungu-Mat.16:16-18.
3. Both, nyol manyen- Tic 2:47.
4. Maku baptisi inying Wegu, Wod man Tipu maleng. Tic 2:38.
5. Bedu asu I ponji mi Jukwenda-Tic. 2:42.

2. Tic maju caku Kanisa pire:

1. Ni woru man nimiyo dwong ni Kristu kudi wi ngom keni-Juefesu 1:4-6.
2. Niyero lembanyonga wi ngom-Mat.28:19-20; Marko 16:15.
3. Ni ponju man ni tiru Jukristu- Juefesu 4:11-15; 1Juteso.5:11; 1Jukor.12:1-31.
4. Niyeru pi Kristu kare ku kare-Tic. 1:8.

Lembalara-Piny ang marac matimire kite mi doku kudu memba pa Kanisa?

PONJI MIR 28 - AYI MAN CIKIRI PA KANISA

1. Ayi ma Bibilia nyuthu kudu Kanisa.

1. Wath kum- Kristu ene wic man wan wawath kume- Jukol.1:18; Juefesu 1:22,23; Jukol.2:19.
2. Hekalu- ot kunyo kabedu ma Tipu pa Mungu bedu iie-Juefesu 2:20,21; Kristu ene kidi mi gul, wan ke wawath kume matung tung mi ot ne.
3. Mugole pa Kristu- 2Jukor.11:2.Kristu ene cwar mugole-Yoh. 3:29. Ambaza ne bibedu I Lembanyutha 19:1.

2. Cikiri pa Kanisa. Gin aryo:-

1. Baptisi-Mat.28:19-20; Marko 16:16; Tic. 2:38-41; 8:36-40; 10:47,48.

2. Meza pa Rwoth-Tic.2:42-46; 20:7; 1Jukori.11:20-34.

Lembalara - Nyuth thelembe midoku memba I Kanisa cal kud ayi manyuthu kanisa maju mio malu.

**NGETE MIR ABIRU - PONJI MALILI IKUM BIBILIA/
LEMBAGORA**

PONJI MIR 29 - TIPU PA MUNGU IWI BIBILIA

1. Lembe mandha ikum Bibilia.

1. Bibilia ene lwak buku 66; Lembariba macon utye 39, man lembariba manyen 27.

2. Dhanu matung tung maromu 36-40,ugoru kud inget ngom matung tung, pi kare maromu oro 1600.

3. Lembariba macon jugoru zo I dhu Juebrenia, ento kende Daniel ku Ezra jugoru idhu ju Aramic. Man Lembariba manyen jugoru idhu ju Griki.

4. Bibilia utye buku murii wi ngom loyo zo, etingo wend oro 1600,migore nithum, Jagor mir acel utho ioro 1450, manango podi jagor matok cen junyolo ungo.

2. The lembe mi Tipu Mungu muyuyo wi Bibilia.

1. I dhu ju Griki “theopneustos” thelembe nia Mungu yuyo. 2Timeteo 3:16.

2. Jumaleng pa Mungu ma Tipu maleng umugi,gigoru Bibilia ithe tela pa Tipu maleng,ma gin marac uwok ungo igor negi.

3. Bibilia de nyuthu nia yuyo pa Mungu ni iie.

1. Wi jumu gore- 2Pet.1:21.

2. Wi gorne-2Tim.3:16.

3. Wi lembe mi iie- 1Jukorin.2:13; 2Pet.3:2.

Lembalara-makani mikum bibilia mayomu cwinyi muloyo ceke?

PONJI MIR 30 - LEMBE ARYO: MAGIN ABIRU PI BIBILIA

1. Jamker abiru mir azunga pa Bibilia.

1. Piny mazunga kite ma Bibilia uyubire kude, buku acel nangu jugoru inget ngom matung, idhok de matung. Mange nango jugoru ingom mucelu ingei oro malac idhok de matung.

2. Piny azunga Bibilia utyeku buku 66 enke ebuku acel, kum Jagor ne ene ngati acel ma Tipu maleng, ma lembe mupokire de umbe.

3. Piny azunga pi oro pare, ebuku mu rii uloyo zo wi ngom.

4. Piny azunga pi lwor pare, ewilire ithekare ceke.

5. Piny azunga pi mar maju mare kudu,ene buku ma dhanu ceke kwane ithe rundi matung, jumu tii kujuma thindhu.

6. Piny azunga pi dhok maju gore kudu-polne jumu somu ngo re mugore.ento jukwane ni buku pa jurieko.

7. Piny azunga kite me gwokire kudu-Polkare jubim,rwoth man Gamente gimitu ya giwange man gineg there cen, ento Mungu gwoke iwa cil kawoni, ma enwangire kubang ot ceke.

2. Ayi abiru majutiyo kudu ni nyuthu lembe pa Mungu I Bibilia.

1. Palamularu macobu juwinj ne-Juebr.4:12

2. Nyondu mangenyo adunde mijai idhanu-Yeremia 23:29.

3. Kodhi,lembe makwo makelo nyol manyen ni jawinj-1Pet.1:23.

4. Maraya,manyuthu ngati man ku tic pare gire-Yakobo 1:23,25.

5. Mac,mawangu munyali mi idhanu-Yeremia 20:9;23:29.

6. Tara,manyuthu yo mi jayic kubang ceng-Zab.119:105.

7. Kwen,ma mio kwo ni ngeyongec-1Pet.2:2; 1Jukor.3:2; Jurumi. 10:17.

Tic midok itim- Yub ponji malubre ku lanyuth acel mikind lembe pa Mungu mawa nenu. **62**

PONJI MIR 31 - PIRANGO MUMAKU WAYER LEMBE PA MUNGU?

1. **Ywak pi dubu**-ywak pi dububinu nikum yeru lembe pa Mungu-Tic.2:14:37.ilemba yere pa Petro iceng Pentekote,lembagora 9 ikum 23 uai kudi lembariba macon.
 2. Yioyic binu nikum winjo lembe pa Mungu-Jurumi 10:17.
 3. Lonyiri wok nikum lembe pa Mungu-2Jukor.7:1. leembangola milembe pa Mungu.
 4. Tego cwiny mi both ai kudi lembe pa Mungu-1Yoh.5:13.
 5. Kwicwiny ai kudi lembe pa Mungu-1Juteso.4:18.(enigi lembe mugore I Bibilia).
 6. Lemandha ai kudi lembe pa Mungu-Tic.17:11.
 7. Nyol manyen ai kudi lembe pa Mungu-1Pet.1:23.
- Ajiki**- Mulubo tok Kristu ku Tipu malen, Bibilia utye mic mir adage ni mapire tek ni dhanu.

NGETE MIR 8 - PONJI MALILI IKUM JU MALAIKA

PONJI MIR 32 - GIN MA BIBILIA WACU IKUM JU MALAIKA

1. Bedo utye migi.

1. Lembe mania “Malaika” jular julwongo (Thang.16:7) kinde ma Malaika pa Rwoth unen ibang Hagar ma mege pare uryeme woko.

2. Lembagora mapol I lembariba macon uwecu ikum Malaika-Zab.104:4; Dan.10:12,13; 2Sam.14:20; Zab.103:20; 2Ubimu 19:35; 2Sam.24:15,16.

3. Yesu de uyio ju malaika –Mat.18:10; Marko 13:32; 8:38; Mat.13:41; 26:53.

4. Paulo ku jukwenda wadi mange de giyio nia jumalaika tye-2Jeteso.1:17; Jukolosai 2:18; Yoh.1:51; Lembanyutha 12:7; 22:9; 1Pet.3:22; 2Pet. 2:11; Yuda v:9.

2. Kura pa Jumalaika.

1. Kinde giracwia ma Mungu cwio, gitipu pa jumu tho ngo- Jukolosai 1:16.

2. Gitipu-Zab.104:4, ento ikare moko ginen ikum makum eni-Thang.19; Jupoklembe 2:1; 6:11-22; Mat.1:20; Yoh.20:12.

3. Gi jukeru/ gitek- Zab.103:20; 2Ubimu 19:35; 2Sam.24:15,16.

4. Githo ungo- Luka 20:35, 36.

5. Wend gi udul dupa/ gi kwaniri ngo- L/nyutha 5:11; Juebre. 12:22; Mat.26:53.

3. Podhu pa jumalaika.

I acaki Mungu cwio jumalika maber, ento jumoko mikindgi upodhu (udubu)-2Pet.2:4; Yuda v:6. Wangeyo ungo lembe muketho gipodhu, nyo pir ayunga kunu nyo teguwic, ene dubu mukelu podhu pa sitani ingom- Ezek.28.

Lembelara-Unen lembagora muwecu ikum podhu pa sitani, man uwec ikum thelembe mukethu gipodhu.

PONJI MIR 33 - TIC PA JUMALAIKA

1. Tic Pa Jumalaika Mupodhu Magi Tye Agonya.

1. Gidoku judhu Mungu- Dan.10:10-14.
2. Ginyayu can I dhanu pa Mungu-Luka 13:36; Mat.17:15- 18.
3. Gikethu tic jok timire-Mat.25:41; 12:26-27.
4. Giceru dongu mi tipu pa dhanu pa Mungu- Juefesu 6:12.
5. Gitemu ni wondu dhanu pa Mungu-1Sam.28:7-20.

Gin dong genugen mi both migi upe-Yuda v 2-6; 2Pet.2:4; Mat.25:41. Kajik mi nyoth migi ene nam mac ma rondo ku rondo.

2. Tic pa jumalaika maber.

1. I polu,ni woru man ni paku Rwoth Mungu-L/nyutha 5:11-12, 8:3,4.

2. I wi ngom,teru kwenda pa Mungu iwang ngom zo,nyuthu kulu mi pii ni Hagar,Nyuthiri iwang Jocuwa ku palamularu,gonyu nyoru kudi cing Petro I otkol, yabu dhugola mi otkol,mio cam calu ni Elia, cukucwiny man goyu gang ikum dhanu pa Mungu, kumange mapol.

3. Konyo Mungu ku pokolemba man tic pare matung tung.Wel 22:22; Tic.12:23; Mat.13:41.

4. Nigwoku juyic-Tic.8:26.

5. Mikonyu,gwoku man mio tegu ni jumaleng; Elia 1Ubumu19; Daniel I odu mvor, Dan. 6:22; Yesu I podhu mi Getsemani, Mat 4:11.

6. Gibi binu karacelu ku woth Yesu gi idwogu mir aryende-Mat.25:31; 1Juteso.1:7,8.

7. Giteru nyidhindhu pa Mungu ibange isaa mi tho-Luka 16:22.

Lembalara-Nyo nindu moku inenu tic pa malaika ikwo peri de?

NGETE MIR 9 - PONJI MALILI IKUM SITANI

PONJI MIR 34 - JADEGI MADIT PA MUNGU MAN PA DHANU

1. Cakiri pa Sitani.

1. Sitani junyuthu pire I buku pa Ezek.28:12-19.ebedu ngatu mapire ber man leng mir anena,nyoke ebedu jawi jumalaika ceke.Edubu ku gondiri mundo ikwo pare pir ayunga man juryeme woku kudi polu.

2. Junyuthu pire bende ibuku pa Isaya 14:12-17. Julwonge Lucifa, wod mi kugwenu. Ayunga pare ukethu emitu ebed rom ku rwoth Mungu, epimenu juryeme cen kudi polu.

3. Sitani ene dhanu andha,etye ku kwo,tipu, ngeyongec, rieku kumange dupa calu dhanu.

2. Kura kwo pa Sitani.

1. Ejakwo,ekwalu lembe pa Mungu kudi kwo pa dhanu- Mat.13:19.

2. Ejarieku, 2Jukor.11:3.

3. Ejanek- Yoh.8:44.

4. Eja ndra- Yoh.8:44.

5. Ejagobe- L/nyutha 12:9.

Lembalara- I poi nia dong tic pa sitani utye kamedire ameda iwi ngom kawoni sagu macon? Iparu nia pirango matic pare ubedoku dit kemeni?

PONJI MIR 35 - JADEGI MAJULOYU

1. Nying sitani ni tic pare.

1. Malaika mi der-2Jukor.2:13-15.

2. Erundu calu lamvor- 1Pet.5:8

3. Jabim mi kor yamu-Juefesu 2:2.

4. Jabim mi mudhu-Jukolosai 1:13.

5. Thwol,ngec,jok, sitani –L/nyutha 12:9.
6. Ubimu mi ngom-Yoh.14:30.
7. Mungu mi ngom maeni-2Jukor. 4:4.
8. Ubimu mi longru mathere mbe, manyinge maku ndhu Juebrenia julwongo Abaddon-L/nyutha 9:11.

Kajik pa Sitani.

1. Calu jukristu gitye,sitani ene jadegi majuloyu-Yoh.12:31;16:9,10; 1Yoh.3:8; Jukolosai 2:15.
2. Etye ithe kwong- Thang.3:14; Isaya 65:25.
3. Jubibaye makwo inam mac,kama ebisendre iiye rondo ku rondo-Mat.25:41; L/nyutha 20;10.

Ajiki-Saitani ejategu, ento Mungu jategukpo, sitani juloye con iwi got kalvario, dong wek walwongu aloci iwie kudi rimu mi wi Kalvario.

NGETE MIR 10 - PONJI MALILI IKUM GIN TOKCEN

PONJI 36 - DWOGO PA YESU MIR ARYO

Dwogu pa Yesu mir aryo junyuthu pire wang 318 I capta 260 mutye ilembariba manyen,ikum vasi 30 wang acel nangu unyuthu pi dwogu pa Yesu, iwang acel ka junyuthu pi binu mir acel, dwogupare nangu junyuthu wang abora.

1. Kristu bidwogu nenedi?

1. Nyalwe ikare mi yuth-1Juteso. 5;2; Mat.24:44; Mat. 24:50.
2. Iwang dhanu ceke nindo nyuth pare-Lembanyutha 1:7.

2. Kristu binu kakani?

1. I nindu mi yuth wabi rombu kugi I yamu-1Juteso.4;17.
2. I nindu mi nyuth pare,wabi lor kugi pinyi ngom-Zakaria 14:4.

3. **Ayi mi dwogu pare.**

1. 2Tim.3:17, nyuthu ayi 23, midwogu pare, mapol migi dong ubenyuthire kawoni. Mat24:5-7; 12-38 nyuth ayi apar. Wan dong umaku watim tic pa rwoth calu veyu edwogu ungo ingey orudak. Ento umaku wabed mandha man pwe kum dwogu pare utye tin eni. (1Juteso.3:12,13).

Rwo matok cen I Bibilia wacu nia "Bin rwoth Yesu, bin upio" L/nyutha 22:20.

Lembalara- i lembagora maju riyiyo malu "ayi mi dwogu pare" makani mutye timire tin eni?.

PONJI MIR 37 - CER MI JUMU THO

1. **Ponji eni juponju maber I lembagora.**

1. I lembariba macon- Yob 19:25-27; Zab.16:9; 17:15; Dan.12:1-3. Ento cer mandha jugoru ibubu pu 1Ubimu 17; 2Ubimu4:32-35; 13:21.

2. I lembariba manyen- iponji pa Yesu Kristu- Yoh.5:28,29; 6:39,40,44,54; Luka Julipilipi3:11; L/nyutha 20:4-6,13.

2. **Kit ayi kum mi cer.**

1. Mi juyic-nen 1Jukor.15

Ma ring kum ku rimu umbe- vasi 50,51; Juebre.2:14; 2Jukor.5:1-6; luka 24:39- "Ringkum ku rimu" ngo nia tipu, ento kum mandha.

- Kum manyothre ngo- vasi42- top upe, remo kadi two.

- Kum, mi dwong-vasi-43 de loku kum mange (Mat.17); Lembanyutha 1:13-17.

- Kum mi tegu- vasi-43- ma ol ungo kadi ma jony de ungo.

- kum mi tipu- vasi-44 tipu re mabibedu kwo mi kum ne.

- Kum mi polu-47-49.

3. **Saa mi cer.**

1. Pa weg bedopwe-1Jukor.15:23; 1Jutes.4:14-17. cer miweg bedu pwe urombu ku binu Yesu Kristu .

2. Pa weg gondri- Yoh.5:28,29; Dan.12:2; Lembanyutha 20:5; 20:12. Cer mi judubu uronbo ku pokulembe,enu bibedu iajiki mi nindu pa rwoth. L/nyutha 20:4-6 nyuthu nia rundi elifu acel bikadhu ikind cer miweg bedopwe ku judubu.

Ajiki-tung tung ango mabi bedu ikum mi cer kukumwa makawoni?

PONJI MIR 38 - CENG POKULEMBE

Jukethu Ceng mi pokulembe wi ngom utye,ma judubu jubi pokulembe migi man weg bedupwe jubi miyo gi jamker mi wic.Tic.17:31; Juebre.9:27. Japok lembe ene Kristu-ngati mi wi yen mathara bidoko ngati mi dwong.-Yoh.5:22,23,27; 2Tim.4:1;2Jukor.5:10 tic.10:42;17:31.

Calu ceng mi cer gidupa,epoku lembe de gidupa.Ikare pa Noah pii mupongo ngom cade ubedu pokulembe.man loko dhok mi Babeli ca de ubedu pokulembe.

Bibilia nyuthu pi pokulembe abiru matung tung.

1. **Pokulembe wi yen mathara**-tegu pa sitani wi juyic judaru turu man dubu migi de jukabu woku- Yoh.5:24;1Pet.2:24.
2. **Pokulembe pa juyic ikume gire**- 1Jukor.11:31,32.eni ejik ungo bedu asu.
3. **Pokulembe pa juyic I Berma-komker mingolu lembe pa Kristu**-2Jukor.5:10.-idwogu pa Kristu mir aryo, juyic jubipoku lembe pi tic migi. Jamker mi wic nijuma tic wang ungo isaa mi muluic- 1Jukor.3:13.
4. **Pokulembe pa Juyahudi**-bibedu isaa mi ragedu madit- Ezek.20:34-38; Yer.33:7; Luka 23:18; Tic.7:51.
5. **Pokulembe mi thek dhanu mange**-Mat.25:32, idwogu pa Kristu mir aryo I poga mi Jehosphet.-Yoel 3:2; Mat.25:41 man 43.
6. **Pokulembe pa Malaika mupodhu**- 1Jukor.6:3; Yuda v:6; 2Pet.2:4.

7. **Pokulembe pa jumu tho idubu**-jumu yio Yesu de ungo por con, magi cer ungo icer mir acel kununyo maju yudhu gin go- L/nyutha 20:12;eni bibedu idhu kom ker madit matar-L/nyutha 20:11, eni ingey oru elifu acel-L/nyutha 20:5. Juma ayi Mungu mbe ikumgi jubi bayugi nam mac- Lembanyutha 20:15. **Lembelara**-In pokulembe makani mumeki?

PONJI MIR 39 - KABEDU MATOKCEN PA JUMUYIO UNGO

Utye lembagora 162 i lembariba manyen kende ma wecu ikum kabedu mi nyoth mukuru judubu muloku cwinygi ngo,70 ikindgi ene Yesu uwacu gi en. Judubu mukweru Yesu jubibayugi i kacol piny- Zab.9:17.

1. Thelembe pa Kacol piny(Hell)

1. Rwinyu kudi wang Mungu-2 Jutes.1:9.
2. Kabedu mi wangi mac man fot- Luka 16:23.

2. Kite maju nyuthukude ka col piny-

1. Nangu re andha juyike jok ku jumalaika mupodhu- Mat.25:41. Ento dhanu mukweru polu magi yio Yesu ngo de gibicidhu ku sitani gi kuca.
2. Eka mi mio fot- Mat.25:46.
3. Ekabedu mi masendi-Luka 16:23.
4. Eka bedu mi mac- Mat.13:42,50; L/nyutha 20:15;14:10; Mat.3:12;Isaya 33:14.
5. Kabedu mir ukudi- Marko 9:44,46,48.
6. I luka 16, dhanu bibedu ku ngeyongec mingeyo dhanu wagi- vasi 23; mi rwo de,kadi bende jukweru rwo ne-vasi 27. Man elwongo pii man ekwayu ya juor ngati moku udok ibang umegu pare ingom kara ku gibin kama eni iie- vasi 24-27.
7. Gahena utye andhaman ebibedu rondo ku rondo.

Ajiki-Lembe mi masendi marondo ku rondo umaku upey wa nicidhu kayeru lembanyanga maju both ko ni dhanu.

PONJI MIR 40 - FOC MATOKCEN NI WEG BEDUPWE

Tho,ni juyic utye nindu aninda irwoth Yesu- 1Jutes.4:14,kum ngati ne ndhu ndhu eceu idhu kor irwoth-Juflipi-1:23.

1. **Dwong mir anyim pa Juyic.**

1. Nibedu ku Kristu-Yoh.14:3.
2. Ni nenu wang rwoth-Zab.17:15; 2 Jukor.4:6; L/nyutha 22:4.
3. Ni nenu dwong pa Kristu-Yoh.17:24.
4. Kara wanwang kum mi dwong ku Kristu-Jurumi 8:17,18.
5. Ni bimu bim ku Kristu-2Tim.2:12.
6. Ni lagu piny ceke- Lembanyutha 21:7.
7. Ni ryeng calu ceru mi kugwenu-Dan.12:3.

2. **Jamker mi wic majuyic copu loyu.**

1. Jamker mi wic ma nyothre ungo-1 Jukor.9:24,25.
Jamker mi wic mi kwaya- Juebre.12:1.
2. Jamker mi wic mi mutoru-1 Jutes.2:19-eni ni jumu loku dhanu dupa bang Yesu.
3. Jamker mi wic mi bedopwe-2Tim.4:8-eni pi juceke mumaru nyuth pare,man dhanu ceke maku ginwang jamker mi wic maeni.
4. Jamker mi wic mi kwo-Yakobo1:12-eni niju mumaru kwo migi ngo cil nit ho. L/nyutha 2:10- Jamker ni juma junegu pi yioyic pa rwoth Yesu.
5. Jamker mi wic mi dwong-1 Pet.5:4,eni jukwath mathindho, jukwath, uyer lembanyonga, juponji.

3. **Polu- ene ango?**

1. Ene pacu pa rwoth Mungu- Mat.6:9,2Jukor.12:2-polu mir acel utye kama uwinyu gituk iie. Mir aryo utyemalu wi dwi kama jurieko gi tuc iie.Polu mir adek ene pacu pa Rwoth Mungu.

2. Ene ot ma Mungu yiku en,dhanu yubu en ungo-
2 Jukor.5:1.
3. Ene kama Komker pa Mungu ku Kristu bedu iie-
Juefesu 5:5.
4. Pacu pa Wegu-Yoh.14:2.
5. Kabetu ma tho,piwang,can,ywak kadi remu de mbe
iie-L/nyutha 21:4.diewor kadi mudhu de mbe iie-L/
nyutha22:3-5. Kabetu ma kec,uriew piikadi lyethu
mahai de mbe iie- L/nyutha 7:16.
6. Kabetu ma giracwia manyen utye iie-kuko mi pii
mi kwo,yen mi kwo,tic manyen, wat manyen, der
manyen-L/nyutha 22:4.

Ajiki-Polu ene kabetu majuyiku ni dhanu mu yikiri. Nenu mwa ene mi tuc kuca, man ku juma nge dupa magi lwko kendi migi de irimb nyathirombo pi tic migi maber.

BODHU MI LEMBAYERA (HOMILETIC)

Buku migonyo thelembe madongo (Diconari) ogonyo thelembe pa homiletiks ni bedo bodhu mi lembayera. Man dok ponji maeni otie mi konyo mi dongo mi bodhu mi lembayera i ikubang ja kwan acel acel. Ento omako wangei nia lembayera etie piny mu kadho wi cungo a cunga kende idhu kor dhano man weco macu. En andha man dok omako wecu ne onyuth kum lembe pa mungu ni cidho i adunde pa dhano. Paulo ogoro maeni ku tego mi lembe mandha: "lembe mi musalaba en elemb kasegu ni ju magi rwinyo, ento iwa waju mawa both etego pa mungu" (1Kor 1:18). Ponji maeni penji ni timo matek nitundo ikum ngeyo cuu bodhu mi lembayera, kara wek tego pa mungu onyuthere i both man dok idongo pa dhano ma pol. Kud i ilembagora ma nok kud i buku maeni wabe cimulo ongo kum kite mi yero lembayera ne – kite mi tiyo ku dwol nyoke wath kumwa, cal ku lapor-maeni ju copo kani neno man ju weco ikume calku japonji isawa mi lembayera ne i ot kwan. lembayera ne bi cungo iwi kungu lembayera ne calku lapor ma emir ayii nyang.

Omako wa ngey nia ponji mi sukuru maeni ju poko iye calku wi lembe ne maku bangceng i ot kwan, ento pol pa ponji mi lembayera ju kpero iye ku bang yenga calku ponji ma thindho thindho i iye. Maeni bi kethe bedo yot i ot kwan pi kethe itic mi yubo lembayera man yero lembayera ne.

Ponji maeni oai kud ibuku maber ma ju lwongo, "kite mi yiko lembayera", maja gorne Wiliam Evans, man ju goy buku ne Moody press.

YENGA MIR ACEL, NINDO MIR ACEL: LEMBAYERA OTIYE ANGO?

Lembayera otiye rweyo pi lembkwenda maber mi both ni ai ibang dhano nicidho ibang dhano. Ecungo iwi lembe aryo dhano man kwenda - kura kwo man lembe mandha.

Jayerlembe Mungu okoye pi timo tic ma londa mi yero lembkwenda. Ecungo kaka Mungu pi dhano man dok ecungo pi dhano iwang Mungu. Omako ebed ni ng'atu ma kite ber, m'upong ku Tipu maleng man yioyic. Adwogi mi kura kwo maeni man lembayera maku meni otie nia dhano bi mediri ni Rwoth (Tic 11:24)

Lembayera otie wathkum jayerlembe; omako ebe lanyuth mi kura kwo Pare man ngeongec pare. Ngeongec mi lembe mandha omako obe ii jayerlembe mapodi elar eyero ongo lembayera ne kutego calku lembayera pare.

Nyamo ilembe karacelo - piny ango ma piretek magi mitiri pi yikiri pi kura kwo pa jayerlembe? Kura kwo ango marac macopo kani nyotho tic pa jayerlembe?

NINDO 2: LONDO LEMBAGORA

- 1. Bero otie dupa pi nilondo lembagora:**
 - a. Ecewo miti pa jumuwinjo lembayera ne.”ango ma ecidho ni yero kumlembe maeni?”
 - b. Emako paro pajuwinj lembayera ne. “ma eni elembe pa mungu!”
 - c. Emio ni jayerlembe kero man kwarcwiny.”ma eni Rwoth oyer” emio kero ni polo.
 - d. Egwoko paro pa jayerlembe nilal swa ku lembayera

- e. Eketho ja yerlembe bedo i Biblia
2. **Cik ma gwaqko londo lembagora:**
- a. Jaye lembe omako ongei miti mi tipi padhano.
 - b. Omako engei nia lembe ma eponjo obed lembe mandha.mito ebe ku ponji malili madok ikum lembe mandha, eber, ii acaki pa oro ni yubo ponji m'atung 'tung' ma ibi ponjo i oro maeca zo.
 - c. Jaye lembe omako ongei nia tego pare otie muromo miyero ponji ma e tingo. Wilembe moko copo kani bedotek ni jayerlembe mapodi odongo adonga ni yero lembayera ne.
3. **Maeni otie cik mi konyo ni londo lembayera :**
- a. Kwano lembagora pa Mungu kubang' sawa piretek.
 - b. Bedo ku buku mi yubo lembayera piretek magwei.
 - c. Kwano buku ma'tung 'tung' emedo ngeongec mwa.
 - d. Kony pa Tipu maleng epiny mir acel mapiretek. Ni ng'atu m'utie kani kwo ithe bim pa Tipo maleng ebibedo ni ng'atu ma copo ongo kani rwinyo i lembayera pare swa swa.

Tic miratima - Nyuth lembayera apar m'atung 'tung' ma ibe ciyero idwi mubino.

NINDO 3: LONDO WI LEMBAYERA

Londo wi lembayera man goro gorne maber epiny mapiretek musago. Kepoi ikum lembe maegi mapigi tek:

1. Jaye lembe omako ongei wilembayera pare cu.
2. Wilembayera ne omako ebed ma dhano copo kani nyang iie. Omako ebed ku dwong ne man omako ongo ebed iwilembayera ma kadho akadha iwi dhano.

3. Omako wilembayera ne ebed ma mako paro padhano. Omako ebed mapek ne nuti man ku dwong ne.
4. Jaye lembe omako obed ku thelembe makilili mi ponjo wi lembayera pare. Ponji ne omako obed mi lokocwiny man lokocwiny ne calku moko tam piretek.
5. Wilembene omako obed calku sawa, ku kabedo man lembe mutimere. I sawa mi kadhokuwijo omako iyer lembe ikum cer pa Kristo, kumange mapol.

Nyamo i lembe karacelo– wilembe ango gi mumako juponjgi i lembayera mi ceng yenga? Wi lembe ango gike mu mako ku ju ponji i ceng yenga?

NINDO 4: COKO DHUPINY MI YUBO LEMBAYERA

Kwano buku maber m'atung 'tung' ebi pongo paro mabeco iwi jayerlembe. Bende, omako ebed ni ng'atu mu ngeo lembe mube timere ku bangceng. Par pigi, rwo pigi manporgi ku lembagora. Yesu kristo obedo ni ng'atu ma obedo kani neno man niparo pi lembe mu bedo ka nitimere, man dok lembayera pare opong ku lapor mi lembe ma etingo ikum piny ma eneno man ewinjo.

Jayerlembe omako ewoth ku buku mi koko dhulembe manok i cinge, kara wek ecopo kani goro piny ma eneno man ewinjo ma umako paro pare, man dok epar pigi mathuth.

Jayerlembe omako ecok dhu lembayera pare kubang' sawa.

Nyamo i lembe karacelo- lembe ango gi magitimiri idwi mukadho magi kelo wa ikum lembayera? Kyeo lembe ne kite ma gitimiri kude man kite mi kethe itic ibuku peri mi cingi.

NINDO 5: KPERO DHUPINY MI YUBO LEMBAYERA

Kpero dhu piny mi lembayera epiny ma piretek musago. Jayerlembe omako okper dhu piny mi lembayera kara wek ecokere ni nyutho maber thelembe madit mi lembayera ne.

Bero mi kpero jampiny mi yubo lembayera:

1. Ni jayer lembe-piny ma ju koko dhoge macu man ju kpero maber iryeko eyot ni lubo.
2. Ni lembayera ne-adwogi mi lembayera macu ocungo iwi luro man kpero lembayera ne ku ryeko.
3. Ni dhano mube winjo-nikethe bed yot ni cokiri pa dhano mubewinjo nipo man ni dok ku lembayera etie tic matek mi yubo lembayera ne. Kpero lembayera maber etie tic matek pa jayer lembe ithenge pare man emio kare ni ju mubewinjo calku thenge migi.

Nyamo i lembe karacelo- lapor ango manyutho kpero lembayera marac, man pirango?

YENGA MIR ARYO, NINDO 1: LEMBAYERA MA JU KPERO MABER

Ayi mi lembayera ma ju kpero maber:

1. **I lembe acel** – jayer lembe omako obed ku wi lembe acel kende i lembayera pare man dok etim tic matek ma ewec ko, enyuthi, man egony sadeni man eti ku lapor maribere karacelu ku wi lembe acel pare.
2. **Ryeko mi ribo kind lembayera** – pi poko kind lembayera. Weco ikum lembayera ne omako mir acel ebed ni ryeko mi wic, man eponj miti mwa mir adunde man matok cen ne eter wa i **mokotam** man kethe itic.
3. **Ku bang lembayera** ceke mito ebed ku ngweko iponji ne ma dongo dongo, calo ng'atu ku wath kume emito

cogo ne. Maeni ewec mandha, thelembe mi lembayera omako ebed yot ni lube. Ponji ne ma dongo dongo ma gi mako paro mwa gi yot ni poi pigi. Juyerlembe mapol, pi lembe maeni gi gi poko i lembayera migi m'adongo' ma gi cako ku niguta makit acel (P) madwand wak pa niguta nede acel. Dhano m'unge otie ku cik mi poro piny. Lembayera acel omako obed ku wi lembe maegi:

Wilembe – *Lokiri pa kit Yesu*

- | | |
|----------------------|-------------------|
| 1. Kabedo(Place) | 3. Dhano(Persons) |
| 2. Thelembe(Purpose) | 4. Tego(Power) |

Lembayera mange obedo ku wilembe maegi:

Wilembe – *Kite mi doko ja Kristo*

- | | |
|-------------------|--------------------|
| 1. Tucu dubo peri | 3. Thyero kwo peri |
| 2. Mio kwo peri | 4. Loko kwo peri |

Tic mir atima: Lub lembayera peri man i pok iye ma dongo dongo ma itio ku ni guta ma kit acel ni mio ponji peri(P).

NINDO 2: CAKO LEMBAYERA

Ku bang lembayera ceke iye opokere adek: acaki ne, kum lembene, ajikine.

Acaki pa lembayera ecalo medo kado i cwe, emio mido ni ringkum lembayera. Ma eni kende kende ndhu – tego mi lembayera ne calku sawa ne nyoke wec ma kado Oromo calku sawa ne - ento ma eni etie cik mu gwako zo, eber ni tucu thelembe mi wi lembayera.

Bero mi tucu the lembe mi wi lembayera:

1. Ni cewu paru ikum wi lembe. Maeni etie kuloka ma piretek ni jayerlembe ni yero lembe ku midu dhoge ma copo ka ni ketho ju mu winje gi winje cuu man enyango gi.
2. Ni yubo jumuwinjo pi gin m'ube lubu ngeye.

Kama cako lembayera o ai i ie:

1. Ngeo cuu lembagora nyoke wi lembe ma itingo. Ni cako lembayera peri Zaburi 23:4-6, jayerlembe copo ka nituco thelembe maeni: "kite ma ku bang' sawa lembagora maeni utingo adunde pa dhano magi vutu iwi pem mi tho man ejengo adunde pa dhano ma dhano migi otho.
2. Oda mi lembagora maeni.
3. Ka bedo mi lembagora maeni.
4. Kura man cik i Biblia.
5. Lembe ma gwako thelembe ma jagor ogoro ie lembe.
6. Sawa – kadhokuwijo nyoke noweli.

Tic mir atima - Yub lembagora ma nyuthu tucu thelembe mi lembayera mi kadhokuwiju.

NINDO 3: KURA MABER MI CAKO LEMBE AYERA

1. Yoo matek ongo, paru mwa man dok miti mwa. Podi omako kud ponji maeni oponj miti mwa. Eber nicako niweco yoo i dwol mayo, kadong waledhi man wa idh malo yoyo, kadong watundi i dwol ma malo.
2. Kud ebed mabor. Lembayera mabor ekelo olo ni dhano.
3. Mako ju'kperere maber. Eber ni gore zo. Mir acel wanwang' lembe mapire tek, ekadong ng'atu cako lembayera pare.

Tic mir atima-gor kite maber mi cako lembayera iwi buku Jurumi 1:16, 17. Uweci ikume i ot kwan.

NINDO 4: KUM LEMBAYERA

Lembayera copo kani bedo ku poko iye madongo dongo calku kite ma wi lembayera ne mito man kite mi ponje. Ecopo kani bedo ipoko iye adek, nyo ke abiru.

Poko i lembayera ne omako ebed ku kite mi poko iye ne macu man ryeko mi kpero man lokiri ni ai i kpero lembe acel ni cidho i mange. Sawa moko jayerlembe weco ikume, ento ku bang sawa ongo. Poko i lembayera eno omako ogam penji maegi:

1. Pinja ango? – Poko i lembe ma mir acel omako ewec ikum lembe maju poko ne man tucu the lembe mi wilembe ne. Maeni omako ongo kud okel anyobanyoba ikum thelembe yor ingey poko i lembe. Maeno etiyewe co ma omako ocidh ni ngeyo ngec, ento ongo ni miti mir adunde mwa nyo ke moko tam mwa.
2. Pirango? – Poko ilembe maeni emitire pi ngiyu wilembe mi lembayera. Epenju: pirango ma en andha? Pirango ma omako ayi iye? Ecopo kani nyuthere nenedi? Nyo etiyeku thelembe ne?
3. Penji ma nia nenedi? Maeni ekelo wa ikum kura man dok yore ma wilembayera obino ko, kunu nyo ke cik mi jolo kunu nyo ke pong ne. Maeni etiyeparu adek mathuc ma giribiri kakaracelo iweco iwi poko lembayera: thenge pa mungu, thenge pa dhano man penji mi tuc pare.
4. Kadong ango ke? – Maeni terowa ikum kethe i tic, man ku yo moko etiyelembema pire tek oloyo zo kum eketho ebedo lembe pa ng'atu. Omako wathok dhano ni moko tam migi ni Yesu kristo, man dok ni kwo i kura kwo maleng iwange.

Tic mir atima - Yub lembayera peri man dok i pok iye madongo dongo calku lembayera i buku pa jurumi 1:16, 17.

NINDO MIR 5: KITE MI JIGO LEMBAYERA

Dakika abic ma tok cen epiny mapire tek calku wath kum lembayera epiny mi wanguic madit ni ketho wiwa owil pi maeni! Sawa moko jigo lembayera macu etiye ni dok ni lwodhu wi poko i lembayera madongo dongo man paro mathuc muloyo zo – kungu lembe ne ma konyo dongo mi Tipo man ngeyo ngec nyoke lapor maber sawa moko wec mi ryeko ma nudu there gire nyo ke theng wer acel ma ingeyo ma agora i buku. Kunu nyo ke lembayera ne icopo kani dare ku wec acel ma pire obedo tek oloyo zo i ponji. Daro lembayera kud obed dwong masago cako lembayera, nyo ke dakika 3 ni cidhu 5.

Tic mir atima – Yub kite ma i copo kani jigo kude lembayera peri. Buku pa Jurumi 1:16, 17

NINDO MIR : TIYO KU PINY MA KONYO KOR PONJI MAN TIC MIGI

Yesu i ponji pare iwi got etingu ku lapor magwakere i kum poro piny man wec macalo acel. Enyutho calku lapor bero pa tiyo ku jampiny ma konyo kor ponji masago dhano ceke. Tic pa tiyo ku lapor eno otiye ku kony ni dhano ma gibe winjo man dok ekonyo gi ni dwoko lembe ne ipaco calo lembe mandha.

Bero pa tiyo ku lapor:

1. Gimiyo lero ikum lembe ma i yero. Gi calo wang drisa iwang ot – eketho lero mond i ot.
2. E gonyo thelembe.
3. Ginyuthu thelembe.
4. Gimio dheyo ikum lembayera.
5. Gicopo kani kelo tur mir adunde.

Kakama lapor oai i iye:

1. Omako ibed kani neno lembe ma otimire ingeti. Yesu otiyu ku lapor pa thiwe, etiyu ku lapor pa agak, kadu,

tala, man riu mabor iwang jambili, adend jok, jur dhu gang' malac man dhu gang' madiny, the sidhani, kikombe man tabu atangala, thobi i kwen, nying atingili, voy, jarabanja ku jagam banja ku munge mapol.

2. Kare munge wacopo kani nwangu iiye lapor maber kud i karatasi mi lembangeya, i buku mir oda mukadhu, leya, cam, awia, man ku piny dupa.

Nyamu i lembe karacelo: Lapor ango maber mawa copo kani nwango calku ponji mandha i Yohana 3 nia omako “wanwang' nyodo kendo”

Lembangeya: Nia calku kwan eni gi zo, nyithi kwan bi yubu lembayera ne man gi bi poko i lembayera calku lembayera m'atung' tung', man gibi yero lembayera ne. Kud wiyi owil ni yubu lembayera peri ma otiye ku acakine, lapor man ajiki ne.

YENGA MIR ADEK: LEMBE AYERA I KURA KWO PA NGATI (BIOGRAPHICAL SERMON)

Ponji maeni kura kwo pa ng'atu re ma juweci ikume i Bibilia calku lembayera eni.

Lapor:

Lembe angwen ma Abraham oweko:

1. E oweko ngom ma thugi ku jupagi man piny ceke. Thang 12:1.
2. kind gi opokire gi ku lot Thang 13:9.
3. E ryemo Agar woko gi ku Ismail Thang 21:10.
4. E thyero Isak, Thang 22.

YENGA MIR ANGWEN: LEMBE AYERA I KUM CAPTA MA ZO (NARRATIVE SERMON)

Lembayera maeni weco ikum lembe madongo dongo magi timiri idye Bibilia man kabedo ne calku sawa ne. Lapor mi lembayera maju lwongo narativ ma juketho madongo dongo:

Daudi i od umvor

Wilembe: Mungu gwoko nyithindho pare

Caku lembayera: oda pa jalawobi i ngom mir angeca

Lembagora: Daniel 6:19-20

Ngweko i lembayera ne:

1. Paro marac mi nege, Daniel 6:1-9
2. Kura tim pare ma ku bang' ceng, vs 10
3. Gwok pa mungu calku tego ma yomalo vs 21-24

Jigu lembayera: Daniel oyiyo ni kadho kud i lembe matek ku kwar cwinye macu, kum e bedo ku wat makago i kind gi ku Mung. Nyo inde i wotho kago kude karawek nyo i copo kani kadho kud i lembe matek ma obedo agwoka piri?

YENGA MIR ABIC: LEMBE AYERA MI TINGO VASI ARIO KENDE (TEXTUAL SERMON)

Lembayera maeni ocungo zo wi zo iwi paro acel ma otye i vas acel nyo ke theng vas acel. Vas ne omako julur iye kilili. Lapor mi lembayera eno:

Giramia mumbé ku cik iiye

Wilembe: Thyero kwo.

Lembagora: Jurumi 12:1.

Cako lembayera: The lembe pa thyero kwo: miyo kwo peri, koyiri, thyero ni dwong pa mungu. Ni thyero kwo peri ene tye bedo i the bim mi bero pa Ubimo Yesu. Nga ma otiye Rwoth i kwo peri?

1. Nga ma omako uthyere? “Ayenyo kewu ceke, kakumeno, umego.” Dhano ma julwoko ku rimb Kristo, wath kum mi paco pa Mungu. Ongu nga madwong, jalukara nyo ke weg giramia, ento maeni etiyе agonya ni dhano ceke.
2. Lwongo mi thyeriri – “kungisi pa Mungu.” Jungolo iwa ongo ku tego nyo ke twero. Ento ni kum ngisi Pare ma opong ongo i lworо, ento nikum mer man ngisi Pare. Udul ngisi pa Mungu: both, dwokiri leng, bedo mi Tipо maleng iiwa, kony manja, yot kum, polo yo ingei tho, jumer, kanisa.
3. Kura mi thyero kwo – “u thyer kumwu”.
 - a) Uthyer kumwu giwu – calku mic makawono. Judiwa ongo ni timu.
 - b) In giri – wath kumi. Kwo mwa, piny ceke mawa nuti kude.
 - c) En ethyeriri - “calu lam ma kwo. Eno otiye ketho kwo mwa dye wi pemb lam, calu Abramu uthyero Isak.
4. Weco lembe i kum thyeriri – “timo tim ma ku thelembe”. Ekan andha juwarowa, dong omako wabed ku thelembe mi miyo ire timo tim mwa.
5. Pinjango mu omako athyeri? – “kumwu”. Wath kumwa emwa ongo. Juwarо gi ku rimb kristo.
 - a) Tego mwa mi kum – wapak Mungu pi yot kum man tiyo kude pire.
 - b) Tyendwa omako oringi ni poko kwenda mi ngisi – ni terо kwenda ni dhano mange.
 - c) Cingwa mi kisa man omako oting juma gi podho.

- d) Wangwa omako oyeny juma otiye ku miti mi kony man juma girwinyo nyo ke gibetho.
- e) Ithwa omako owinj ywak pa dhano magi pong ku can cwiny man wayeny gi Ire.
- f) Adunde mwa elanyuth mi ng'atu mi ic, en ku kume. Maeni re ma emitto masago gin ceke 2 Jukor 8:5.

Jigo lembayera – Thyeriri otye dago tyelo. Ma ku bang ceng, nyanok nok ni cegu nyinge ni Rwoth. Kadok kawono, thyer kwo peri ceke ni jalar.

Cim: Kud i dwoke cen. Giramia jumio man omako kud jupenj pire kendu.

YENGA MIR ABUSYEL: LEMBE AYERA MI TINGO VASI ACEL KENDE (TOPICAL SERMON)

Wilembe, nyo ponji, ojengere iwi kit lembayera ma e; Buku mi gonyu thelembe ma dongo magi nwangiri i Bibilia pigi tek man gitiye ku kony madit pini yubu lembayera eni, vas m'atung tung' jucopo kani tingu kud i buku m'atung tung' mi lembe pa Mungu. Lapor acel mi Topikol Samon.

Bin man i madhi

Wilembe: **Pii mi kwo**

Lembagora: “Yesu ocungu man ewacu i dwal matek, `eka ng'atu moko oryeo pii obenege, wek ebin ibanga man emadhi” (Yoh 7:37)

Cako lembayera: Nyo ng'atu moko oceri ni nwango pii? Nyo ingeyo nia eber ni maro pii masago piny ci ceke? (mediri ku paro mapire tek maeno pi pii.)

Ngweko ilembe madongo dongo:

- I. Pii mi kwo – kura kwo ne.
 1. Ekwo (Yoh 4:10).
 2. Eleng (Nyuth 22:1).
 3. Wange pelele (Nyuth 22:1).
 4. Edwong (Ezek 47:1-9).
 5. Emi manano (Nyuth 21:6).
- II. Ni nga' ma pii eno omiyire?
 1. Ni jumu ryeo pii onego gi (Nyuth 21:6).
 2. Ni ng'atu mu yenyoye (Nyuth 22:17).
- III. Yoo mi nwange .
 1. Bin (Nyuth 22:17).
 2. Gam (Nyuth 22:17).

Jigo lembayera: Ni nyathikwan ni yubu.

YENGA MIR ABIRU MAN ABORA: LEMBE AYERA MATINGO VASI MAKADHO ADEK (EXPOSITORY SERMON)

Expozitori samon ekoc kud ikum kite ma lawa kwano kum epong ku lembe lee iye ma wa wodho kud i lembagora kukume, ento Tekcol man Topikol samon jwi wawodho paro acel ma lembayera ne owodho calku lembagora. Kubang' sawa waparo nia Expozitori samon otye ku bero ne masago kwond lembayera mange zo.

**Maeni otye bero mapol pa lembayera majulwongo
Expozitori:**

1. Ewodho juyer lembe mi Bibilia man juru winj.
Jayerlembe man jumuwinjo gibi bedo idye Bibilia.
2. Eketho lembayera bedo calku lembe manwangire idye Bibilia. Maeni obedo yore ma Yesu tiyo kude (Luka 4), Stefano (Tic 7man 8), Paulo (Tic 28) man Petro (Tic 2 man 3).

3. Etingo ponji malee. Emiyo kare ni ketho lembayera calku lembe mandha ikwo pa jumuwinju.

Racu pa kit lembayera eno:

1. Ecoopo kani olo dhano magi winjo.
2. Jayerlembe copo doko janyap. Racu ne otye kwano vasi iwi vasi pa lembagora maju tingo man kadhu nyakanok iwigi, masago rweyo lembe mandha kud i lembagora ne.
3. Lembayera ne copo kani bedo mabor, madok elalu wi jumu winjo.
4. Sawa moko lembyera ne ebedo kwa ikum lembe acel, man dok ezero jayerlembe ni yero wi lembe mange dupa calku kite ma ngom owotho kude. Expozitori samon omako ucung' iwi lembe madit acel, kara wek ribiri mi paro obed onuti. Lembagora omako julond kud idye Bibilia m'atung'tung' kara wek kud jubed junwoy lembe acel kwa calu ma wa wacu yomalo eno, lembayera omako kud ebed wec kende kende, ento omako jukethe itic.
Lapor acel mi Expozitori samon:

Kwo kud i tho

Wilembe ne: Tho pa Yesu Kristo

Lembagora: Jurumi 5:6-11: “kawa bedo manango tego mwa ope, Yesu Kristo otingo kare ni tho piwa wa juma ayi mungu ope ikumwa.” Ku mange dupa.

Cako lembayera: Kabedo ma lembayera eni nwangiri iiye, i lembayera pa Paulo.

Ngweko iye madongo dongo:

- I. Ngatu moko otho
 1. Maeni elembe mandha – Nia kawa ceke wa tho.
 2. Maeni elembe mawango ic mandha ma omako wapoi pire:
 - a) Kura kwo pa ng'atu mutho.
 - b) Nwango ecopo kani lworu tho.
 - c) Tucu lembe maeni ma oribire karacelo ku tho Pare.
- II. Dhano ma Kristo otho pigi.
 1. Judubu, dhano ma ayi mungu ombe ikum gi, jumagoru, judegi.
 2. Thelembe pa lembe “etho pigi”
- III. Thelembe mi tho pa Yesu
 1. Racu ne: Etye ongo ya mi diyo Mungu ni maro dhano.
 2. Bero ne: Wek kara dhano olokiri.
 - a) Gonyo lembe miwiju.
 - b) Poto pot ikind ju.
 - c) Ni laro wa kud i kwinyo.
 - d) Lar kud i kwo Pare.

Jigo lembayera: Nyo wacopo kani nyang i the lembe mi bero pa musalaba?

KWAYU ROMBE **(Shepherding the Flock)**

Petro goro; “Wumi cam ni rombe pa Mungu ma ni kindwu” (1 Petro 5:2). M’umbe cwiny ma jiji ebedo ni poi i kum nindo ma Yesu penje wang’ adek ka nyo e mare (Yohana 21:15-17): kubang yo ngei penji acel acel Yesu olubo ku Waco ire nia emi cam ni nyithi rombe man rombe. I nindo ma tin Yesu ubemio lembang’ ola marom ni julub pare m’elwong’o ni bedo juma cungu kakare i

kind pacu man adhura mi ng’om (thek) maeni.

Kum ponji mange pa Petro ni Jukwath m’arado ma ni thekwath ubedo nuti. En ungo nia gimi cam ni rombe kende, ento ya “ginen wigi” man “gibed ni porni rombe”. Eni thelembe nia umaku gibed gi dieng’ pipeku, penji, ter ma nuru rombe ne, man saa ceke ginyuth lapor mi kwo ku kura tim maber.

Ponji eni gi tiyu ku lembe ma pol-ku lembayera, ku mio kony nyo jukocwiny, kukwo calu jadhu lembe ka Mungu mamalo ngmbir. Lembe pa Petro ginyuthu thelembe mi ponjine- “Wubed jukwath mi rombe pa Mungu...Man ka jakwath madit udwogo, wubinwangu jamker miwic mi dwong’ ma nyothre ngo” (1 Petro 5:4)

Buku ma nyinge Preachers and People (Juyerlembe ku dhanu), ma R.Stanley ugoro, ma ju mi Blessing Books (Buku mi mugisa) i Vellore i India ginyayu, ubedo ni thwo kony madit mi koko dhu lemb mandha pigi tek ma nwang’re i ponji eni gi.

PONJI MIR 1 - YER LEMBENE

Lembayera ma cegu nyinge ma rii, ucungu iwi Lembe pa Mungu. Ngiyo nyo ke yenyo i Lembe pa Mungu ukelo (gin ma pirei) Yepocwiny ma jugoro pire i Lembariba Macon, athothi ne i the loc pa ubimu Yosia (2 Ubimu 22:8-11) man Ezra (Ezra 7:10). Amos uewo lembe i kum ndru mi Lembe pa Rwoth (Amos 8;11,12), man nyo nindo ne nyo dong' giwok iwiwa eni ! Kud iwi bop mapol juwinju uda man ng'ec mi dhanu, ento koro lembe pa Mungu nyanok magwei.

Cak eber, ento pi kare rokani?Teng m'umbe copo bedo nuti ka ring'o manwang' umbe.

Paulo uwaco ni yero lembe (2 Timoteo 4:2-4). Eni ne pire tek.

Nyamu i lembe karacel: wusom lembagora ma juwodho malo nogi man wunyam ilembe i kum adwogi mi cungo ngir ngir iwi lembe pa Mungu.

PONJI MIR 2 - THELEMBE MU'KETHO YEPO CWINY MITRE IWA

Yepo cwiny en gire piny mi kajik ne ngo. Etie piny ma terowa i kum kajik, ma kajik ne utie yero lembanyong'a. Yepocwiny utie ngo yero lembanyong'a, ento yepocwiny nyolo yero lembanyong'a. Daudi urwo,"Dwok ira mutoro mi both peri.....,man judubo bilokri" (zaburi 51:12,13). Evan Roberts mi Yepocwiny m'utimbre i Welsh urwo nia "Rwoth,tur kanisa man mi mugisa ni ng'om!"

Dupa mi yepocwiny mi nindo m'ukadhu unyolo jutic ma dongo m'utero lembe pa Mungu i bor piny kud ungu matung'tung' mi

lebanyong'a. ento m'ikindgi moko tho nya pio pio, acel ku kind piny ma dongo m'ukelo tho migi obedo ni kum jutelane giketho mugisa mi yepocwiny ukwanyu ngo yo mi lebanyong'a ma ku tego ku bodho dhanu.

Mungu utie ngo kud ava mi konjo Tipu pare iwi dhanu pare ndhu mio anyonga igi kadi ke miketho ya giwinjiri maber. Ungo! Cwinye dieng' pi "ng'om"!

Acel mikind thelembe muketho yepocwiny ugalo ni binu nuti nia fodi wangeyo ngo thelembe muketo wamito yepocwiny ne.

Nyamu i lembe karacel: piny ango ma i neno ikind dul mu ma ginyuthu nia yepocwiny mitre? Dwoke ni lembe ma wucopo rwo i wie karacel.

PONJI MIR 3 - YERO LEMBE PI YEPOCWINY

Dhanu mu gi ng'ic, ma ava lembe pa Rwoth umbe i kum gi? Pokri, nyegu, yero nying' utie i kind rombe mu? Gumito dubu, gi yero ndra? Golokri ni timo tim mi ju m'ung'eyo Mungu ngo? Gimito yepocwiny!

Yepocwiny thelebene ni ceu-tung'tung' unuti i kind yero lebanyong'a ku yepocwiny. Jadubu mito juyer lebanyong'a ni kele i bang' Rwoth. Ento ng'ati m'uboth m'upodhu i dubu man ng'icu umaku juketh ecew.

1. Kite mi nwangu yepocwiny – 2 Lemkei 7:14 umio dagu tielo angwen macek, mayot:
 1. Gijwigiri gigi
 2. Girwo
 3. Giyenyo wang'a
 4. Gilokri kud i yo migi mi dubu.

2. Adwogi mi yepocwiny
 1. Mungu biwinjo rwo mu
 2. Ebiweko dubu mu
 3. Ebicangu ngom migi

Riew yepocwiny unegu wu? Wurwo pire, man wu yer pire ma tek!

Nyamu lembe karacel: Icopo nyuthu pi riew mi yepocwiny ni rombe peri (mu) nenedi? Kenyuth kite ma i copo ketho yub peri ne i tic.

PONJI MIR 4 - RWO PI YEPOCWINY

Rwo ma miter yub mi yepocwiny jucopo ketho tego i kume akeca ngo. Rwo eni ne usagu kwayukwac ma nyaswaswa pi yepocwiny. Thelembe nuti ng'iyu i kwo miju giju man tucu dubu (Lemba. 2:23). En e kare mi poi i kum lembariba mwa ma waturo i wang' Rwoth (Eklezia. 5;1-6) man juwange ma watimo rac igi (Mat. 5:23,24)

Rwo kello jwigiri, kum ivute wapo nia wa piny moko ngo man pi leng'o pare (Isa. 6:1-5). En e nyuthu nia waromo ngo man kwayu tego ku tek pare (Mat. 26:41)

Anyonga nego Mungu ni kum lam ma kumeno, man mac pare bi podho i wigi thirithiri (Zab.51:17-19). Kinde ma Elia oyubu pemb lam pa Yehova, mac upodho. Kinde ma Yesu urwo polo uyabre. Kinde ma kanisa ma kwong'a urwo, ng'om ne uyengre.

Rwo gonyo tegu pa Tipo nikelo alokaloka i ngom. Mungu yiko man turu dhano pare iwi conggi.

Nyamu i lembe karacel: kepid iwi lembagora ma malo nogi man i wec i kum adwogi mi rwone gi kubang'gi kubang'gi.

PONJI MIR 5 - MER, NDHU TIC ARIO

Ndhu mapodi Yesu odok i polo ngo epenjo Petro penji mi nyang' nia, "Imara?" (Yohana. 21:15-17). Mer en ekathere man kidi ma wi gul ni jatic pa Jukristo.

Yesu ulwonge ku kwong'a ni bedo jacik dhanu (Mat. 4:19). Edong' eoro ginidoko Jukwac mi dhanu (Yohana. 21:15-17). Umako i bed ku mer pikelo dhanu i kum both man kwayugi. Acel utie mer pi ju murwinyo man mucelo ne mer pi juma junwang'u. umaku jukel dhanu i bang both man juketh gidongi!

Nyamu i lembe karacel: I yo makani m'inyutho mer per niju murwinyu? Ni jumu both ke?

PONJI MIR 6 - TIYOTIC I KIND DHANU

Bero madit m'umire ni jukwath ma ni thekwath utie ni cingu man ni yero lembanyong'a. maeni bimito yenyu i lembagora man ng'ec, man bimito mugisa pa Mungu kara ebed kud adwogi mi bodho judubu man mi teng'o juyic.

Umaku epoi ni mio lembapora pa Mungu ceke ma bidiko yero lembanyong'a, ponji mi Bibilia, ponji, nyuthu dubu, jukojuk man cim – Tic 20:27.

Umako eponj ni rwo i kind dhanu, man maeno ecope ng'eyo masagu i rwo ma pire gure i kabedo ma nyalwe. I rwo mi kwath eting'o koko etero i wang' Mungu i rwo mi dodo Mungu.

Umaku eng'ey ni kwanu Bibilia ma thelembe winjire, kuworo man i yore makoya, kara dhanu ceke ginyang'-Neh. 8:8

Jung'olo ire ni “mio cam ni kanisa pa Mungu”, Tic 20:28, kud i lembayera man ponji mi Bibilia ma ju muwinjo copo ketho i tic calku yeny migi acel acel.

Umaku egwok rombe ni ponji mi ndra man juponji mi ndra, Tic 20:29,30, man ebdeo ku tic mi gwoko jucan mi kind rombe pare, Tic 11:29 ,30.

Bero umire ire mi telo wi dhanu pare ni tundu woko i bang' jumurwinyo, man i kabedo ma kanisa mbe ie.

Ka lega thum enuti ku tic mi ng'olo mugisa iwi dhanu pa Mungu – Wel 6:23-26; Lemba. 1;4-5.

Penji m'umaku junen ie kutek nia 2 Jukor.2:16-“nga muromu pi lembe eni gi?” unuti ku gam mir aloci 2 Jukor. 3:5-“Romo mwa en e pa Mungu “!

Nyamu i lembe karacel: Makani mi kind tic ma jurieyo malo no bibedo tek ni pong'o? Makani mi neno nia pire tek makwe?

PONJI MIR 7 - NEN NIA KETH TIC PERI CEKE UPORE

Wawek ni kadhu mukeru muyire lembayera ku timo mar moko wabidoko weg tipo ma timo lembe m'uyire ngo. Yer pi mer pa Mungu man pi bedoleng' pare macopo ciro dubu ngo, pi polo kun man mac, pi wotho ceng'ni ku Mungu ma kindwu ripo man pi yo mi timo ni Mungu, pi yepocwiny man lembanyong'a, ku mange. Paolo utundu i kum yero nia “Aweko ngo ni yero lembagora pa Mungu ceke”.

Tic iri-kegor pi tundu tundu piny ma ibiyiku ponji mi dwi adek i kum gi.

PONJI MIR 8 - NENO NGIYU I TIC KARE KU KARE

Eber ni koyo nindo moku ku bang' dwi man wend nindo moko wang' acel nyo ke aryo i oro acel pi ngi'yiri giri man neno ya itimo nenedi. Wi yeny peri ubepong'i? Ibineno cego nying'i? miero lembe ku mugisa copo nego wang'wa i kum neno rokani mi tic m'udong', lembe matek ma wok rek copo wilo wiwa i kum medri i wang'wa ma walar wa bedo ko. Cungu cen pi nyang' cu i kum woth mi timotim ne bimio kony madit i neno batiendi. Twiny bimitre ka ma ng'ati unyotho lembe iie - kadi Yohana ma jakwenda de unyotho lembe mi rwo ni malaika wang' ario man jutwinye (Lemba. 19:10;22:8,9) – man timo pare ulokre.

Yesu wacu “Bin rwoth rwoth Yesu, bin upio”

Nyamu i lembe karacel: Yeny ang'o gi mi ii pigi ya gilar gitimbri i acaki mitimo tim?

PONJI MIR 9 - DHOG TIC MI CUKUCWINY

Jakwath m'unuti i the kwath umako ubed dhanu ma weco ku dhanu acel acel i kum both man peku migi. Saa mange umaku enyuth igi ka ma lembatuca (sadeni) mi kum gi ber ungo – Mat. 18;15-17.

Umaku eponj ni jukucwiny ju m'urwinyo dhanu migi ma can onego gi.

Umaku emond i kwo mi dhanu pare man edok wathkum ju otne (pacune) – Jur. 12:15.

Umaku opoi nia i yo makoya enuti jacung ku wang' Rwoth Yesu i ng'om keni saa ceke.

Nyamu ilembe ma karacel: Piny an'go ma gitimbre thirithiri i kind pacu ma tho ma copo mito karemi jukucwiny ku miyo kony?

PONJI MIR 10 - CUKUCWINY DHANU NI RIBIRI KARACEL

Ribiri ma karacel ucungu iwi wat ma kago ma kind juot ku Kristu man ku juot pa Kristu. Umaku jukristu gibed karacel, giwec karacel, girwo karacel, giwer karacel,ging'ier karacel, giywak karacel, ndhu gibed karacel – 1Yohana 1;7;1:3.

1. Thelembe mi ribiri karacel

1. Pi teng'oteng'i kindju, i lega man isaa mir anyong'a i cemo ma karacel. Umaku jukel ju ma coo i cemo ma karacel, ju ma mon ke pi ng'weko piny i kindgi, ju ma aradu ke pi tugu – ani ceke kum lembe pa Mungu. Jukristu gbinwang'u tego man bikelo ju ma woko.
2. Pi cukucwiny i kindju lembe ma tek mi kwo. Wacopo ngo saa ma adunde pa ng'ati utie ka remo – wacopo ka dwoko ter nya yot yot.
3. Pi yero ni jumange ceke lembe ma ikadhu ie; Lembatucanmwa copo cero ng'ati mange ka timo dubu ma rom.
4. Pi timo anyong'a karacelo pi rwo ma Mungu winjo – Zab. 50:15. Eni ne andha bicuku cwiny jumange ni rwo.
5. Pi ywak ku jumu ywak – Jur 12:15. Jumu rwinyu wedi umaku jumik igi ribiri mi pi wang', mi can, mi sendri.
6. Pi ng'olo ni ng'ati mu podhu ya udwog i bang' Mungu.

2. Adwogi mi ribiri pa jukristu

1. Waponjo ni wohto i der – 1 Yohana 1:7.
2. Waponjo ni sendri karacelo – Jufil. 3;10.
3. Waponjo ni timo karacelo – Jukol. 4:7.
4. Waponjo ni juku cwinywa i kindwa - 1Jutes. 4:18.

5. Waponjo ni rwo man pi wadi man pi wadi – 5:25.
6. Waponjo ni yeyo ter pa wadi man pa wadi – Jugal 6:2.
7. Waponjo ni timo anyong'a ku ju m'umito anyong'a –
Jur. 12:15. Anyonga utie ku tego mi dak i bang Jumange.
8. Wadongo man warieny ni Rwoth – 2Pet. 3:18.

Nyamu i lembe karacel: Ribiri ma nedi ma copo bedo ku kony maditi koko mu?

PONJI MIR 11 - PONJ PONJI MI LEMBANYONG'A

Wi lembe umbe ku wang' kiew ni tic pa Mungu me'copo tiyu ko pi lembayera., Umaku enen nia etiyu ku wi lembe matung'tung' ceke i mukeru m'upore. Lembe ma tek copo wok ni kum paru nia lembayera i kum both mitre ngo, ma tego ceke juketho i kum yiko juyic, i kum kelo dhanu manyen i bang' both ngo.

Lembe m'ungeire nia dhanu gitie wath kum kanisa mi kabedo moko, ento fodi gidoko ngo acel mi kind kum Kristu, ma kanisa mandha ne. Ento both unuti andha, man mu'mbe both dhanu rwinyu mi nja . kanisa ma jugiero iwi dhanu m'ulokri ngo bibedo mbe ku kwo, umbe lembe, umbe tego mi loko kwo.

Jatel wi kanisa umaku opoi ikum lembe pa Ezekiel ma pire tek i kum jagwok dhu gang' mu'cimo (poyo) dhanu ngo (Eziekiel. 33:6).

Tic peri – Ke wodh lembagora matung'tung' man wi lembe ma gi ber pi lembayera ma calku lembanyong'a.

PONJI MIR 12 - NGEYO ANDHA NIA I BOTH (ANDHA)

Tek nyo ng'ati acel ku kind rombe peri ubed ku cwiny ma jiji i kum ng'eyo ka nyo eboth andha ke?

Ng'eyo nia i both andha pire tek, ka jayic umaku ukony jumange udong i tipo. Ni bedo ku ng'eyong'ec maeni etie nibedo ku tegocwiny ceke nia waboth man nia tek watho rek nwang'u wacidhu ndhu i polo – Yohana 10:28,29.

1. **Kathere mi ngeyo nia both unuti andha**

1. Tipo maleng' nyuthu (yero) Jur.8:16;Jugal. 4:16.
2. Lembe pa Mungu – 1 Yohana 5:10,13. Yohana. 5:24; Jur. 10:13. Yer ni sitani :
“Lembe pa Mungu wacu tek ayio Yesu Kristu anuti ku kwo ma rondo ku rondo. I nindo_____ (gor nindo) Ayio Yesu, ka kumeno anuti ku kwo ma rondo ku rondo. Aboth. Dubo para juweko ira. Atie I yo mi cidho i polo!”
3. Kwo m'ulkre – 1 Yohana 3:14; 2Jukor. 5:17.

2. **Piny ma gi ketho i ng'eyo ngo nia i both andha**

1. Kwero ni geno lembe pa Mungu.
2. Kwo calku ng'om.
3. Can pong'i tipo maleng' – Yohana. 7:37-39.
4. Dubo man podho – 1 Yohana 1:9.

Cim: Bed kuweng'ii kum thoko dhanu ya gi bothi. Eni utie tic pa Tipo maleng' mungeyo man yenyo I adunde.

Tic peri – nyithi kwan copo kapokri i ario ario iman giloko lembe i kindgi,ma ng'ati acel uting'u kabedo pajayic m'ung'eyo pi both pare ngo man ma kucelu ubenyuthu ning'eyo calku Lembe pa Mungu.

PONJI MIR 13 - PONJO JUMU BOTH NYEN

Ng'atu m'uboth nyen utie mkere i Kristu man umaku ginwang' mer madwong' mi gwok, calu ma junyuthu ni mukere ma junyolo nyen i ng'om eni.

Yenga mir acel mi both pa ng'atipire tek hai, kum sitani copo timo gin ceke m'ecopo pi pidho kodhi mi cwiny ma jiji i adunde pare. Liewe kubang' nindo man som ire lembe man wurwo karacel.

Yub (mik) ire kare m'enyuth ko yioyic pare m'enwang'u ms nyen; eni bimio ire tego man ebidoko ni jamulembe ma cu ni jurimbe m'uboth ungo.

Ungeire nia kanisa peri unuti ku yub mi ponji mi yiko ngati muboth pi baptisi, cak ponji ne ndhu yong'ei lembatuca mi yioyic (both)

Jakristu manyen eni umaku lembe pa Mungu urome cu – enuti cak mandha ma biketho edongo (1pet. 2:2). Nen nia edoko ni wath kum dhanu ma ging'iyu i Bibilia.

Eni kare maber ni Umegu madit mi maku cinge kud Umegu manok man Nyimegu bende kumeno. Nen ku tek nia i ketho jayic manyen ku jakristu m'uteng'ni ma dieng' ma bitelo wie man birwo ire nitundo i kum lonyo mi mer pa Mungu.

Nyamu ilembe karacel – I copo cuku cwiny jukristu manyen nenedi i koko peri? I copo yiku lembe mi ketho Umego madit kud Umego manok nenedi?

PONJI MIR 14 - PIRANGO WAJUMU LEMBE?

Lembagora Mat.10:32,33; Jur. 10:9 ‘

1. **Gin muketho tucó Kristu mitre i dwal ma winjre**

1. Kristu ong'olo maeni – Mat. man 10:32,33.
2. Etie ka ma wanwang'u ie kony man tego i kwo mwa giwa. Jakristu ma tucó Kristu copo podho ngo.
3. Edaro lembe ma dupa. Jumange gingeyo gin mi cingu pire man giwori pi cingu ma tek. Ng'om cayu jakristu ma ng'ic, ma lwor, ma pondo aponda. Abidhe mi liewo kabedo ma jutimo ie lembe mi ng'om gi jik.
4. Ni kum piny ma Kristu utimo iri.

2. **Yo mi tucó Yesu**

1. I vut dhanu i lega mi kanisa, i cokri mi rwo, i saa mi sadeni, ku mange.
2. I ka ma nyalwe i wec ma re ku jurimbi, wat man judhugola. Eni copo bedo lembe ma tek magwei, enre e yo ma pire tek magwei.
3. I wang' dhanu, i baptisi man i ribiri ku kanisa ma ber.
4. I bedo nuti i lega man camu kum mesa pa Rwoth (kumunio) mumbe keng'.
5. Lembatuca mi vut dhanu umaku jubed junwoy thirithiri – Yer.20:9.

Poi : Kwo pa jakristu jutucó ngo kec binege man etho!

Nyamu i lembe karacel: Ng'a mi kind ju mi ng'iyu kugi ma jamulembe ma cu? Jucopo cuku cwiny jumange nenedi ni caku ni tucó yesu?

PONJI MIR 15 - CAKU BODHU NGEYONGEC MURWINYO

Mungu umedru ku lwong'o asu "Abioro ng'a, ng'a ma bicidho piwa?" (Isa.6:8). Ywak ne en andha cil tin, "Jutic gi lam" (Luka. 10:2). Kanisa nen calu ubemedre ku dhanu ma bioro jumange,

ento ku litho madit ubejwik ku wend jubodh ng'eyong'ec m'urwinyu.

I copo timo ango i kum lembe ne? Umaku itim gin ceke mi copo timo pi poko lembe ne. Wacopo ketho lembanyong'a yerire ngo i ng'ommwa wang' ma wa ketho jukristu udoko ni jubodh ng'eyong'ec murwinyu. Utie piny ang'wen ma koya ma i copo timo:

1. Tel wijo ku bedo lapor
2. Tim lembayera matung'tung' ma nyuthu ram ma pi bodho ng'eyong'ec m'urwinyo pire tek ko (nen ponji mir 15).
3. Twong' pi ju mudoko ju ma bodho ng'eyong'ec man i cak ponji matung'tung'.
4. Temb ni nwang'u buku mi ng'eyo tic kadi ke lembe ma jucoko dhoge i kum bodho ng'eyong'ec man i poke i kind dhanu peri.
Wi lwong'o peri bi pong' ungo tek i kwanu galu kum oro jukony peri (ju ma cweki) i dhu yo ka ma judubo ni ie, ma i ketho ngo jukony ne gibedo ni jubodh ng'eyong'ec m'urwinyo!

Tic peri – wacopo ponjo dhanu mwa nenedi ku lapor mi bedo jumulembe? Yub ma – thothi adek.

PONJI MIR 16 - THELEMBE MI BODHO NGEYONGEC MURWINYO

Julwong'o ju ma lam ni bedo juyerlembe, ento kubang' jukristu m'uboth ceke julwong'o gi nibedo jubodh ng'eyong'ec. Umaku i tel wi dhanu peri ni ng'eyo anyong'a mi bodho ng'eyong'ec. Billy Sunday uwacu, "Bodho ng'eyong'ec en e mio kum ju ma thothi pi telo wi ng'ati ma itigo pi jolo jalar m'ungeire i saa ma tap".

1. **Thelembe mi bedo jabodh ng'eyong'ec**
 1. Ram ma pi ng'eyong'ec tek ko.
 2. Lembe mandha i kum nam mac.
 3. Sendri pa Yesu Kristu pi judubo ceke iwi yen mathara
 4. Lembe ma ie nanu kud awondi ni ng'om eni.
 5. Yeny mi neno ya pacu ma Mungu ucaku ya udari polo wie pong' kakare.
 6. Dwong' mi polo ne .
 7. Sukulia ma jubi mio ni jubodh ng'eyong'ec.
2. **Piny ma mitre pi tic ma timo ku dhanu**
 1. Umaku en gire e lar ebothi man eng'ey nia eboth andha.
 2. Umaku e kwo kwo maleng'
 3. Umaku e tim tic i tipo mi mer.
 4. Umaku ebed ku ng'eyong'ec mi Bibilia ma ber ber man eng'ey kite mi tiyu kude.
 5. Umaku ni ng'ati ma jarwo.
 6. Umaku tipo maleng' urome.
 7. Umaku ku ngisi i kum ng'eyong'ec m'urwinyo.

Nyamu i lembe karacel – pny ma mitre ma jurieyo malo no pigi tek pirang'o?

PONJI MIR 17 - KITE MI BEDO JAMULEMBE

1. **Kite mi bedo jamulembe**
 1. Jamulembe pi Kristu umaku ular ubothi.
 2. Tad lembe ma ing'eyu both utimo iri kud alokaloka m'inwang'u i kwo peri.
 3. Tad pi rwo peri ma ungu dwoko wang'e Zab. 50:15.
 4. Tad kite ma Kristu uyeng'i(uromo iri) i lembe ceke.

5. Tad pi loci peri iwi dubo kud abidhe.
6. Tad pi lembagora ma imaru i Bibilia, man kite ma Mungu uwecu kudu i beng'ii kugwenu ma tin.
7. Mi lembanyong'a pa Kristu ni jurimbi. Yer pire igi.

2. Piny ma go ceru tucō Kristu

1. Lworo mi dhanu – 2Tim 1:7; 1Yohana.4:18; Jufil. 4:13.
2. Lewic - 2Tim. 1:8.
3. Kwo ni dubo 1Yoh. 1:9.

Poi: Som ezek. 33:8 kara i ng'ey lembe ma rac ma nuti i kum tucō Yesu ngo!

Tic peri - Yik lembatuca (sadeni) calku lembe mi nge'yu i kum both peri man i tad alokaloka m'ekelo i kwo peri.

PONJI MIR 18 - YUB (YIK) MI TUCO (YERO)

“**Cik mi tipo ang'wen**” nyu copo bedo ni jam tic ma jutiy kudo muloyo ceke pi yero i nindo ma tin, man e nuti kud adwogi macu magwei.

Buku ma leme mbe iie ne, Ma ku ithe mi rangi ma col, ma kwar, ma tar, ma mola makwar man ma alum, uti kutic ma ber magwei, masagu ceke ni awia.

Yo mange mi nyuthu yub mi both ni awia utie yor tiyu ku nyig cingi no gi. Jam tic moko mbe kadok buku mamitre.

Nyig cingi mir acel – Mungu meri, Yoh. 3:16.

Nyig cingi mir ario – ka wa ceke wa dubo, Jur. 3:23

Nyig cingi mir adek – Kristu tho ni culu dubo peri, 1Jukor. 15:3.

Nyig cingi mir ang'wen – yi nia Kristu tho pi dubo peri, Yoh.1:12.

Nyig cingi mir abic – tek i yio, i nwang’u kwo ma rondo ku rondo, Jur. 6:23.

Jumange copo foyo ni tiyu **ku yo (ngudu) pa jurumi**. Nyuth lembagora ne gi kud i Bibilia kinde m’ibegonyo gi.

Miti mi dhanu – Jur. 3:23.

Cul (fod) mi dubo – Jur 6:23.

Giramia pa Mungu – Jur. 5:8.

Lembe mumaku dhanu utim – Jur. 10:9

Lembagora ma wecu i kum both kud i **Lembariba ma nyen**, ma i ketho ay ii kum gi copo bedo yore ma ber magwei pi ketho ng’ati moko kwan kudi, kum ng’ati m’umito nyag’ne bineno ram ma i mio ko kumi pi yenyo i Bibilia ne. keth ayi ku namba 1 m’unyuthu iwi peji pa Jur. 3:23. Kalamu ma lero

iwi gor copo ketho nwang’e doko yo musagu. I win get peji, gor “Nen peji----- pir 2”, m’unyuthu namba pa peji pa Jur. 6:23 ka ma i ketho ie ayi ne. Medri i yo ma rom eni pi lembagora mange no gi, ma i gonyo gi kubang’gi kubang’gi. Yoh. 1:12; 1 Yoh 1:9; Lemba. 3:20; 1 Yoh. 5:10-13.

Tic peri – Foy makani mi kind yub eni gi mi yenyo i ponji. Mi ng’ec ma cu ni ju mi ponjo i kum lembagora eni gi, ka dong’i keth gitim tic pa jayeny man jabodh ng’eyong’ec. Kadong’i wek gidwog tic ne cen, ma jayeny ne udok ni jabodh ng’eyong’ec. Rid nia kubang’ penji ceke umaku udar ku miri (cikri), kadong’ rwo mi kwayu wek majuweko ko dubo.

PONJI MIR 19 - PONJI IKUM GIRAMIA

Mio ni Rwo copo bedo ni ter ma tito lembe tek ni ju peri. Pidh pidoic maeni i adunde gi, ebidoko ni mutoro.

1. Umaku wa mi ni Rwoth nenedi?

1. Calku nindo ma juketho – 1 Jukor. 16:2 - “I nindo ma kwong’a ma en e yenga”. Umaku wa mi

kubang' yenga mi oro. Bed calu ng'ati m'umito kuloka I mio peri, man Mungu biculu wang'e iri calku bedo mandha peri.

2. Ngati acel acel - 1Jukor. 16:2 - wek "kubang'dhanu ceke mi kindwu ". Eni unuti pi jawi ot kende ngo, ento meg awia kud awia bende. E pi julonyo ku jucan bende.

3. M'upore - " Calku ma Mungu mio nyaimi piny iri". Umaku wa mi apajpiny ku giratiera. Mungu mio kud abamba ni ju ma mio ire.

4. Kud anyong'a - 2 Jukor. 9:7 - ku kum acung'a ngo.

5. Kadi i can piny - 2 Jukor. 8:2 - gimio i sagri mi can migi. Dhaku ma cware tho ca umio utonglo ario, dong' sente ma nwang'u umaku ekwo kudo. Mungu poro giramia mwa ku ma weko udung', ento calku rokani ma wa mio re ngo.

Mugisa lubo tok giramia ma kud anyong'a ni Rwoth - Tic. 20:35; Mat. 6:20; Mal. 3:10.

Lembe acel mange: dhanu peri bi mio apaje ngo tek in imio kud anyong'a ngo.

Nyamu i lembe karacel: nyoa kanisa peri lubo yo mi lembagora i gamo girathiera? Alokaloka ma nenedi ma umaku jutim?

PONJI MIR 20 - KITE MI JUKRI

Mungu ku bero madit mio yo mi lwokri kud i dubo ma rubowa. Tek watuco, 1 Yoh. 1:9, elwokowa ento lembe ma rac mi dwoko adunde nwang' nuti, tek ju tucó dubo ngo. Jueb. 3:13 uwacu, "wujukru giwu kubang' ceng', kinde ma julwong'o nia tin, mar moko ng'ati moko mi kindwu adunde ne bidoko nwang' ni kum awondi mi dubo". Ketho dubo cen ni kum jukri pire tek pi ribri.

Tek jatela opoi nia lembe ma rac utimbire I kwo pa umego moko, umaku e dieng' cwinye, man umaku kud ewek juko umego ne. Umaku etime nenedi?

1. Umaku etime i tipo ma yo ma ber – Luka. 9:54-56; 1 Jutes. 2:11; Mat. 12:20.
2. Umaku wawec i jigiri ma ceke - Jur. 12:10; Juef. 4:2
3. Umaku etiy ku Lembe pa Mungu – 2 Tim. 3:16-4:2; Jukol. 3:15.
4. Umaku ibed i telowic pa tipo – Juef. 5:18,19.
5. Yo mi twinyo dhanu calku Lembagora utie nyalwe – Mat. 18:15.

Pi oro adek Paolo uweko ngo ni cimo dhanu ku pi wang'e dieceng' ku diewor. Tic. 20:31.

Nyamu i lembe karacel: Adwogi pa juku ng'ati ku kwinyo copo bedo ang'o? I wang' dhanu ke? I copo ketho maeno timbre ngo nenedi?

PONJI MIR 21 - KITE MI DARU DUBU IKIND UROMBE

1. **Yo mi Bibilia** – Mat.18:15
 1. Cidh ibang' ng'ati m'udubo ca i kende man i juke ku nyuthu ire ya elokre.
 2. Tek ecere ting' dhanu ario nyo adek mange calu jumulembe
 3. Tek emedre ku dwoko adunde ne nwang', nyuth ni kanisa.
 4. Tek emdre ni cerere jubikwane i kind thek dhanu mange ma judubo.
2. **Thelembe mi mio juk**
 1. Ponji mi ndra – Tito 1:13. Ponji mi ndra pa kanisa mandha ngo saa mange wondo juyic. Umaku jugwokri magwei ni wadi dhanu ma kumeno.

2. Dubo ma mngbeng' 1 Tim. 5;20.
3. Asara – 1 Jukor. 1-5.

3. Kite mi twinyo umegu m'udubo

1. Ku jwigiri – 1 Jukor. 10:12.
2. I lemandha - Mat. 7:3-5.
3. I mer – 1 Jukor. 13:4.
4. Ku lembagora
5. Ku sadeni (lembatuca) man ku nge'yong'ec.

Tic peri – Nyo ng'ati moko nuti i kind coco peri m'ukwo i dubo? I becitiyu i wi lembe ne nenedi?

PONJI MIR 22 - TIYU KU NG'ATI M'UPODHO

Thirithiri wanwang'u ng'ati m'ubedo jakristu ma tek dong'upodho. Poi pi cim ma tek i Jukor. 10:12 man Lembrieko 16:18. Ng'ati mokombe ma podho rek. Piny ma thindho thindho mondo moth moth man gigam gidiyo kwo.

1. Gin ma gikethi dhanu podho andha

1. Weko ni rwo.
2. Weko ni somo Bibilia – 2 Tim. 2:15.
3. Weko wotho i kanisa – Jueb 10:25.
4. Weko ni woro tipo pa Maleng' – Juef. 4:30.
5. Weko ni tucó Kristu – Mat. 10:33.
6. Weko ni wotho i der – 1 Yoh. 1:7.

2. Adwogi mi podho

1. I rwinyo tego, mutoro, kwiyucwiny man anyong'a.
2. Ng'ur ku mudho biyuthu yo peri kubang' ceng'.
3. Rwinyo mi sukulia, man ngati ne “binwang'u can mi rwinyu piny”.
4. Ju mange gi ponjo nia e copo tero ng'ati i kum rwinyu nge'yong'ec bende.

3. Lwongo pa Mungu pi dwogo ng'eyong'ec cen –
Yer 3:22; Hosea 14:4.

Jakristu ma ndha udagu podho – Zab. 101:3: “abiketho ngo piny mi dubo i wang’a “. Piny mandha m’umaku juketh wang’ i kume – Jueb. 12:2. Piny mudiengo cwiny paolo ubedo Kristu – Jufil. 3:14.

Tic peri – penjiri giri kanyo jukristu m’upodho nuti i pacu mi beng’wu. Tim yub mi tembo ni dwogo gi cen i bang’ Kristu. Rwo pigi karacel ku koko peri.

PONJIMIR 23 - POKRI MI GIER

Ka nyo pacu mi kind koko mu moko ndiri ung’oi iie ni kum tho ma rac mi pokri i gier ke? I ng’om zo, pokri i gier ucungu ni acel mi kind peko ma dongo mi kwo mi pacu. Etie ni peko madit ni kum e kelo cac i kum pacu, ma utie kathere (acaki) mir udul dhanu mi kabedo moko. E peko wang’ ario i kanisa, ni kum pacu mi jukristu utie kabedo maleng’ ma Mungu ucaku man en ayi mi ribri pa Kristu ku kanisa pare. Thelembe nuti muketho sitani teng’o lwiny i kum gambri.

Can kende ma lubo yor i ng’eye: pacu m’u yec, mudhuth man adunde mi can, awia ma pacu mbe igi, aradu ma ponji mbekugi, bedo i kendju ku pi wang’.

Utie yo acel kende ma lembagora ucwaku pi poko gier, ma en e tar wang’ – Mat. 19:9. Ma thelembe nia vuto ku dhanu swa, ma nyo udoko ni koth ng’ati, ku ng’ati ma woko. Kadok i maeno bende, jungolo ngo ya jupokri, eyire ndhu i itimo m’ukoc man ma gikadhu mukeru.

Temb yo ci ceke mi konyo gambri ma gikadhu i lembe ma tek.

Lemb moko ma jucopo timo e:

1. Keth engeyire ngmbang' nia lembariba mi gambri unuti mi nja "cil ma tho re ma poke",
Mat. 19:6. I gambri Mungu timo musana kinde ma ju ario gidoko ni acel. Ndhu Mungu kende re ma eyire ire ni turo ribri ne ku kabu acel mi kind ju ario eni cen yor i tho.
2. Tek awia nuti umaku ju nen ram ma gi copo dong' kwo ko, kum gin re ma ginwang'u sendri dit.
3. Nyuth igi nia poko gier unuti i vut dhanu nia wun dong' lembe uvoyo wu magwei.
4. Kwai gi nia ng'ati man uyik wat mi kind gi ku Mungu, ka dong' ng'ati man ku wadi man ku wadi. Tuco dubo ku lokri ku tiyu ku piny i kind ju karacel bi yiku gambri kendo.

Tek poto kindju utimbre, wek nico ku dhaku gi tim leembang'ola ma nyen kendo nia "i I kindgi asu; Kubang,gi ceke ng'ati man mito mer ma dwong'. Nyuth igi nia gi medri ka kwayu Mungu asu ni mio igi mer maleng' ng'ati man pi wadi man pi wadi.

Nyamu i lembe karacel: Nyo jukristu mi kabedo mu kidoko ni ju ma dieng' ungo i kum dubo mi gier i thek mutuk maeni? Adwogi ne utie ang'o?

PONJI MIR 25 - AJOGA MA JU TIMO

E timu m'ung'iyu i kind dhanu – jurunyodu gi kelo awia migi pi baptisi nyo ke gitierogi man ku tingo kendi mi kum nyathin malu junwang'u thol i pier nyathin ne. Eni piny m'uyire? Ungo kadok nyanok de! Piny ma kumeno gi jam tic mir ajoga ma jutimo, man Bibilia unyuthu ka kamaleng' nia timo ajoga, nyo thieth, en e ribri ku tipo m'ucido. Nen lembagora ne gi: Ai 22:18; Tic. 19:18. Jugal. 5:20. Man Lemba. 22:15.

Ndiri ma kikombe mi kwir unyayu kud ajoga ma ju timo m'unyai

i ng'om m'ubedo mudho cil i bino pa der mi lembanyong'a. cil i nindo ma tin sitani fodi utembo ni bidho dhanu ni lokri cen i timo ma con mi mudho mi ju m'ung'eyo Mungu ngo. Ento ribri bibedo i kind Kristu ku mudho. Ju m'uwotho i timo medo kor Mungu – timo ajoga ku thieth – ma ka migi bibedo in am mac ma liel ku muganga (Lemba. 21:8).

Kubang' ng'ati man umaku ufoyo ng'ati mebitimo ire, ento e copo timo ngo ni rwodhi ario. Ayi gin ma ju woro no gi umaku ju wang' gi ka ju jolo Kristu calu Jalar man Rwoth.

Nyamu i lembe karacel: Kit ayi ajoga ma ju timo ma nenedi ma nuti i beng'wu? I copo timo ang'o pi daru gi?

PONJI MIR 26 - PIRANGO UMAKU WAPONJ I KUM KONGO

Dhanu ceke unyang' nia madhu kong'o utie kwong', m'unyotho pacu ku kwo mi dhanu, ento ju moko gi paru nia ka tiyu ku nyanok uyire. Gi tiyu ku lembe ma nia jalar uloko pi nipigulok i ambadha, Yoh. 2:1-11, man lembe pa paolo ni Timoteo ya etiy ku pigulok calu yath, 1 Tim. 5:23.

I kabedo ario eni ceke dhu juyunani ma jutiyu kudo unuti "vinos", ma thelembe pigulok mabiya, kinde ma lembe mi medo piny ma ketho jumer iie utie "shekar". Kit lembe ario eni ceke ju tiyu ku gi i Luka. 1:15: "kum en (Yohana ma baptisa) e bibedo dwong'i wang' Rwoth, man ebimadhu pigulok (vinos) ungo kadok giramadha ma lake tek(shekar)".

Lembagora eni ginyuthu ram ma Mungu neno ko meth: Lemb. 20:1; Lemb. 23:29-35; Isa. 28:7; Hos. 4:11; 1 Jukor. 6:10 man Jugal. 5:21. Wang' kwong'a ma juweco pi pigulok i Bibilia utie i Thanga. 9:21 man enyuthu pi Noah m'umer ku peko ku m'upodho iwi wode ma Ham ni kume.

Thelembe muketho etie ni umaku ni jakristu ya kud emadhi:

1. Kume utie hekalu pa Tipo maleng' man umaku kud enyoth i ayi moko kende.
2. E jatuc (jamulembe) pi kristu, ma kadi nwang'u ebilu nyanok umegu mang'ic i yioyic copo winjo abidhe mi dhanu madit.
3. E tie jagwok umine, Thanga. 4:9, man enuti ku tic mi konyo umine ukwo kwo maleng' , kwo ma tira.

Unuti thelembe mange dupa m'umaku ukony dhanu ceke kara kud gi madh kong'o, kadi nwang'u jakristu kadi ungo.

1. En ayi ma sente nyothre iie hai – Poi. 21:18-21; Lemb. 23:20.
2. Pi gwoko jumange m'uwotho i yo gi woth museme.
3. Meth konyo pi lalu (yecu) paru.

William Gladstone uwacu, "Giramadha ma lake tek utie ku tego madit mi nyoth masagu lwiny, thong'om man ndru"

Ni kum abila acel kende cayu wang' dhanu i kum mange, glasi acel de i kum mange, lembagora udare i yo acel kende ma copo gwokowa nia umaku wakoira cen kud i kume i ayi ceke.

Nyamu i lembe karacel: Nyo thelembe mange gi nuti ma konyo jukristu kara kud gi madhi?

PONJI MIR 27 - KONYO JUKRISTU M'USENDRI

Jukristu mabecu ma dupa giywak i bang' Mungu. "pirang'o? pirang'o m'umaku anwang' can ma kumeni e?" calu jurimb Yob, saa mange jurimbgi bing'olo lembe ku kwinyu i wigi ma gibiwacu en e ni kum dubo ni kwo migi. Saa mange ajoga copo ketho adote i kum ng'ati moko ya uketho kuroga (kwong') ni ng'ati m'ubekadhu kud muloic ma calu mac. Ento ni jakristu mandha kwo unuti ku lembe ma maber ma Mungu yiko, kum Mungu unuti ku thelembe pi kwo ceke – Jur. 8:28.

1. Pirang’o ma sendri bino?

1. Saa mange, calu adwogi mi dubo – Yoh. 5:14; Miriam i Wel 12:10; Ubimo Asa i 2 Lemkei 16:12.
2. Kara tic pa Mungu unyuthre – Yoh. 9:23.
3. Pi dwong pa Mungu – Yoh. 11:4; Jufil. 1:29.
4. Tic pa jakwor – ma Mungu uyio en calku yeny pare – Yob kud i buku pa Yob; Marko 5:1-5; Luka. 13:16; Tic. 10:38. Mungu ter ma rokani mi copo yeyo, mukeru mi copo ciro .
5. Ponji – ponjo nyathin – Jueb. 12:5-13.

2. Timo mwa i saa mi sendri

1. Wa copo caye, ma wagut kare mumaku wa wor. Kit pidoic maeni ketho kothwa doko rac.
2. Saa mange wa copo voc kud iie, ento umaku kud wavoci, kum bero pare nuti m’uromo – 2 Jukor 12:9
3. Wa copo jole man wa cire, ento ku can.
4. Wa copo bedo worn i yeny pa Mungu ku mutoro – maeni kit aloci ma dit magwei.

Tic peri – ke riey nying’ dhanu ni calu 3 ni cidhu 7 mi kind rombe peri ma gibisendri. Yub kite ma ibitundo ni konyo gi. Tim tije karacelo ku dhanu mi kind rombe peri.

PONJI MIR 28 - KONYO JURU TWO/MUREMU

Saa mange jukristu mondo i remu ma tek, Umaku jatic pa Rwoth ubed mandha i timo igi, m’enyuthu igi nia Mungu maru gi man edieng’ pigi. Wa kanen yore moko gi ma i copo tiyu kudo i saa mi remo.

1. Nyo Mungu copo timo musana mi keyokum?

Bibilia utadu uda mandha mi musana mi keyokum dupa. Musana ma dit muloyo ceke ubedo mi cer pa Yesu, ento ju timo mange dupa. Mungu mwa utie Mungu ma timo musana, Yehova Raphi (Ai. 15:26) utie acel mi kind nyinge, “An a Mungu m’ukeyo

kumwu”. Nen Zab. 103:3; Mat. 19:26; Luka. 18:27; Fodi asu enuti jakey kum ma dwong’i nindo ma tin.

2. Wiro ju ma kumgi lith i Yakobo 5:14-20

1. Ju ma kumgi lith umaku gilwong’ judongo.
2. Judongo ne umaku girwo rwo miyioyic man gi wir ju ma kum gi lith kudu mo.
3. Yakobo uwecu i kum tucu dubo man ni wadi man ni wadi.

3. Two mange gi kei ungo

1. I Tic. 28, Paulo utimo musana ario. Erwo wang’ adek pi gony kud i two man jukwero ire, 2 Jukor. 12:7-10. Thelembe acel mi two ne ubedo kara Paulo ujwigre.
2. Ka nwang’u saa ceke kumwa kei kunudi ju tho ngo. Jatic mi jukristo umaku uteg ng’ati ma kume lith ku lembe pa Mungu. Ram ma e rac ko tek ju yio edok cen ni woro jamb ajoga, ma emaku kemdo two mi ng’eyong’ec karacel ku mi kum. E tho mi mugisa, Yesu ung’olo nia “Tegu para unuti m’uromo “ kadok i saa mi two.

Nyamu i lembe karacel: Lembagora makani gi ma copo juko cwiny jara two?

PONJI MIR 29 – KONYO DHANU I SAA MI THO.

Kwo unuti piny ma kume mbe man ma nya swa swa. Enuti tin urwo nwang’u e mbe. I kind dhanu ceke ma ju nyolo iwi ng’om, Elia kende m’uboth ni tho. I kum dhanu ma gi kwo i nindo ma tin, kubang’ gi ceke gibitho, ndhu kende nyithindho pa Rwoth ma gi rombo kude i lietho i saa mi yudh. Jueb. 9:27 utie lemandha.

Jatic mi jukristu unuti ku tic ma pek kinde ma jakay kac ma kite rac eni uliewu koko pare. Wedi ku jumer gi nuti ku can madit, kum pokri saa ceke lith. Umaku ju wak juyic pi bedo karacel ku ju m’uywak, ni tero cam igi, ni konyo ni yubo kum avu ku tong’o

liel pi yik. Wuywak ku ju m'uywak, ni nyuthu ngisi pa Kristu ni ju ma can unegu gi.

Ka ng'ati m'utho ne ubedo jayic, jukucwiny wat pare yot, kum kwo pa ng'ati migi mir amara eni udaru nwang'u kwiyocwiny ku mutoro. Andha ndha, ni bedo ku Kristu e ber masagu piny ceke ma ng'om eni copo mio iwa. Yik ne, kadok nwang'u can mi pokri unuti, umaku ebed ni mutoro.

I saa mi tho, jatela mi jukristu umaku ucung ma tek ni kweru ni juot ne lokri cen i kura tim mi ju m'ung'eyo Mungu ngo. Ywak i bang' tipo ju mutho, yiko jam lonyo, meth ku woro lemkei kaka gi mbe iyik mi jukristu, ento wedi ku jumer ma gi both ungo bitembo ku tek ni kelo genogen m'umbe ku ndiri ma calku nyang' migi i kum tho. Cung ma tek ni kwero maeni. Wak jukristu ni bedo kakeca ni tundu wang' ma juroyokum i ng'om, ma giwero wer ku rwo man gi konyo i ayi ceke ma copre.

Lembayera umaku ubed ni cim ni dhanu ceke nia bedo kwo mwa utie nikare ma ju mio iwa pi yikri pi kwo ma ri, ma bedo rondo ku rondo.

Jurieko moko uyero ni julub ne ni yikri pi tho i nindo ma fodi gi tho ngo. Ento gi kwero ma gi wacu "saa mange wa copo tho urwo".

Nyamu i lembe karacel: I yo ang'o mange ma wu copo konyo kudo ku timo tek ng'ati moko tho i kind koko mu?

PONJI MIR 30 - KONYO JU M'UCIMONDO I GAMBRI

Cikri mi gambri unuti atwong'a ma ni lwak dhanu nia ju ario ubeyikri pi mondo i nyom, yong'ey kare manok , nyo i kind oro eca. Ni ju ario ne e tie kare mi ng'iyu man nyang' ka nyo gi yubri

man nia andha umaku gi gambri i kind gi kadi ke ungo. Ento umaku kud ju wek gi bed agonya man ni wadi man ni wadi, kum fodi gi gambri ngo. Pire tek pi anyong'a mir anyim nia gin ario ceke gibed sumba. Gin ma ju nwang'u i kind gambri ceke UMAKU jugwok kud gi tuc i kume wang' ma gambri utimbre, mar moko mer dok ni adegi man woro mi kindjo urwiny woko – 2 Sam. 13:15.

Eni ne saa ma dhe ni jutela mi kanisa ni ponjo ju ario i kum cako the pacu mi jukristu, ma i nyuthu igi calku Juef. 5 man Tito 2. Wek gin ario ceke giponj ni rwo karacel i wi peko ku telri ceke. Cuk cwinygi mi nyuthumer i kind gi i nindo ceke mi bedo kwo migi, ku tic man ku wec bende.

Gambri ucaku con man uri m'uloyo zo i kind dhanu. Ma ceng'ni ku both, both londo ng'ati m'umaku wugemru kude e copo bedo wok ku par ma pire tek magwei i kwo pa aradu. Jatela mi tipo umaku umi kony ma tek ku cwak i kare ma pire tek ma kumeno.

Cik (ponji) mi gamri mir anyong'a

1. Jukristu copo gamu jukristu kende – 2 Jukor. 6:14-17.
2. Rwo le man i say wang' Mungu pi yeny pare.
3. kur gamri ni tundu wang' ma wungeiru ndhu cu, lembe ma ber ku marecu ceke. Gier ma ku ndiri rac.
4. Kur mer. Ava ma juledhu i dhanu ma nya ngmba romo ngo. Gamri utie pi kwo, man emito mer ma ayi Mungu ni kume kara pacu ne ubed kud anyong'a.
5. Kur wang' mi teng'ni m'uromo pi gemri. Gamri pi dhanu m'uteng'ni, awia ngo, kum enuti ku tic pek iie.
6. Kur wang' peku mi kura mi bedo ma tira ceke ju daru. Kud i gier nico pi loko kothe.
7. Kur wang' ma junyodo pa nyaku uyio. Eni ne pire tek hai.
8. Kur wang' ma i nwang'u cungu peri utie maber i mondo pa sente, lonyo ngo, ento ka cungu bed nuti.

9. Keth tegu nia ebed nyom maleng' pa jukristu i wang' dhanu. Kud i wek kadok nyanok de pidoic mi poru nyo ke gamu nyaku nyalwe umondi iyi. Gamri utie gin maleng' magwei masagu maeni.

Tic peri – yub ponji pir arado i wi dagu tielo ma telo wijo i kum gamri mir anyong'a.

PONJI MIR 31 - KITE MI CUKUCWINY JUMU NYOL UNGO.

Tek ju ario m'ugamri gibedo ku genogen mi nyodo man oro gi kadhu ma thi wi mukere mbe, can medri i igi man ekwalu aloci migi ma calku pa jurist. Gi neno juwadgi m'ubino i kanisa ubetelo wi awia migi mathindho man gi ting'o mukere migi, man gipenjo, "Pirang'o ma Mungu winjo rwo migi ngo?" ju mange cwinygi man giweko kanisa. Ju mange gi lokri i bang' ajoga man gi nyotho lim maigi ma nwang'u gigwoko - man wat migi ma ku Mungu bende ginyotho. Ju mugamri ma jumugumba gi mito rwo peri, ku jukocwiny peri man cwak (kony) peri . thirithiri gi wacu calu Rahel, "Mi ira nyithindho, tek kumeno ngo ke atho" (Thang. 30:1).

Rundi pa Hana mi mugumba man kura mi cwak pa cware copo bedo ni lapor ma ber man mugisa ni ju ario mugamri ma nyodu mbe kugi. Hana ubedu mbe kud awia, ento woro maleng' ma cware ma Elkana ubedo kudo ju nyuthu. I mathindho ne 5 pa 1 Sam. 1. "kum emaru Hana, ento Yehova twio ie." Cwar dhaku ma jamugumba umbe ku twero mi rieme edok pagi. Umaku ebed ni Elkana!

Ni Hana ne gi ma gi tie i kind koko peri, nyuth lemandha eni gi:

1. Umaku gi med ni rw asu calu Hana m'urwo. Mungu nwang'u utwio ie ku thelembe, man i saa pare eyabu

ie. Mungu umio nyathin Ibrahim ku Sara nwang'u dong' giti m'uromo ngo gibed ku nyathin. (Thanga. 21:2).
Zab. 11:39 utie lembagora ma ber!

2. Cwinyi kud udieng', man i bed kud anyong'a i Rwoth. Kud i dhu cweri calu Rahel. Bed ku foyofoc pi mugisa ma wu nuti ko man wek weng'i urieny ku mutoro. Yutho wengi bi daru mer pa cweri man biketho i bedo nia ng'ati ma won can.
3. Tek Rwoth umio iri nyathin ungo, i copo bedo ku cwiny pa megu asu man i nyuthu mer peri ni awia mange. Nyithi kic kud awia mange ma gi tagu de gimito gwok. Bedo ku cokri mi ng'iyu i Bibilia nyo ka ponjo mi Sunday School bi mio kare mi nwang'u awia mi tipo.

Debora udoko “megu i **Isreal**” (Jupok. 5:7).

Nyamu i lembe karacel: Wu wec i kind u pi kit timotim ma mon ma awia migi mbe copo caku i die koko mu. I copo cuku cwiny nenedi?

PONJI MIR 32 - KONYO/ TIMO NI MON THO

Mon m'uteng'ni, mon ma cogi tho, ma gimaru Rwoth man gi mandha i timo ire gi copo bedo nuti i kind koko mu. Saa mange gi copo winjo ya ju mito gingo man ya ju koyo gi, gin bende umaku gibed ni timo ku giramia migi i timotim mia ni Rwoth, 1 Pet. 4:10. Wec i bang'gi pi mon ma cogi tho maegi;

1. Naomi odoko ni jagwok nyakware (Ruth 4:16) man e copo ni cwalu yioyic pare ni thek mutuk manyen. Wang'u copo bedo ni kony ma dit **i gwok ma jugwoko kud awia** mathindho mi kanisa, man gibinwang'u mer calu adwogi ne.

2. Dhaku ma cware tho mi zarefath ugwoko jatic pa Mungu (Ubimo 17). Mon m'uteng'ni copo timo tic ma pire tek mi nyuthu mer.
3. Ana ubedo dhaku ma cware uthp ma oro 84 ma "m'erwo ni Mungu diewor ku dieceng' ku weku cam ku kwayu kwach de,.....man eyero ni dhanu ceke" (Luka. 2:36-38). Mon m'uteng'ni gidoko **jurwo marwo areri** ma wang'u ic.
4. Acel mange ke ufoyo **nimio ni Mungu** piny ceke mi gwoko kwo m'ebedo ko (Luka. 21:4)
5. Copo bedo nia dorka, m'ujuko cwiny ju dupa man ekwoyo kanzu ku kendi mange igi, ebedo dhako ma cware tho, kum dhano m'ucungu kakeca mubedo ni ywak gibedo mon ma cogi tho (Tic. 939). Ekonyo **dhanu ma gibedo ku can piny.**
6. Lois utimo ma ka pare i yiko nyakware pi timotim pare (2Tim. 1:5)

Kare mi kwo maeni copo bedo ku cegonying' ma wang'u ic. Eber sagu rokani ka kuru lwong'o mi mondo i kwo ma rondo ku rondo kende!

Nyamu i lembe karacel: Ke woth kendo iwi paro ma juwodho kud i lembagora pi timotim mi mon ma cogi tho no gi. nyo i copo mado mange?

PONJI MIR 33 - JUKRISTU MA COGI NYO MONDIGI UBOTH UNGO

Ju mugamri ma ng'ati acel kende re m'ucungu I yioyic gi mito gwok ku cukucwiny ma koya. Kony peri igi umaku udik ponji mae iie:

1. Kud i wek kindwu ucak ni pokre ni kum ng'ec peri mi tipo. 1 Jukor. 7:12-13,16
2. Kud i keth dhaku peri kadi nyo cweri unwang' nia en kony pare pe.

3. Konj mer iwi jawothi. Nyuth mer peri mi bedo agonya musagu ni kum dong' mer pa Mungu ukonjre hau iwi adunde ni.
4. Kud i tad peko peri ni dhanu ma woko.
5. Wek bedo ma ayi Mungu ni kume re m'urom pacu peri.
6. Bed ng'ati ma cwinye yom. Wek Tipo ma ber uromi.

Nyamu i lembe karacel: Jatela mi kanisa copo cwiyo wat i kidgi ku cog jukristu nyo ke mondi jukristu m'uboth ungo? Piny ang'o ma copo telo gi ni bino i kanisa ku dhanu ma ni ie man i bang' Yesu mi kanisa ne?

PONJI MIR 34 - GWOKO CENG' PA RWOTH

Nindo pa Rwoth, Yenga, uti e lembe m'ungeire mi lembariba Manyen ma ulage uai i ceng' sabatu mi lembariba macon. Sabat –Hab – Shabbat cor sabbato Tigo – weko – yom- tic ope ni dhano, leya, bong. Ai. 16:23-26,30. Lam. 23:3.

1. **Wa kenen tung'tung' ma nuti i kind sabatu ku nindo pa Rwoth**
 1. Sabatu unuti nindo mir abiro, man nindo pa Rwoth unuti ceng' ma kwong'a mi kind yenga.
 2. I sabatu jupoi pi yom pa Mungu yong'ey cwic, kinde ma jupoi pi cer pa Kristu i ceng' pa Rwoth.
 3. Sabatu ubedo pi juyaudi, man ceng' pa Rwoth unuti pi kanisa pa Yesu Kristu.
2. **Kanisa pa jukwenda ugwoko ceng' ma kwong'a ma yenga.**
 1. Mat. 28:1 – Yesu uri i liel m'uromo pi pong'o wi sabatu pa juyaudi, man ecer i ceng' Yenga ma kwong'a mi paska.
 2. Tic. 20:7 – Keni ju tadu pi lega mubedutimre thirithiri. Yenga . Yoh. 20:19; 20:1. Mark. 16:9.
 3. Jukor. 16:1 – Lembang'ola mi coko ajok i ceng' Yenga.
 4. Lemba. 1:10 – Yohana uwecu pi “ceng' pa Rwoth”.

3. **Yo mandha mi gwoko ceng' pa Rwoth**

1. Ni timo anyong'a i Rwoth. Keth ebed ni nindo ma koya mi rwo, kwayukwac man pak.
2. Ni weko anyong'a peri giri. Eni ne nindo mir anyong'a PARE. Liew ju ma kumgi lith man itim tic mange mi mer IRE.
3. Ni ketho ebed nindo ma yungo Rwoth. Pi nindo abusiel watimo tic man wanwag'u yo mi kwo, ento nindo mir abiro ne utie pare.

Nyamu i lembe karacel: - Tic ang'o ma wang'iyu ka timo I ceng' Yenga magi ber ungo pi ceng' pa Rwoth?

PONJI MIR 35 - NINDO PA WEGU

Mungu uketho cwar dhaku calu wic i pacu, Thanga. 18:19; Juef. 5:23. Wegu ma jukristu umaku jucukcwinygi pi timo tic migi ma calu julam mi pacu. Pirang'o ma jutimo ngo lega ma koya pi wego mi coko ne? wular uketh pire unge'ire ku kwong'a man wu twong, nia awia ceke, kadok ma wang'gi woi, bibedo ku wegi. Keth ukwan lembagora, man ng'ati mange urwo. Wu copo poi pi wego m'uteng'ni uloyo zo kud kkind dhanu, ku ma nyathin magwei, man ku ma awia pare dwong' uloyo zo. Lembayera ne biwecu i kum mukeru mupore calku Bibilia pi wegu ma yungo Kristu. Umaku e mar dhaku pare, Juef. 5:25, e maru i yot kum, remu, i can man i lonyo. Umaku ebed mandha ire, man e cuk cwinye i saa mi can, 1 Sam. 1:8. Elkana – Hana

Wegu umaku ubed acel mi kindju m'umaku cing'gi ma kume mor i mio ng'ec man ponji mir awia ni Rwoth, Lembrieko. 22:6. E tie ku tic mi mugisa i saa cam. Jurunyodu ne gibirwo man gi timo tic karacel mi kelo awia migi i bang' Rwoth ma fodi gi thindho, Mat. 19:13,14.

Umaku e mar dhaku pare, ento umaku e mar Kristu musagu. Wego ma jakristu saa ceke biketho Kristu mir acel i kwo pare, Luka. 14:26.

Tic peri – Yub ponji matung’ tung ma copo bedo ber pi lembayera i lega i ceng’ pa wego.

PONJI MIR 36 - NINDO PA MEGO

Mon ma ber man mego ma ber gi nuti giramia ma ber m’u ai i bang’ Rwoth, Lembrieko 31:10. Mon mito foc ku pak man umaku kanisa unen ku tek nia gi yungo tic ku lembatuca migi.

Lega mi yungo mego saa mange copo bedo ku wer ma awia wero ni meg, man nyathin madit copo mio giramia mi foyo min. kubang’ nyathin acel acel copo mio thiwe ni min. lembayera ne umaku ubed i kum dhaku ma calku Bibilia.

Tic peri – Tim yub mi lega mi nindo pa Mego ni koko peri, ma iriey nying dhanu ma gibedo iie ku tic migi.

PONJI MIR 37 - KETHO KARE MI RWO MI PACU

Lemb mung’ mimierolembe mi pacu mi Kristu utie pemblam mi pacu ka ma jupoi pi Kristu calu jawi pacu ne, man pacu ne giribiri ni rwo man ni ponjo kud i bange’.

Tek i tadu kit ma pacu copo bedo koi i vut Mungu man i ng’olo ya Kristu gicaki, ju mange copo cwaku lembe ne, ento ju mange copo ng’eyo ngo ang’o de m’umaku gi tim. Pirang’o ngo ma i nyuth igi nindo moko acel kinde ma gibino i lega? Goi wi pacu moko acel man i romb kugi ni yubu lapor mi pemblam mi pacu. Gi copo caku ku wer ma yot kadi ke kum wer moko mi buku ma jung’iyu kudu. Awia ceke ma giteng’ni muromo gi copo be

kwanu Lembagora ma gilawu i kindgi, man ju mathindho ke gi copo be tero Lembagora ma gi ng'eyo ku wigi. Nyo saa mange wegí copo weco lembe moko manok i kum lembagora ne, man ebicoko dhu lembe ceke ku rwo. Yong'ey ai pa juot ne kud iwi bop, lembayera macek moko jucopo mio i kum bero pa cokri karacel pa jurunyodu kud awia pi rwo mi pacu.

Juot ma ju tiyu kugi calu lapor mi nyuthu ca gibinwang'u tego, man juot mange copo winjo amora mi caku rwo mi juot i pacu migi.

Tic peri – wek juma jubeponjo unyuth kite ma miponjo juot pi pemblam mi pacu copo bedo ko.

PONJI MIR 38 - TUNDO I BANG' JUOT CEKE

Acel mi kind timotic ma pire tek hai ma i bibedo ko unuti unyuthu yo ni pacu mu ceke mi tundo i polo. Maeni i bitimo ni kum telo wi jurunyodu ni bedo wor ni Mungu i mio lemandha pare ni awia. Maegi lembe ma lam ma i copo timo:

1. Yer pi tic pa jurunyodu mi tielo awia migi ku lembe pa Mungu, i vut dhanu man i kony ma nyalwe. Poi 6:6-9 man Lembrieko 6:20-23 gi lembagora ma ber pi lembe nini, kadok Zaburi. 119:11.
2. Cuk cwiny jurunyodu pi yabu pacu migi ku kwo migi ni jurimb awia migi ma jukristu. Nyuth igi bero pa bedo jukristu kud adunde ceke, kud amora, ku woro man jucwak kanisa pir awia migi. Acel mi kind piny ma tek pi pacu mucungu ma tek unuti mer ma ju maru ku Mungu m'uro mo jurunyodu ne.
3. Keth coko peri ubed ni coko m'ung'iyu ku pacu. Cuk cwiny juyic pi rwo pir awia mi juot mange man ni konyo gi. Keth piny moko matimre gibed nuti ma

ketho ju m'uteng'ni ging'iyu kud awia man aradu mi
coko ne. lembe ma rac ma timo dhanu pa Mungu ni
kum pokri i kind thek dhanu mutuk umaku kudutimre.

4. Ponj jurunyodu pa awia m'udongo i kum lembe ma rac
mi kura mi keny. Aradu ma dupa gipodho i dubo ni
kum keny ma jupenjo wel piny mukadhu mukeru ma
ketho timo nyom maleng' dong' timre ngo pi rundi
moko.

Awia gi nuti giramia ma ber m'uai kud i bang' Rwoth, man telo
wig ii bang' jalar bibedo ni mutoro ma dit i die koko mu, mutoro
ma bibedo rondo ku rondo.

Nyamu i lembe karacel: Ke nen lembe ang'wen ma juwodho
malu no kubang'gi kubang'gi. Nyo gi copo bedo ni kony ma tiyu
i kind koko peri? Nyo i copo mio paru ma nyen?

PONJI MIR 39 - WAKU JUYIC I KUM TIC

Copo nwang're magwei nia in i kendi remi tie ng'ati ma won
ng'ec ma dit mitela i kind koko mu, man ibiwinju abidhe ma dit
mi yeyo tic ceke mi kanisa iwi goki in. ento eno copo bedo
lembe mi can, lembe ma rac mi can. Pirang'o?

Mir acel kwan 1 Pet. 4:10. Ju ng'olo lembe ne ka maleng'. "kubang'
ng'ati man utim ku giramia pare ni timo ni juwadi." Ni dongo i
Rwoth dhanu m'umaku gi keth giramia migi i tic, man umaku i
ponjgi amani cuk cwinygi. Dagu m'umbe ku ka m'umaku e mol
ie egam eguro karacel. Kulo mi pi mi kwo umaku ubed ka mol
kud i bang' jukristu peri ma fodi juponjo gi tela ungo eno.

Calku ungu mi lembanyong'a. acel copo bedo jatel wi wer, acel
ke jagoi gita. Nyo ng'ati acel copo bedo goyo gita ne, ng'ati acel
ke mio lembatuca (sadeni). Mi igi kum tic eno gi i saa lega mu.
Kwai ju moko gi tel wi dhanu pacu moko ka ma gi rwo iie, kadi

ke somo (ng'iyu i) Bibilia mi kind pacu. Ju mange copo ka ponjo i Sunday school, ju mange ke copo telo wi koko pa awia mi ceng' kasi. Cak timotim mi kelo dhanu mange i kum tic ma i neno wigi. Musagu ceke ponjgi kite mi telo wi dhanu ni jolo Kristu.

Wuwec i kum yo mange ma dhanu ma fodi ginwang'u ponji mi tela ngo gi copo nyuthu komker migi i kum Rwoth i timo Ire.

PONJI MIR 40 - TIYU KU GIRAMIA PA MON

Kud juyi ni mon ni koko mu ni bedo ni ju ma neno tic pa Rwoth anena ku wang'gi kende. Gi nuti ku giramia ma bikelo mugisa ni koko ne, bi mio dwong' ni Mungu, man bi mio tego i tipo migi gigi.

Ke ng'iy mon mi kind rombe peri. Tim piny mi copo pi royo ava man i yub gin i timoni Rwoth i acel mi kind timotim maegi:

1. I kind mon

1. Macalu jakony ma dhaku – m'eliewu ju ma kum gi lith nyo ke ju ma can unego gi.
2. I rwo mi kind pacu moko, m'etelowie nyo ke ejolo jukucwiny dhanu ne i pacu pare.
3. M'etelo wiju i somo (ng'iyu) i Bibilia – bible study Lembanyong'a.
4. M'eponjo jukristu m'uteng'ni ngo ni doko ni julub, nyo calu tic pa nyamegu ma madit/nyamegu manok – dwoko dhanu juyic, bedo jatela pa nyimegu.

2. I kind awia

1. M'eponjo i Sunday school – kulembagora, wer, tugu, cal, ginrema.
2. M'etelo wi koko ma kago kude – awia mi kind pacu

3. Kud i kind pacu

1. M'eponjo awia migi awia migi ni lubo both.
2. M'enyuthu mer ni jukristu wadi ku ju m'uboth ungo bende.
3. Ma calu jakony pa cware, m'ecuku cwinye tek eboth, m'emito ku tek ni tuc i kume ku lembe pa Kristu, tek eboth ungo.

Nyamu i lembe karacel: Timotim ang'o mange ma i copo medo ni mon mi knd rombe peri?

KWO MALENG (HOLY LIVING)

YIKIRI PI TIC MALENG'

TIMO NYUTH;- Ponji maegi gi copo bedo ponji ma pire tek uloyo zo ku kind ponji ceke mi yik mi somo manok eni, "kum kud I gin m'usagre ko ia dunde e dhok de yero" (Mat 12:34). Kwo maleng' kende re ma copo cego nying' mi tipu, man Jatic mi Jukristo umaku ugwokere thirithiri ni piny ceke ma copo kwalu aloci ma iie man nyotho lembe tuca (sadani) pare.

Jam tic ma dwong' ne juwodho kud I buku ma julwong'o *ponji 100 mi biblia (100 bible lessons)*, ma jugor ne Alban, man juwodho kud I buku ma julwong'o *Oju yer lembe ne ku Dhano (Preachers and People)*, ma jagor ne Rev. Stanleay, man I buku ma julwong'o *Dhaku ma ndhu cu (The ideal woman)*, ma jagor ne Dr. Lilian Stanley.

PINY MA NWANG'RE IIE

1. Lwor Mungu
2. Kwo m'upong I Tipu
3. Gut ni sitani
4. Nwang'u yeny pa Rwoth
5. Saa ma ling
6. Koiri
7. Kwo peri giri
8. Pidoic ma yor iiyi
9. Romomo kakare pa Jatela
10. Timu Abor
11. Tela I pacu
12. Lembe mandha
13. Lim
14. Kwanu ku woro
15. Gwok kumi ubed ma yot
16. Nyap
17. Pak
18. Tek abidhe ubino
19. Jakwany kothju
20. Aloci m'ung'eire

KWO MALENG PONJI MIR 1: LWOR MUNGU

Utie kit lworu ma ku kit lworu maber. “Lworu kud unegi” utie lembe ma pire tek I Lembagora ma jutyu kude romo wang’ 50, man ku yore matung’ tung mange ju tiyu kude wang’ 366. Poi pi lembe ma Mungu m’uwacu, “En e an, kud lworu negi”. Ento lworu pa Mungu unuti piny m’umaku wabed kudu. Nen lembagora maegi; Yob 28:28, Zab. 19:9, Sam 23:3, Poi 6:13.

1. Maegi piny m’umaku kud wulwor

- i. Mungu m’araga nyo mungu mange.
- ii. Dhanu –nen dubu pa Saul I Sam 15:24, Poi i kum Lembrieko 29:25
- iii. Peku ma giwok I wang’ ng’om, kum gi nyuthu nia dwogo pa Jalar mwa ni ceg’ni Luka 21:25-28.
- iv. Masendi (fod) mir anyim – Jueb. 10:27.
- v. Umaku kud walwor “lworo” kum jayic lworu pare ni wi Rwoth. 1Pet.5:7. Lworu acel kende re m’udong’, ma e lworu maleng’ pa Yehova Mungu.

2. Lworu Yehova ene ang’o?

- i. En e dagu dubo- Lembrieko 8:13.
- ii. En e rieko – Zab. 111:10
- iii. En e piny m’akana – Lemberieku 15:6, Isa 33:6.
- iv. En e pii ma kwo. – Lembrieko 14:27
- v. E leng – Zab. 19:9
- vi. Ebedo mi nja – Zab.
- vii. Ayi Mungu ni kume – Jueb. 12:28.

3. Adwogi pa lworu Mungu utie ang’o?

- i. Enyayu mutoro i Mungu – Zab. 147:11.
- ii. Ekethu Mungu yio ng’ati - Tic 10:35.
- iii. Ekethu Mungu bedu ku cwiny ma ng’ic ikum ju pare – Zab. 103:13
- iv. Ekelo mugisa – Zab. 112:1

- v. Ekethu ju ai kud i dubo –Lembrieko 16:6
- vi. Ekelo ribri mi jukrito – Malaki 3:16.
- vii. Eketho Mungu gamo rwo mwa. – zab 145:19
- viii. Emedo nindo mi kwo – Lembrieko 10:27.

Nyamu I lembe karacelo: Wek ju ma jubeponjo giwec I kum yo mi voyo goro mir adunde ma lwor. Man giwec i kum rieko mi lworo Mungu.

PONJI MIR 2: KWO M’UPONG KU TIPU (JUEFESO 5:18)

Kubang’ jayic acel utie ku Tipu Maleng’ (Jurumi 8:16), ento Tipu ne copo bedo iie ma nwang’u re ebimo wi kwo pare ngo. Ecopo bedo ni ng’ati ma bedo keca, ento e jabim re ngo. Kinde ma mio kwo mwa ebim wie en ngire e pong’owa musagu (Luka 11:13). Jayic jolo Tipu ne nwang’u eyio nia Tipu Maleng ubim wi kwo pare man ebim ndhu wi kabedo mi kwo pare ceke. Idhu juyunani ma jular jugoro lembe ne iie unyuthu nia en umaku medere asu- med nibed pong asu. Pong’ ne ubbed thirithiri man emedere asu. Tipu romo (pong’o) Jakwenda Petro i Tic. 4:8, man kendo i Tic. 4:31. Kubang’ rupiny mito pong’ ma nyen.

1. Ayi bedo ma ketho Tipu Maleng’ pong’o wa;

- i. Ruc mi dubo – Tic. 2:38
- ii. Bedo wot – Jugalatia 4:6
- iii. Ava mi pong’ i Tipu – Yohana 7:37 – 39,
Isaya 44:3 bende
- iv. Yioyic – Yohana 7:39
- v. Woro – Tic 5:32
- vi. Kuro – Luka 24:49 man Tic. 1:4 kud I bed ku ndiri.
- vii. Rwo – Luka 11:13
- viii. Ting’ lembe ne ni bedo peri – Yohana 1:12

2. Adwogi mi pong' i Tipu

- i. Tego mi tucó (yero) pi Yesu – Tic. 1:8
- ii. Tego mi kwo I aloci pa jakristo – Tic. 20:22 – 24

3. Nying' Mungu binwangu' dwong' Yohana 16:14.

Ni jigu: Wan wa dong' piny ungo ento wang'a yo. umaku wapong' thur ku oy pya pya, Mugisa umaku okonjire woko. Ken en ayi ma Biblia ukethu ikum tic pa Tipu Maleng' e;

- i. Kulo m'udhenyini – Yohana 4:14
- ii. Kulo m'uthwogire – Yohana 7:37 – 39
- iii. Pii mudhenyini – Juefeso 5:18

Nyamu I lembe karacelo; Nyo saa mange ju ma jube ponjo upoi nia gibe pong' ungo ku ***Tipu Maleng'***. Bed ku kare mi tucó dubo ku rwo copo ni bedo ni yo mi mugisa ma ndit.

PONJI MIR 3: GUT NI SITANI (1 PETRO 5:8 – 9)

Umaku wiwa kud uwil nia kubang' nyathin pa Mungu mandha ci sitani bi lwinyo I kume be. Ponji eni bi nyuthu iri yo m'icopo tiyu kudo pi voyo lwiny ne gi.

**1. Yo ma sitani ting'u iie lwiny ikium Jukristo –
2 Jukorinto 2:11**

- i. Ekelo nyap i kumwa
- ii. Enuru wa kud adiang'a cwiny mi tic matung'tung'.
- iii. Esendo wa ku lworó, ku kum ma ndhoru man ku wijo ma paru lembe ma ka mabor.
- iv. Eketho wa winjo ve jutimu war ac, e wa doko kwiny.
- v. Wec ma rac ci ayu cwiywa – ma wiwa wil nia nwangu umaku wabed ayika ni jole.
- vi. Ava lembe ma ai i kum ju.
- vii. Abidhe mi yungiri i Tipu.

2. **Kite mi gut ni sitani.**

- i. Nen lembe ne nil winy ma jok ubekelo en – Yakobo 4:7
- ii. Guti, kied lwiny, man I wodh pala mularu – Juefeso 6:11.
- iii. Tiy ku jamtho ma junyuthu pigi I Juefeso 6:10 – 18
- iv. Ronjiri Kristo – Jurumi 13:14
- v. Tiy ku pala mularu – Matayo 4:47 man 10.
- vi. Tiy ku tego mi yeny peri ma iwac kumae :Abidubo ngo. Ang’olo calu ku tego pa Kristo m’bedo iia ni loyo man ni bedo won aloci iwi dubo”
- vii. Rwo – Juefeso 6:18
- viii. Kwai rimo pa Yesu umi – “man givoye ku rimb nyathi Rombo” (Lenbanyutha 12:11).

Nyamu i lembe ma karacelo: Piny ang’o m’ingeyo ikum lwiny pa Sitani? i bedaru lwiny ne nenedi?

PONJI MIR 4: KITE MI NWANGU’ YENY PA RWOTH

Kubang’ jukris ceke gi nwang;u lembbe ma tek I ng’eyo yeny pa Mungu. Utie piny moko ma Mungu yiko con pi dhanu pare ceke, m’urombo ku kothwa, bodho mwa, piny ma cande ni kumwa man kabedo mwa – Juefeso 2:10.

Piny ma Mungu yiko pri, ndhu e piri – Zaburi 32:8.

Enuti ku lembe ne ceke – Zaburi 37:23

Lembe ne ng’aire atira man ku kite. – Isaya 30:21

Emito wa penj pi yeny(yik) pare Zaburi 143:8, man umaku wabed ka hrwo musagu kare wanwang’ thuth mi yeny ne.

Man yub pare nja utie ber, ma yire ma ndhu pi jayic acel acel – Jurumi 12:2

1. **Yeny pa Mungu thirithiri utie ku lembe maegi:**
 - i. Koiri cen nku dubu pi dwokrileng' – 1 Jutesaloniki 4:3
 - ii. Rwo ku foyofoc – 1 Jutesaloniki 5:17, 18
 - iii. Timu tic maber – 1 Petro 2:15
2. **Kite mi nyuthu yo (telu wiju)**
 - i. Mungu thirithiri telu wiju ku Lembagora. Wek lembe pa Mungu uromi. Yeny pa Mungu ukoc ku Bibia.
 - ii. Tipu pa Mungu benji yor i iyi – Jurumi 8:16, Tic. 13:2, Yohana 16:13
 - iii. Kudi lembe m'timbre. Mungu fungu dhogola acel man eyabu mucelo. Gin moko mbe ma timbre I kum nyathin pa Mungu rek.
 - iv. Saa mange ku kendo lau rombo, Jupoklembe 6:37-39, ento umaku jubed ku wang'ju kara kud juyik lembe moko mi tek.

Ayi yub pa George mi nwang'u yeny pa Mungu

1. Ke wenj yeny peri giri. Kud ilsr ibed ku lembe mi foyo con ilembene. Bed m'umbe lembe moko kadi acel.
2. Say yeny mi Tipu yor I lembe pa mungu.
3. Poi pi lembbe ma tek ma Mungu yio gi wok.
4. Rwo ya Mungu nyuth yo.
5. Kur kud ibang' Mungu.

Nyamu i lembe karacel: Nyo ing'eyo pi telowic ma Mungu telo ko wi i lembe moko? I ttundo ikum ng'eyo nenedi nia ebetelo wiyi?

PONJI MIR 5: SAA MAKOYA NYALWE

Saa ma ling' utie lem mung' mi kwo i aloci pa Jakrito. M'umbe maeni, ungeire ka maleng' nia lembe mi Tipu uvoyo wa.

1. **Lapor ma ber pa Ibrahim pa saa mi bedo ling' kugweno.**
 - a. Ebed eai kugweno con. Eni utie timu ma ber.

- b. Ebedo ku kabedoo ma koya mi rombo ku Mungu. Wan de umaku wa tim kumeno.
- c. Etime kubang' ceng', ma kinde cot ungo.
- d. Ecungu i wang' Rwoth, m'ekuro Rwoth uweci ibang'e

2. Jam tic ma pisaa ma ling'

- a. Biblia. Bed mandha i kwanu Biblia calku yik m'unuti
- b. Buku ku kalamu ma copo goro ko ponji mi nwang;u ku i lembe ne.
- c. Buku ma utie ku kwayukwac man kabedo mi goro wang'e m'udwogo.

3. Yub mi saa ma ling';

- a. Bed ku saa ma ling; ma rom saa ceke kubang' nindo ka copre
- b. Nen ku tek nia yub peri i canu maber. Ma iie nusu saa copo bedo mi kwanu Biblia man nusu saa ke mi rwo.
- c. Kud ibed ng'ati ma lokre ngo. Medri ka rwo, tek Tipu telo wiyi. Tek lembe ne urieny ku der ma nyen, medri ni somo man I wek epong'i.
- d. Yo ma ju copo time iie. Rwo ma cek, kwanu Biblia, ka dong' rwo. Tiy ku lembe pa Mungu calu ka there mi rwo ku kwayukwac.

PONJI MIR 6: KOIRI - 1 YOHANA 2:15

“kud womar ng'om “ Ng'om thelembe ne ang'o keni? Lembagora m'ulubo ugonyo thelembe ne; Thelembe ne nuti kura tim mi ng'om eni ma sitani re m'ubimo wie.

1. Piny moko ma wang'eyo gi rac:

- a. Gamri i kind jayic ku jayic ungo uyire ngo –
2 Jukorinto 6:14-17, Amos 3:3

- b. Gondri ceke ku tic mi mudho ceke – 2 Jukorinto 6:14
eni copo diku ribri mi kindju i kuloka bende.
- c. Belial, jok macon, man juyic ungo – 2 Jukorinto 6:15
- d. Mungu maraga – 2 Jukorinto 6:16
- e. Juponji mi ndra – 1 Timoteo 6:5
- f. Lwon dubo ceke ku sasa (meth, ku mange) -1 Petro 1:16

2. Cik ma pigi tek m’umaku julubi:

- a. Umaku akaira ikum piny ceke ma copo nyotho yioyic para ma nii Mungu.
- b. Umaku akaira ikum piny ceke ma copo nyotho lenbatuca (sadeni) para.
- c. Umaku akaira ikum piny ceke ma copo jwigu kura kwo ma ber para man tera I kum dubo.
- d. Tek timu para ketho umira kier, dong’ umaku kud atime –1 Jukorinto 8:13.
- e. Umaku akaira ikum piny ceke ma copo mio ret ikuma, pidoia nyo ke i ng’eyong’ec na.
- f. Enyayu mototo I Yesu Kristio? Ka nwang’u copo time ungo, umaku an de kud atime 1Petro 2:21.
- g. Ebimedo tego ikum lembatuca (sadeni) para? Edwoke goru?

Nyamu i lembe karacel; Nyo ibedo ku lembe ma tek (masendi) ikoiri kum timo mi dubo? Nyo fodi asu kabedo mi telri unuti asu? I copo daru nenedi?

PONJI MIR 7: KWO PA JAKWATH GIRE

Kura kwo pa Jakwath pire tek hai, kum dhanu giwinjo lembayera mi ceng’ yenga man gi ketho wang’gi ni neno wigi pong’ nenedi I kind yenga.

Jakwenda m’uteng’ni Paulo unwoyo thirithiri lembe mi kwo maleng’ kud amora i waraga pare mi Timoteo ma jayer lembe ma nyathin. Tek jayer lembe ne ukwo calku lembayera pare, nyanok ci dhanu ne gibinyang;

1. Jakwath umaku ubed ng'ati m'umary Mungu – ng'ati maleng' m'umire ma juneno der pa Rwoth Yesu Kristo kud iie.
2. Umaku ebed nip or i wat mi kind gi ku dhaku pare man juot pare. Umaku ebed nip or ni rombe pare i gin maeni.
3. Umaku ebed ng'ati ma jarwo. Ju pare bibedo ku gen ma nia ebeting'o kare mulwar i rwo – kadok wend saa ngi. Maeni mitre ire pi gwoko bedo leng' pare gire. Sitani biero abidhe ma dupa ni ng'ati pa Mungu.

Umaku ebed i wang' Mungu nitundu wang' ma cilo ukabre cen – Isaya 52:11.

Umaku erwo pi rombe – 1samuel 12:33, Jukolosai 1:9, Rwo pare ni dhanu pare umaku ubed calku nying'gi, ng'ati acel acel, tek copre.

4. Umaku ebed kud ava mi dhanu m'urwinyo man ma gibetho – Tic 20:31
 “Wubed leng' wu ju ma wungeyo jam tic pa Rwoth”

Nyamu i lembe karacelo: Nyuth Jutela moko mi Jukristo ma gibedo ni poriri. Kura kwo migi maber m'unge'ire ubedo ang'o gi?

PONJI MIR 8: PIDO IC MA YOR IC

Jarimu pa Rwoth umaku utim tic ku pidoic m'atira – pi dodo nying' Rwoth. Paulo ubedo ngo ku pidoic mi sente kadi ke nyuththri, ento dhanu – both migi ku nyang' ma thuth migi i yiyoic.

Nen m'eneno koya umaku lembe ne utimbre pio kud ava ma dit mebedo ko udiye ni cwalre iwang'e – 1Jukorinto 1:15-18.

Ebedo ayika mi weko cam ku madhu tek dhanu copo both kende – 1 Jukorito 9:4

Ekeru cul i Korinto ni cero lembe mi bedo ku paru i wie man kara eboth ng'eyongec musagu. Eloko kwo pare ni rombo ku mi ayi kodhi dhanu matung'tung – 1 Jukorinto 9:19-23. Ebedo ayika mi bedo mbe gamri. Pacu man awia tek nwang'u dhanu copo sagri ni both.

Pidoic m'uketho etimu piny ceke ni dwong' pare ubedo ni kum lembe ne maber, saa ne ma nyanok, tho ma ni ceng'ni man dwogo pa Kristo ne–Jukolosai 3:17, 1Jukorinto 10:31.

Nyamu i lembe ma karacel: Pin yang'o ma Paulo utimu gi calu tieri (wenjiti) pare gire pi tic pa Mungu? Inde nyo i nwang'u nia pigi bedo teki?

Kewec ikum pidoic ang'wen pa Paulo ma junyuthu i ponji eni.

PONJI MIR 9: PINY MA KETHO JATELA MI TIPU ROMO KAKARE

1. Umaku ebed ma adote mbe ikume, ng'ati ma pire ber, ma kura kwo ku cingu pare atira – Tito 1:6
2. Umaku ebed cwar dhaku acel, ma ku gamri acel – Tito 1:6
3. Umaku ebed won nyithindho m'uyio, ma giwor ithe bi pare. – Toto 1:6. Eni utie penji ne. Tek ng'ati moko bimo wi ot pare cu meca eco po bimo kanisa?
4. Umaku ngo ebed ng'ati m'ucungu iwi yeny pare gire; e ng'ati ma diyu lembe pare iwi dhanu – Tito 1:7
5. Ja ng'ecwiny ma vur vur de ngo – Tito 1:7 Cwiny ma lieth ku ng'ecwiny umbe ku kabedo keni.
6. Jakwakwa ma wi pig ulok ungo – Tito 1:7
7. Jagoi dhano ngo Tito:1:7
8. Jamar sente hai ungo – Tito 1:7. Maeni pire tek, mar moko sente mi kanisa udok ni uwic ire.

9. Jamar nyuthu mer ni welo, Tito 1:8 Enyuthu mer ni juwadi man ni welo.
10. Jamar gin maber, maleng' man ma pwe de – Tito 1:8

Nyamu i lembe ma karacel; Ke nen kura kwo ma juwecu pigi e ceke man I nyuth pirang'o ma pigi tek ya Jutela mi kanisa ubed kudgi? Nyo kura tim mange nuti ma nwang'u icopo medo ikum maeni?

PONJI MIR 10: ABOR /TARWANG

Jok bitimu piny ceke calku tego pare nia lembe uvoy jamiru pa Mungu, man umbe gi moko ma nyayu mutoro iie masagu ketho ng'ati m'uidho malu ikum timotim pare ni podho-epodho musagu man ma lith man wang' mapol, epodho ku ju mange ma gibedo julub pare i wotho migi ma ku Rwoth. Lemandha maen elembe mi can utie nia wang' mapol Jatela mi Tipu podho kud iwi got ma malu mir aloci mi tipu ku bero ne ceke i longro ma col mi ju ma juvoyo ni kum ebedo wang'e ngo ikum wat mi kindgi ku mon. Timutim pare gire unyothre, kothe daru ruku kapoyo ma rucre ngo. Man jumio kanisa pa Kristo ni cac.

Jatic pa Mungu umaku saa ceke ugwokre ni abidhe. Umaku eng'ond leb abidhe cenke muyenyo loth ma fodi. Kinde m'ecimio kony nyo rwo ni ju ma mon umaku ewoth ku dhaku pare nyo ke acel mi kind judongo mi Kanisa. Umaku ecere ni dubo ma mba mba ceke.

Umaku i segri i rwo nia Mungu ugwoki ni athero pa sitani. ento umaku il bed nger ni ayi gin ma rac m'uyenyo nen de. Umaku wabed ku wang'wa man warwo bende.

Nyamu i lembe karacel: Nen Samsom ku Daudi, man inyuth ram wat mi kindgi ma ku mon migi m'ubedo ber ungo ukelo ko can ma dit.

PONJI MIR 11: TELA I PACU

Mer ma dit m'enyuthu iwi bop umaku uwoth karacel ku mer ma dit mi kum pacu. Jumio fod ni Eli ni kum ebimo ngo wi wote ma weg gondri. Kinde ma Ibrahim ke Mungu ular upoi pi miero lembe mi pacu pare, man egam emio ire tic mulwar. – 1 Samuel 2:12 – 17, 22- 25.

1. **Jatela mi Jukristo umaku ubed ni cwar dhaku m'utie ni por.** Mire ni dhaku pare bi ketho cwiny mon mange ai kum bedo ni abidhe i yo pare. Tiyu kude calu ng'ati ma gidiko cing'gi karacel kude binyuthu woro ma juworo ko mon ma calu kura tim m'umaku kanisa ukwany.
2. **Awia pare umaku unen nia ginyolri ni kum pacu mi mer man tim ma kakare.**
1 Timoteo 3:12. Umaku gibed wor man ithe bim. E tek ni welo ni woro ng'ati ma awia pare nyuthu woro ire ngo.
3. Pacu pa jatela ne umaku ubed ayaba ni juyic wadi man ni welo. Tito 1:8. Umaku ebed ku lembe ma nythu bedo ma ayi Mungu ni kume kara ebed yot ni welo ning'eyo nia Kristo re ma jawi pacu ne.

Nyamu I lembe karacel: Piny ang'o ma bibedo kud adwogi iwi kwo pa Jatela mi Jukristo pi bedo nip or ni awia mathindho mang'e mi kanisa? Ponji migi umaku ucak awene?

PONJI MIR 12: LEMANDHA KENDE

“Wuwek 'Eyo'mu bed ni 'Eyo' man 'Ungo' mu ke 'Ungo' – Matayo 5:37.

Umbe dubo moko “ma thindho ma gi tar” ni Jakristo. Umaku ebed ni ng'ati ma ju copo geno. Rwoth uwacu ku tego ikum abombi – nen Zaburi 101:7.

1. Medo lembe – Juyer lembanyong'a thirithiri gi yenyo timo dubo mi medo lembe. Gi mio adwogi ma nia gibedo kud udul dhanu m'uwinjo lembe kud dhanu ma dupa m'uboth ma nwang'u tic manok m'utimbre.
2. Lembang'ola ma jugwoko ngo – Ka jutimu lembang'ola umaku jugwoke. Tek unge ci lembang'ola ne udoko ni ndra, man Mungu mbe ku mugisa ni jundra.

Nyamui lembe karacel; Som lembagora egi iwec ikum gi; Zaburi 101:7, Lembrieko 12:22, 19:5 Jukolosai 3:9, Lembanyutha 21:8

PONJI MIR 13: SENTE (LIM)

I copo geno nia ikinnd dhanu mi ng'om zo, nia Jatic ma Jukristo nwang'u umaku ubed ni ng'ati ma yero lembe mandha man m'utie mandha magwei ilembe mi culu banja. Enre e lembe mi can nia lembe ne kumeno ngo. Jukuloka ma pol kweru ni mio banja ni jutic pa Rwoth ni kum gu vuru gi. E nyoth madit ni jatic ma Jakristo ni cac ikum nying Rwoth.

Paulo uponjo ka maleng' kud ibed ku banja pa ng'ati moko ndhu mer – Jurumi 138. Itiyu ku sente peri piri giri man itiyu ku sente pa Kanisa, umaku ubed mandha iigi ceke. Tek itimo lembang'ola pi culu pong' wie. Tek ung'o timutim pare bidar ma mierolembe mbe, man ebikelo cac ikum nying' Rwoth.

Nyamu i lembe karacel: Som Jurumi 12:17. I paru peri, thelembe ne ang'o? Nyo ing'eyo Jutic ma Jukristo moko ma gidieng' ungo, kadike ma gi mandha ngo, ilembe mi sente? Eni ubedo kud adwogi manedi ikum tic pa kristo?

PONJI MIR 14: KWANU KU WORDO

Jakwenda Paul upoyo Timoteo ma jatic ma nyathin “keth cwinyi cu ikum somo” – 1 Timoteo 4:13. Kubang dhanu ceke ma giyero lembe umaku gi mond thuth i lembe ne ma nwang’u gitiyu ku piny matung’tung’ mi kony mi somo mu nuti. Poi pi paru ma pire tek mae ju mio. *Dhanu umaku ung’ey piny manyen manok kokoro kubang’kare ma giwinji.*

Buku ma ju gonyo lembe mange ma kelo dhanu ikum nyang’ ma le ku Biblia mi somo umaku jubed agonya mi tiyu ko, karacel ku buku mange ma dhanu pa Mungu go goro mi rundi ceke, somo misagre ketho ng’ati teng’ni”

Nyamu i lembe karacel: Piny ang’o ma isomo ikind nindo ma kago eni ma umio iri tego kud ilembe pa Mungu? Ke par pi wi lembe ne moko gi.

PONJI MIR 15: GWOK KUMI UBED MA YOT

Kum eni utie Hekalu pa Mungu man jugwoke maber (1Jukorinto 3:16). Cam cam matung’tung’ i mukeru m’upore wek camu kud abamba. Vut con man i ai de con.

Tin ryeyo kum moko kubang’ ceng’

Kura mi gwoko yot kum maber bi medo iri nindo ni Rwoth. Kwo i ayi ma yot man paru pi piny ma pigi tek. – re m’ubed ni lembe m’umaku ugwoki.

Nyamu i lembe karacel; Nyuth ayi rweyo kum moko ma gi copo konyo pi gwoko yot kum. Wec ikum piny mange ma gi copo bedokud adwogi iwi yot kum.

PONJI MIR 16: NYAP

Paulo ubedo ku thelembe pare m'uketho egoro nia "Kara kud wubed ku molcum" (Juebrenia 6:12), Jatic ma Jukristo umbe ku ng'ati m'uneno wie mi ng'eyo eting'o saa ma rokani mi tic metimo andha. Ecidho iwi bop man enwoyo lembayera melar eyero wang' dupa. Saa ceke nwang'u tego mbe i lembayera pare kum eting'o kare manok mi rwo. Dhanu pare ginwang'iri ve gi mbe ku Jakwath kum eting'o kare manok pi liewo gi ku mio kony igi.

Saa mi koko nyanok, man "ento ng'atu ma nindo i palacam en e wod ma nyayu lewic" (Lembrieko 10:15) Ya "kawoni ene kaceu ma waceu ko ku wang' nindo" (Jurumi 13:11) wu jutic pa Kristo, wath kum lwong'o mi yung' I dhu tic mi dwong' Ceu kugwenu con, lub yub mi rwo man tic kara saa ceke mi ceng'ne wigi pong' kakare

"Dong iceu in m'ibenindo" (Juefeso 5:14)

Nyamu i lembe karacel: Piny ang'o gi ma gi copo ketho jayer doko janyap? Ing'eyo juyer ma junyap de? Ju migi woro gi?

PONJI MIR 17: PAK

Nyo ibekadhu kud i saa mi mudho mi tipu? Nyo iol kud ayi kwo mi langa? Nyo wiya ubeliero iwi teri? Kifungula mi gony kud i ayi lembe ma rac eno man voc mi tipu eno utie pak. Re m'utie yath peri; Ebitimo wang'uic i kumi, i tipu man I ng'eyongec peri (Lembrieko 15:13, 17:22) Pak! Kud inyoth saa ku tego peri mi dhau ikum Mungu man ju mange pi lembe kadhu ie. Ting' weng'i cen i kum peku ku lembe m'ibekadhu ie man i dwok gi ibang' Rwoth. Wii wil ikum rem ku lithu peri. Eni kare m'icopo loko peku peri ni pak, ni nyuthu ni ng'om nia utie ng'ati moko m'uromo ku pak kadok i saa ma lembe tek iie.

Saa mange eyot ungo ni paku – pi lembe nini re m'uketho ju ng'olo iwa ya wami lam mi pak ni Mungu thirithiri.

Kinde m'irumo piny ni rwo wiyi wil ikum kwayukwac peri man I som Zaburi 103 nyo ke mange mi wer mi pak pa Daudi man iketh cwinyi ikum mio pak ire i rwo.
Awacu kendo, Any'onga negwe.

Nyamu I lembe karacel: Kwan Lemkei 20:22 man ken en piny ma pak utimo. Ke kor kind buku pa Zaburi man i ken en ram ma ju ng'olo ko wang' dupa ya jumi pak ni Mungu.

PONJI MIR 18: TEK ABIDHE UBINO

Abidhe bi bino ni Jatic pa Mungu: enre m'umaku egwokre gire. Tek nwang'u ibewinjo i kwo peri nia ike ting' dagu tielo acel yo ba dubo, wek Tipu Maleng' ucweli cen ku poyo wiyi ikum gin maegi.

1. Par pi Mungu – Thangambere 39:9, 1samuel 2:22-25, Yakobo 4:4
2. Par piri giri – 1 Jukorinto 6:18, Lembrieko 6:32
3. Par pi dhaku peri nyo cweri – Malaki 2:14 – 16
4. Par pi jawodhi i dubo – Matayo 18:6
5. Par pi awia – Wel 14:33
6. Par pi juot – Thangambere 12:17, 20:18
7. Par pi lewic ku can ma nyai iiju – Lembrieko 5:11 – 14, 6:32, 33
8. Par pi kanisa – 1 Jukorinto 5:1-6, 1 Samuel 2:24
9. Par pi ju ma jukristo ngo – Jurumi 2:22, 24
10. Par pi jukwor mi lembanyong'a 2 Samuel 12, 13, 14.
11. Par pi dhu tic peri – Jupoklembe 16:19, 20
1 Jukorinto 9:27
12. Par pi pokolemba pa Mungu – Juebrenia 13:4, Ezekiel 16:38

13. Par pi kwo ma rondo ku rondo – Jugalatia 5:19 – 21
14. Ni jigu, par pi dwong’ mi anyim tek loyo – lembanyutha 14:4

Nyamu i lembe karacel: Ma kani mi kind lembe ma jurieyo no ma I neno yap ire tek magwei? Pirang’

PONJI MIR 19: JUKWANY KOTHJU

Kadok wamito kadok ungo, dhanu bi kwanyu koth ng’ati ma cingu iwi bop be, ilembe pare maber ku ma rac ceke. Paulo uwacu ku i Juefeso 5:1, “Ka kumeno wubed jukwany ba Mungu” man lembe ma rac mi podho bbedo mbe tek julub kony maeni. Ento dhanu ma tho umaru ni lubu jatela, man jatela mi tipu re m’umaku unen ku tek kit lapor ang’o m’eweko ni rombe pare.

Tek e ng’atu m’ubedo ku riekho ikum wotho pare ma ku Mungu, jumange bilubu yo mi bedopwe. Ento tek enwang’u eyot ire mi nyekini ku dubu ku mio kare moko manok mi weko yo mi jukristo, gibimedri ni mondo le i dubu be. Tek ebedo kud amora mi yenyoy man mi bodho ng’eyong’ec m’urwinyo, ebinwang’u ju moko mu miyiri ma ecopo ni ponjo ni cako yero pi Kristo. Ento tek jatela ne eyio ikum tundo ibang’ ju m’urwinyo, ju pare copo mbedo ni Jukristo mi ceng Yenga kende, ma gi juwinj kende ento jutim lembe pa Mungu re ngo. Tek e jami ceke m’ebedo ko, ma kud ayi kwo mi mio, nyanok ci jukristo ma cing’gi nwang’ ucaku yabu usau lim migi man nwang’u anyong’a i mio ni Rwoth. Paulo ufoyo Jutesaloniki (1 Jutesaloniki 1:6) ku wacu, “man wudoko jupor mwa, ku pa Rwoth. “Eketho cwinye bende, mi kwo ma adote mbbe ikume man ewacu, “Ka kumeno akwayu matek, wukwany kotha” (1 Jukorinto 4:16)

PONJI MIR 20: ALOCI M'UNG'EIRE

Kwan Jufilipi 3 kud 4

Dupa mi jutic pa Rwoth gi sendri ku pidoic ma nia kony migi mbbe ma nwang'u ukayu gi nyanok nok iigi, ma gam daru tegu migi. Lworo negogi ka nyuthiri ma calu ju mutimo ni Rwoth. Ento Mungu kwanu gi calu "jutic pa Ng'atu ma malu ngbir" (Daniel 3:26) Maeni ubedo pidoi Paulo itimo ni Mungu (1Timoteo 1:11,12)

Mungu umio iwa tipo mi tego. Lembe mi dhu Juyanani ma wecu ikum tego i Tic. 1:8 utie dynamite (tego m'uloyo ceke). Tego moko mbe ma copo cingu i dhu tego pa Mungu maeni.

Kud icay tego ma Mungu mio iri. Ke temb piny ma copre ngo. Tuc i kabedo ceke ma copre. Kud ipar nia icopo tuc ungo ibang julonyo kadok m'uponjiri hai. Paulo ma "nyanok" utimu piny ma dongo ni kum ebeto ku tegocwiny itego pa Mungu. Poi pi tego eno man icak tic. Mi kare ni Mungu minyuthu tego pare m'uloyo ceke eno kud i ii.

Mungu umito IN

Nyamu I lembe karacel: Kwan lembagora eni gi man nen piny moko ma gi goro ma Mungu utiyu kudo pi nyuthu tego Pare man uwodho adwogi ma dongo; Ai 4:2, Jupoklembe 15:15, 1 Samuel 17:40, Zekaria 4:10, Matato 13:32, Yohana 6:9, Lemanda ma dit nwang'rer i 1 Jukorinto 1:27-29. Mak lembagora eni gi pi tero ku wiyi.

**WAT IKIND UNGU YIC M'ATUNG'TUNG'
(DENOMINATIONAL RELATIONSHIP)**

Kubang' yic utiye kukura tim ma tung'tung' i iye pi maeno, ponji maeno uci weco ongo ikum kura kwo pa yic matung'tung' eno gii I ponji majugoyo i karatasi maeni. juponji binyutho kite mumaku julubi ni ponjo kura kwo payic matung'tung' eno gii. ka kumeno, oda pa yic matung'tung' eno jubiweco ikume i i ungu i ot kwan. ii ajiki pa ponji eni japonji manyen umaku unwangire niye engeyo cuu kura kwo pa yic ma emondu ni timu tic I iye man dok umaku eyi nimondu nicaku timo tic calu jayer lembe majuwiru ungo.

Ponji mir acel: Oda micakiri pa yic ingom pa juma tar (Ulaya), kite majumu cake gi cake kude man nying jutela ne; man thelembe magi cake kude.

Ponji mir aryo: Oda pa yic ne ingom pu ucol; kabedo me ecao I iye man etiye I iye kani timo tic, wen kanisa ingombe man jutela mi kanisa ingombe.

Ponji mir adek, angwen, abic: ponji malili' kite ma ponji malili ne ukoc kude ku yic munge': lembe magi jengre iwiye kite ponji migi man tic matung'tung' ma ni iye: jengiri migi iwii ponji mathuth mi tipo.

Poni mir abusiel: Tela pa yic; ot madit mi tela migi man jutela negi madongu; wend oru magi tingo itela migi man kit yer migi.

Ponji mir abiru: Sukuru pa yic man od yat migi: pokiri mitela ii ungu; cokiri maku bang oru man poru lembe mi ngombe ma ku bang oru I tela mamalu.

Ponji ma mir abora: Jutela I ii district man ot tela migi; poru lembe mi district man karatsi munyuthu sawa mi poru lembe negi.

Ponji mir abungwen: Gyedu mi ponjiri man mi od yat I kanisa mi the dheru. wend kyaru mi adhura ma nok man wend jukwath mi kyaru nyoke juponji.

Ponji mir apar: Sukuro mi ponju jurutela mir anyim pa yic.

Ponji mir apar acel: Jaratela nyoke japonji manyen kukare mi yubo wend sawa mi ponji matung' man ku ponji ne de.

Ponji mir apar ariyo: Ponjo man yubo juru yic manyen ni maku baptisi man kura mi maku baptisi.

Ponji mir apar adek: Piny mu maku japonji utim kadhano pare upodhu i dubo; umaku emi kony nyu ke juk nyu ke ponji cal ku kura mi yic ne.

Ponji mi apar angwen: Piny ma umaku japonji utim i sawa ma weg ajoga nyuke jutela mi ker ucungu iwange ni mio ire masendi nyuke ragedo.

Ponji mir apar angwen, ku mir apar abic: Kite mi timo nyom maleng.

Ponji mir apar abusiel; Kite mi tiyo ku gira tyera man kite mi gwoke.

Ponji mir apar abiru: Kite mi gyero kanisa i kyaro.


Ponji mir apar abora: Ponjo kanisa minget gi. yori mi yore lemb anyonga ne.

Ponji mir apar abungwen: Winjiri pi loku jutela piyenga pi sawa mi yero lemb anyonga ku mange dupa.

Ponji mi pyer ariyo: Eka lembe muwok i kanisa masagu mumaku japonji udar umaku enwang kony kakane? man ibang nga?

BIBLIOGRAPHY

- Alban, Douglas. *100 Bible lessons*. Gospel Literature Service, Bombay, India.
- Balchin, John. *Compact Survey of the Bible*. Bethany House Publishers, Minneapolis, MN.
- Evans, William. *The Great Doctrine of the Bible and how to prepare Sermons*. Moody Bible Institute of Chicago, Moody Press. Used by permission.
- McGee, J. Vernon, *Book of the Bible and Briefing the Bible*, Through the Bible Books, Pasadena, CA.
- Mead, Henretta. *What the Bible is all about*. Regal Books, Div. of Gospel Light, P.O. Box 3875, Ventura, CA 934006. Used by permission.
- Stanley, Dr. Liliane, *The Ideal Woman* and Stanley, Rev. R. *Preachers and People*. Blessing Books, Post Bag 609, Vellore 632 006, India.



Great appreciation is expressed to the publishers of these books who graciously permitted their use in this manual of lessons for portable schools.